

**Krais Akar Mogomem Isa  
Azenim Gati  
O  
Akar Mogomem  
Akar faragha zuim**

Gumaziba Kraisin adarazigh asighasizir dughiamin, Jon akinafarir kam osiri. Kraisin adarazi kamaghin migia ghaze, Krais Iesus a men Ekiam, egha me nighnizir gavgavimin an iti. Kraisin adarazir nighnizir gavgaviba gavgavigh, egh osimtizir ekiaba ateghti, da me abinan koghasa, kamaghin Jon akinafarir kam osiri.

Akinafarir kam a gin otivamin bizibar akar isin zuir aviriba iti. Ezi Kraisin gumazamizir dughiar kam in itiba, me ti akar isin zuir kabagh fo. Ezi gumazamizir nighnizir gavgaviba puvatiziba dagh fozir puvati.

Akar isin zuir kabar mingarim, a kamakin. Krais Iesus en Ekiam, eghti an dafarimin God apaniba bar da dikabiragham. Egh a uaghan Satan dikabiragham. Egh dughiar Iesus uan ingangarim agivamimin, gumazamizir gavgavigha ikia uan nighnizir gavgaviba ataghizir puvatiziba, God ivezir aghuim me daningam. God biziba bar dar ingarightima da igiabar otivigham, eghti me God ko ikiva egh uam osimtiziba puvatigham.

**Krais Iesus, nguibar 7plan aven  
itir siosba bagha akaba amada**

*(Sapta 1--3)*

<sup>1</sup> Akar kam faragha modogha iti, ezi datirighin Krai Iesus a isa azenim gati. God uan ingangarir gumazamiziba bizir zuamiram otivamiba men akaghasa, egha kamaghin akar kam Iesusin aka. Ezi Iesus uan enselin mam amadazima, ki Jon, an ingangarir gumazim, an akam na daningasa ize, eghti ki Iesusin ingangarir gumazamizir igharaz-ibav kimam.

<sup>2</sup> Ezi ki Jon, ki bizir kaba bar dar ganigha gifa. Godin akam, a Krai Iesusin gun migeir akam, ki aneghurigha an gun migei, egha ki ghaze, akar kam a guizbangira.

<sup>3</sup> Akar kam a Godin akam, a Godin ize. Ezi tina akar kam dipontima igharaz darazi a baraghti, a bar akongegh. Gumazamiziba akar kam baraghiva egh Godin akar ki osirizimin gin mangiva, me uaghan bar akongegh. Dughiam otivasava ami, eghti God damuasa mikemezir biziba a adar amuam. Kamaghin amizi, gumazamiziba akar kam dipon.

*Jon nguibar 7plan aven itir siosba bagha akam osiri*

<sup>4</sup> Ki Jon, ia gumazamizir 7plan siosin Esian Provinsin itiba, ki ia bagha akar kam osiri.

---

**1:1:** Dan 2:28-29, Jo 3:32, 12:49, MAA 1:19, 4:1, 22:6, 22:16 **1:1:** Daniel 2:28-29; Jon 12:49; Akar Mogomem 1:19; 4:1; 22:6; 22:16

**1:2:** 1 Ko 1:6, 1 Jo 1:1, MAA 6:9 **1:2:** 1 Korin 1:6; 1 Jon 1:1; Akar Mogomem 6:9 **1:3:** Lu 11:28, Je 5:8, 1 Pi 4:7, MAA 22:7, 22:10 **1:3:** Luk 11:28; Jems 5:8; 1 Pita 4:7; Akar Mogomem 22:7; 22:10 **1:4:** Kis 3:14-15, Sek 3:9, Jo 1:1, MAA 1:8, 3:1, 4:5, 4:8, 5:6, 11:17, 16:5 **1:4:** Ua Me Ini 3:14-15; Sekaraia 3:9; Jon 1:1; Akar Mogomem 1:8; 3:1; 4:5; 4:8; 5:6; 11:17; 16:5

Godin datirighin ikia, fomira ikia, egh gin uamategh izamim, Godin kamra navir amirizim ia daningiva, egh ian apangkuv. Eghti 7plan duar aghuir Godin ingangarim gamua an atrivir dabirabimın guamın itiba, da uaghan ian apangkuvigh navir amirizim ia daning.

<sup>5</sup> Krais Iesus, a gumazir Godin akaba guizbangira dav geim. Egha a gumazir bar uabira faragha ovevemın ua dikavizim. Egha a nguazimın atriviba bar men ekiam. A uaghan ian apangkuv egh navir amirizim ia daning.

A bar e gifonge, egha a uabi uan ghuzimın en arazir kuraba agivazi e firiaghire.

<sup>6</sup> An e gamizima, e atrivimın ofa gamir gumazamizibar otozima, God e gativazi e Godin ingangarim gami, God Iesusin afeziam. Zurazurara Krais ziar ekiam ikiva egh biziba bar dar ganamin gavgavim iki. Bar guizbangira.

<sup>7</sup> Ia gan, a ghuariabar tongin izaghirasava ami, eghti gumazamiziba bar uari uan damazibar an ganam.

Gumazir a giniviziba,  
me bar uaghan an ganam.

---

**1:5:** Sng 89:27, Ais 55:4, Jo 15:9, 18:37, Ef 1:20, Kl 1:18, 1 Ti 6:13, Hi 9:14, 1 Jo 1:7, 4:10, MAA 3:14, 17:14   **1:5:** Onger Akaba 89:27; Aisaia 55:4; Jon 15:9; 18:37; Efesus 1:20; Kolosi 1:18; 1 Timoti 6:13; Hibru 9:14; 1 Jon 1:7; 4:10; Akar Mogomem 3:14; 17:14   **1:6:** Kis 19:6, 1 Ti 6:16, Hi 13:21, 1 Pi 2:5, 2:9, MAA 5:10, 20:6   **1:6:** Ua Me Ini 19:6; 1 Timoti 6:16; Hibru 13:21; 1 Pita 2:5; 2:9; Akar Mogomem 5:10; 20:6   **1:7:** Dan 7:13, Sek 12:10, Mt 24:30, Mk 13:26, Lu 21:27, Jo 19:34, 19:37, Ap 1:11, 1 Te 4:17   **1:7:** Daniel 7:13; Sekaraia 12:10; Matyu 24:30; Mak 13:26; Luk 21:27; Jon 19:34; 19:37; Aposel 1:11; 1 Tesalonika 4:17

Eghti nguazir kamın kantriba bar,  
 dar gumazamiziba a ginighnigh  
 azi naviba bar me basemegham.  
 Are, bizir kam otivam.  
 Guizbangira.

<sup>8</sup> Ekiam, a Godın Gavgaviba Bar Itim, a kamaghın miğei, “Kırara ki faraghavıra ikia, egh abuan ikivıra ikiam.” Kar Godın kamnangra, a datirighın ikia, fomıra ikia, egh gin uamategh izam.

### *Jon Kraisin gani*

<sup>9</sup> Ki Jon, ki ian aveghbuar mam. Ki ia ko, e Kraisin adarasi. Ki ia ko poro, egha mızaziba isa, egha ia ko God Bizibagh Ativir Dughiamın aven ikia Godın apengan iti. Egha ia ko porogha osımtıziba atera tughavıgafi. Ki Godın akam akura, egha Iesusın gun miğeir akam, ki an eghurigha an gun miğia ghaze, akar kam a guizbangira. Kamaghın amizi, me na batuegha na isa Patmosın Arighatızimın na ati.\*

<sup>10</sup> Ekiamın dughiamın, Godın Duam na gizivagha pamten nan ingari, ezi nan girakirangın ki tiarir mam barazi a sighamın mın pamten dei.

---

**1:8:** Kis 3:14, MAA 1:4, 1:17, 4:8, 11:17, 15:3, 21:6, 22:13    **1:8:** Ua Me Ini 3:14; Akar Mogomem 1:4; 1:17; 4:8; 11:17; 15:3; 21:6; 22:13

**1:9:** Fl 1:7, 2 Ti 1:8, 2:12, MAA 6:9    **1:9:** Filipai 1:7; 2 Timoti 1:8; 2:12; Akar Mogomem 6:9    \* **1:9:** Dughiar gumazamiziba arazir kurar Romba aghuazibagh amima, me me isi kalabus darighasa. Egha dughiar mabar me me amadima, me arighatızibar ghua iti. Patmos a uaghan kalabuziabar arighatızir kabar mam.    **1:10:** Jo 20:26, Ap 10:10, 2 Ko 12:2, MAA 4:1-2    **1:10:** Jon 20:26; Aposel 10:10; 2 Korin 12:2; Akar Mogomem 4:1-2

11 Tiarir kam kamaghın mıgei, “Bizir ni garir kaba bar, ni akınafarımın ada osirigh, egh 7plan siosba bagh da amangigh. Siosin Efesusin nguibamın itim, ko Smernan nguibamın itim, ko Pergamum ko Taiataira ko Sardis ko Filadelfia ko Laodisian nguibamın itiba.”

12 Ezi ki gumazir na mıgeimın ganasa ragha gari, golin lamın 7pla iti.

13 Ezi ki gumazir mamın garima, a lambar tongın tughav iti. A Gumazamizibar Otarımın mın gari. A korotiar ruarım aruzıma an an sueba avara, ezi a golin letiam uan evarım amıghiri.

14 An dapanarızim bar ghurghurigha mati, sipsipın arızımın mın gari, mati ghuariar ghurghurım. Ezi an damazımning mati avir mızariar gavgavımın pamtem isi.

15 An suemning mati bras, me avir ekiamın a tuazi, a isia dafozi moghın gari. Ezi ki an tiarım barazi, a mati dipar ekiam afora nıdi.

16 A 7plan mıkovéziba uan agharır guvımın dar suıra. Ezi mıdorozır sabar mam ghumtızir pumuning ikia bar ghumi, an an akamın ikegha azenımın ize. Ezi an guam aruer angazangarır gavgavımın mın pamten taghtasi.

---

**1:12:** Kis 25:37, Sek 4:2, MAA 1:20      **1:12:** Ua Me Ini 25:37; Sekaraia 4:2; Akar Mogomem 1:20      **1:13:** Ese 1:26, Dan 7:13, 10:5, MAA 15:6      **1:13:** Esekiel 1:26; Daniel 7:13; 10:5; Akar Mogomem 15:6      **1:14:** Dan 7:9, MAA 2:18, 14:2, 19:12      **1:14:** Daniel 7:9; Akar Mogomem 2:18; 14:2; 19:12      **1:14:** Daniel 10:6      **1:15:** Ese 1:24, 43:2, MAA 14:2      **1:15:** Esekiel 1:24; 43:2; Akar Mogomem 14:2      **1:16:** Ef 6:17, Hi 4:12, MAA 1:20, 2:1, 2:12, 2:16, 3:1, 19:15, 19:21      **1:16:** Efesus 6:17; Hibru 4:12; Akar Mogomem 1:20; 2:1; 2:12; 2:16; 3:1; 19:15; 19:21

17 Ki an ganigha an dagarimningin boroghin irigha, gumazir ovengezimın mın iti. Ezi a uan agharir guvim na gisin atigha, kamaghin migei, “Ni atiatingan marki. Ki gumazir faraghavira ikia, egh abuan ikivira ikiamim.

18 Egha ki gumazir angamira itim. Fomira ki areme. Datirighin ni gan, ki zurara angamira iki mamaghira ikiam. Ki Ovevemın ki, koma Gumazamizir Oveaghuezibar Nguibamın ki, ki aningın suiragha aningın ganamin gavgavim iti.

19 “Kamaghin amizi, ni bizir ganizir kabar akaba, ko bizir datirighin itiba ko bizir gin otivamiba osirigh.

20 Ni 7plan mikovezir nan agharir guvimın itiba ko 7plan golın lambar ganigha gifa. Da mati akar mogomem, ezi dar mingarim kamakin: 7plan mikoveziba, da siosin 7plan garir enselba. Ezi 7plan lamba, da uari siosin 7pla.”

## 2

### *Efesusin nguibar ekiamın itir siosin zuir akam*

1 Egha gumazir kam ua kamaghin migei, “Ni Efesusin nguibar ekiamın itir siosin garir ensel bagh akataba osirigh. Akar kaba kamakin:

---

**1:17:** Ais 41:4, 44:6, 48:12, Ese 1:28, Dan 8:18, 10:10, MAA 2:8, 22:13

**1:17:** Aisaia 41:4; 44:6; 48:12; Esekiel 1:28; Daniel 8:18; 10:10; Akar Mogomem 2:8; 22:13      **1:18:** Sng 68:20, Ro 6:9, MAA 4:9, 5:14

**1:18:** Ongar Akaba 68:20; Rom 6:9; Akar Mogomem 4:9      **1:19:** MAA 1:1, 1:11, 2:1, 4:1      **1:19:** Akar Mogomem 1:1; 1:11; 2:1; 4:1

**1:20:** Sek 4:2, Fl 2:15, MAA 1:12, 1:16, 2:1, 3:1      **1:20:** Sekaraia 4:2; Filipai 2:15; Akar Mogomem 1:12; 1:16; 2:1; 3:1      **2:1:** MAA 1:16, 1:20      **2:1:** Akar Mogomem 1:16; 1:20

“Ki uan agharir guvimin 7plan mikovezibar suigha, egha 7plan golin lambar tongin arui. Egha ki akar kam ni bagha anemadazi a izi.\*

<sup>2</sup> Ia Kraisin adarasi, ian arazir ia amiba ki bar dagh fo. Egha ki fo, ia pamtem ingarigha, tuivigha gavgafi. Egha gumamazir kurabar aghua. Gumamazir kaba ia migia ghaze, ‘E uaghan aposelba.’ Puvati, me aposelba puvati. Ezi ia men migirigiba tuisigha givagha, men nighnizir ifavarim gifogha ghaze, me pura gumamazir ifavariba.

<sup>3</sup> Gumamaziziba ian garima, ia nan ziam bangin, me arazir kurabar ia gami. Ezi ki kamaghin ia gifo, ia tugha gavgavigha osimtizir kam aterava an aghuazir puvati.

<sup>4</sup> “Ezi ki adarir akar ia gasir mabar ia mikimasa. Ia bar faraghavira nighnizir gavgavim nan ikia, egha ia bar na gifonge, ezi datirighin puvati.

<sup>5</sup> Ia fomira arazir aghuibagh ami, egha datirighin ia arazir kam ategha ire. Kamaghin amizi, ia uam arazir ia faragha amizibagh nighnigh, uan navibagh iragh, egh arazir ia faragha amizibar amu. Ia kamaghin damuan koghti, ki ia bagh izi ian itir lam batuegham.

<sup>6</sup> Ezi ian arazir aghuir mamra kara, ia Niko-

---

\* **2:1:** Akar kam a siosin ensel bagha zui, egha a siosin gumamaziziba amir araziba, me migei. **2:2:** 2 Ko 11:13, 2 Pi 2:1, 1 Jo 4:1, MAA 2:9, 2:13, 2:19, 3:1, 3:8, 3:15 **2:2:** 2 Korin 11:13; 2 Pita 2:1; 1 Jon 4:1; Akar Mogomem 2:9; 2:13; 2:19; 3:1; 3:8; 3:15 **2:3:** Ga 6:9, Hi 12:3-5 **2:3:** Galesia 6:9; Hibru 12:3-5 **2:5:** Mt 21:41-43, MAA 2:16, 2:22, 3:3, 3:19 **2:5:** Matyu 21:41-43; Akar Mogomem 2:16; 2:22; 3:3; 3:19 **2:6:** Sng 139:21 **2:6:** Onger Akaba 139:21

lasin adarazir arazibar aghua. Ki uakan, ki men araziba bar dar aghua.

<sup>7</sup> “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ki men amamangatighti, me ikirimirir aghuim anidir tememin daghebar amam. Temer kam, Godin Nguibar Aghuarimin itir azenimin iti.”

*Smernan nguibar ekiamin itir siosin zuir akam*

<sup>8</sup> Gumazir kam ua kamaghin migei, “Ni Smernan nguibar ekiamin itir siosin garir ensel bagh akataba osirigh. Akar kaba kamakin:

“Ki gumazir bar faraghavira ikia, egh abuan ikivira ikiamim. Ki fomiram areme, egha ua dikavigha datirighin ki angamira iti. Egha ki ni bagha akar kam amadazima a izi.

<sup>9</sup> Ki osimtiziba ko mizazir ia bativiziba ko biziba bar puvatizir arazim gifo. Ezi puvati. Ia guizbangira bizir bar aviriba iti. Ki fo, gumazamizir maba girakirangin akar kurabar ia migia ghaze, me Judan adarasi. Ezi me Judan adarazi puvati. Me guizin Satanin adarasi.†

---

**2:7:** Stt 2:9, Ese 28:13, 31:8, Mt 11:15, MAA 2:11, 2:17, 2:29, 3:6, 3:13, 3:22, 22:2, 22:14, 22:19      **2:7:** Jenesis 2:9; Esekiel 28:13; 31:8; Matyu 11:15; Akar Mogomem 2:11; 2:17; 2:29; 3:6; 3:13; 3:22; 22:2; 22:14; 22:19      **2:8:** Ais 44:6, 48:12, MAA 1:17, 22:13

**2:8:** Aisaia 44:6; 48:12; Akar Mogomem 1:17; 22:13      **2:9:** Ro 2:17, 2 Ko 11:14-15, 1 Ti 6:18, Je 2:5, MAA 3:9      **2:9:** Rom 2:17; 2 Korin 11:14-15; 1 Timoti 6:18; Jems 2:5; Akar Mogomem 3:9

† **2:9:** Smernan siosin gumazamiziba, me nguazir kamın biziba bar otevegħa, onganarazibagh ami. Egha me Godin Duamin biziba, guizbangira bar izifa.



<sup>10</sup> Ia kiran oveghangin mizazitaba iniam, eghti bizir kam ia damuti ia atiatingan marki. Ia uari bagh ganigh. God ian nighnizir gavgavim tuisigh egh foghasa, a gavgafi, o puvati. Kamaghin amizi, Satan ia damuti me ian tongin tarazi kalabus darigham. Eghti ia 10plan dughiabar osimtiziba ko mizaziba ateram. Egh ia nighnizir gavgavir Kraisin itimin suiragh gavgavigh mamaghira iki mangi, ia aremeghamin dughiamin otoghti, ki ikirimirir aghuimin ivezir aghuarimin min pura ia daningam.

<sup>11</sup> “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ovever namba 2 me gasighasighan kogham. Bar puvati.”

*Pergamumin nguibar ekiamin itir siosin zuir akam*

<sup>12</sup> Gumazir kam kamaghin ua na migei, “Ni Pergamumin nguibar ekiamin itir siosin garir en-sel bagh akataba osirigh. Akar kaba kamakin:

“Ki midorozir sabar ghumtizir pumuning itimin suira, ezi a bar ghumi. Ki akar kam ni bagha anemadazi, a izi.

<sup>13</sup> Ki nguibar ia itim bar deragha a gifo, Satanin atrivir dabirabim nguibar kamın iti. Ezi ia nan ziamin tugha gavgavigha, nighnizir gavgavim

---

**2:10:** Mt 10:22, 10:28, 24:13, 2 Ti 4:8, Je 1:12, MAA 3:11      **2:10:** Matyu 10:22; 10:28; 24:13; 2 Timoti 4:8; Jems 1:12; Akar Mogomem 3:11      **2:11:** MAA 13:9, 20:14, 21:8      **2:11:** Akar Mogomem 13:9; 20:14; 21:8      **2:12:** Ais 49:2, MAA 1:16      **2:12:** Aisaia 49:2; Akar Mogomem 1:16      **2:13:** MAA 3:8      **2:13:** Akar Mogomem 3:8

nan ikia egha ia nighnizir gavgavir kam modir puvati. Fomira gumazir mam Antipas, a gumazir nan akam akurim, egha ia ko ike. A guizbangira nan akamin gin zui, ezi me ian nguibar ekia Satan itimin a misoghezi an areme. Dughiar kam in ia uaghan akirim ragha na gasarazir puvati.

<sup>14</sup> “Ezi ki adarir akar ia gasir mabar ia mikimasa. Ian tongin gumazamizir maba iti, me Balam in suren akabar suiragha gavgavighavira iti. Fomira Balam kamaghin Balakin sure gami, eghti a tuavir kuramin Israelian akakagh me damuti, me arazir kuramin iregham. Ezi Balak Israelian nighnizibagh amizima, me aseba bagha ofa gamir asiziba apa, egha tintinibar uari koma akuir arazim gami.

<sup>15</sup> Kamaghira, ian tongin gumazamizir maba ikia, egha Nikolasin adarazir akabar gin zui.

<sup>16</sup> Kamaghin amizi, ia uan navibagh iragh. Puvatightima, ki kiran oveghangin ia bagh izi, egh gumazamizir kaba uan akamin itir midorozir sabamin me misogham.

<sup>17</sup> “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ki vaghvagh manan

---

**2:14:** Nam 22-24, 25:1-3, 31:16, Lo 23:4, Ap 15:29, 1 Ko 6:13, 8:9, 2 Pi 2:15, Ju 11     **2:14:** Diboboniba 25:1-3; 31:16; Godin Araziba 23:4; Aposel 15:29; 1 Korin 6:13; 8:9; 2 Pita 2:15; Jut 1:11     **2:16:** Ais 11:4, 2 Te 2:8, MAA 1:16, 3:11, 19:15, 19:21, 22:7, 22:12, 22:20

**2:16:** Aisaia 11:4; 2 Tesalonika 2:8; Akar Mogomem 1:16; 3:11; 19:15; 19:21; 22:7; 22:12; 22:20     **2:17:** Kis 16:4, 16:14-15, 16:33-34, Ais 62:2, 65:15, Jo 6:48-50, MAA 2:7, 2:11, 3:12, 19:12     **2:17:** Ua Me Ini 16:4; 16:14-15; 16:33-34; Aisaia 62:2; 65:15; Jon 6:48-50; Akar Mogomem 2:7; 2:11; 3:12; 19:12

dagher datirighin muegav ititaba me daningam. Egh ki dagiar ghurghuritaba me daningam. Egh dagiar kabar ki men ziar igiaba osirigham, eghti gumazitam ziar kabagh foghan kogham. Gumazamizir dagiar kaba iniziba, merara dagh fogham.”‡

*Taiatairan nguibar ekiamin itir siosin zuir akam*

<sup>18</sup> Gumazir kam kamaghin ua migei, “Ni Taiaairan nguibar ekiamin itir siosin garir ensel bagh akataba osirigh. Akar kaba kamakin:

“Ki Godin Otarim, ezi nan damazimning mati avir mizariar gavgavimin min pamten isi, ezi nan suemning mati bras me bar deravira a ruezi moghin isia angazangarim taghtasi. Ki akar kam ni bagha anemadazima a izi.

<sup>19</sup> Arazir ia amiba, ki bar dagh fo. Ki fo, ia gumazamiziba bar me gifongegha, nighnizir gavgavim nan ikia, egha igharaz darazir akurvasi, egha osimtiziba ia bativima, ia tughav gavgafi. Ki fo, arazir ia faragha amiziba, da dera, ezi datirighin ian arazir kaba deragha ikia faragha zuir arazibagh afira.

<sup>20</sup> “Ezi ki adarir akar ia gasir mabar ia mikimasa. Ia amizir kam Jesebelin amaman-gatizi a ia ko iti. Amizir kam kamaghin migia

---

‡ **2:17:** Manan daghem, Israelia gumazamiziba puvatizir danganimin aruima, God a isa me ganingi. Ni Ua Me Ini 16, ko Ighiam 78:24in gan. **2:18:** MAA 1:14-15 **2:18:** Akar Mogomem 1:14-15 **2:20:** 1 Kin 16:31, 2 Kin 9:7, Ap 15:20, 15:29, 1 Ko 10:19, MAA 2:14 **2:20:** 1 Atriviba 16:31; 2 Atriviba 9:7; Aposel 15:20; 15:29; 1 Korin 10:19; Akar Mogomem 2:14

ghaze, a Godin akam inigha izir amizim. Ezi bar puvati, a nan ingangarir gumazamizibagh ifara egha gumazamiziba tintinibar uari bakia uari ko akuir arazim ko asizir me asebar ofa gamua apir arazibar men sure gami. §

<sup>21</sup> A navim gighasa, kamaghin ki anetaghizima, a dughiar mabar ike. Ezi puvati, a gumazamiziba tintinibar uari bakia, egha uari ko akuir arazir kam bagha navim giraghan aghua.

<sup>22</sup> Ia uari bagh ganigh. Ki ivezir kuram a daningiva arimariar ekiam a daningti a mizazir bar ekiam iniam. Eghti gumazir a bakia a ko arazir kurabagh amiba, me a ko amir araziba bagh navibagh iraghan koghti, ki osimtizir ekiam ko mizazim uaghan me daningam.

<sup>23</sup> Ki uaghan an boribav sueghti me arimighiregham. Eghti siosba bar kamaghin fogham, ki bar gumazibar naviba ko nighnizibagh fogha da tuisisi. Egh ki ia amir arazibar mirara ivezim isi vaghvagh ia daningam.

<sup>24</sup> “Ki datirighin ia Taiatairan itir igharaz daraziv gei. Ia amizir kamın akabar gin zuir puvatigha, egha arazir kam, me kamaghin a dibori,

---

§ **2:20:** Jesebel, an amizir kurar mamın ziam. Fomira Israelian atrivir amizimın ikia, egha arazir bar kurabagh amizim. Ni 1 Atriviba 18:4, ko 19:1-2, ko 2 Atriviba 9:3-37in gan. Nikolasin adarazir amizir mam iti, Taiatairan gumazamizir maba inizi, me an arazir kurabar gin zui. Ezi bizir kamın, me ti ziar kam Jesebel a gati. **2:21:** Ro 2:4, MAA 9:20 **2:21:** Rom 2:4; Akar Mogomem 9:20 **2:23:** Sng 7:9, 62:12, Jer 11:20, 17:10, Ro 8:27, 2 Ko 5:10, 2 Ti 4:14, MAA 20:12-13 **2:23:** Onger Akaba 7:9; 62:12; Jeremaia 11:20; 17:10; Rom 8:27; 2 Korin 5:10; 2 Timoti 4:14; Akar Mogomem 20:12-13

'Satanin akar mogomeba,' ia an fofozim inizir puvati. Ki kamaghin ia mikimasa, ki osimtizir igharazitam, ia darighan kogham.

<sup>25</sup> Ezi bizir ia suighiziba bar, ia bar pamten dar suiragh mighirigh mamaghira iki, mangi dughiar ki izamim.

<sup>26</sup> "Gumazamizir midorozim gamua apaniba abiriba, nan arazibar gin mangiti, biziba bar givaghamin dughiam otoghti, ki gumazamizir kaba, kantriba bar dar gumazamizir dapanibar ikiamin gavgavim isi me daningam.

<sup>27</sup> Eghti me atrivimin gavgavim sara me ganiva me abighirarigham, mati gumazim ainin aghorimin suiragha nguazir miner mam abiagharisi.

"Ingangarir nan afeziam gumazamizibar ganasa na ganingizimin mirara ki ingangarir kam me daningam.

<sup>28</sup> Ki uaghan mikovezir bar mizaragharam otivir kam me daningam.

<sup>29</sup> "Tina kuarimning iti, an akar Godin Duam siosbav geiba baragh."

### 3

#### *Sardisin nguibar ekiamin itir siosin zuir akam*

---

**2:25:** MAA 3:11    **2:25:** Akar Mogomem 3:11    **2:26:** Mt 19:28, Jo 6:29, 1 Ko 6:3, 1 Jo 3:23, MAA 20:4    **2:26:** Matyu 19:28; 1 Korin 6:3; Akar Mogomem 20:4    **2:26:** Onger Akaba 2:8-9    **2:27:** Dan 7:22, MAA 12:5    **2:27:** Akar Mogomem 12:5    **2:28:** MAA 22:16  
**2:28:** Akar Mogomem 22:16

<sup>1</sup> Gumazir kam ua kamaghin miġei, “Ni Sardisin nguibar ekiamin itir siosin garir ensel bagh akataba osirigh. Akar kaba kamakin:

“Ki Godin duar 7plan gari, egha ki 7plan mikovezibar suira. Egha ki akar kam ni bagha anemadazima a izi. Ki arazir ia amiba bar dagh fo. Me ia miġia ghaze, ‘Sardisin itir sios, an angamira iti.’ Ezi puvati, ia ariaghiregha gifa.

<sup>2</sup> Ki ia amir arazibar gara ghaze, da nan Godin damazimin tighar deragham. Kamaghin amizi, ia osegh daguraguim atakigh. Ian araziba, bar ovengezir puvati, dar muziariba mong ikiavira iti, ia ua gavgavim dar aning.

<sup>3</sup> Akar aghuir ia fomiram oregha inizir kam, ia uam a ginighnigh. Egh ia navibagh iragh, bar deraviram an gin mangi. Ia osegh daguraguim ateghan koghti, ki okimakiar gumazim izi moghin, ia batogham. Eghti ia dughiar ki ia bagh izamim gifoghan kogham.

<sup>4</sup> “Ezi ian gumamazir maba Sardisin ikiavira iti, me uan korotiabagh amizi da mizezir puvati. Gumamazir kabar araziba derazi, ki me uabin toro, ezi kamaghin amizi me korotiar ghurghuribar aghuigh na ko daruam.

---

**3:1:** MAA 1:4, 1:16, 2:2, 5:6    **3:1:** Akar Mogomem 1:4; 1:16; 2:2; 5:6    **3:3:** Mt 24:43-44, Lu 12:39-40, 1 Te 5:2, 5:6, 1 Ti 6:20, 2 Pi 3:10, MAA 2:5, 16:15    **3:3:** Matyu 24:43-44; Luk 12:39-40; 1 Tesalonika 5:2; 5:6; 1 Timoti 6:20; 2 Pita 3:10; Akar Mogomem 2:5; 16:15    **3:4:** Ap 1:15, Ju 23, MAA 6:11, 7:9, 7:13    **3:4:** Jut 1:23; Akar Mogomem 6:11; 7:9; 7:13

<sup>5</sup> Gumazamizir mīdorozim gamua apaniba abiriba, korotiar ghurghurir kamagh garitam arughti, akīnafarir God gumazamizir ikirimirir zurara itim iniamin ziaba osirizim, kī men ziaba angarighan kogham. Puvati. Kī uan afeziam ko an enselbar damazibar gumazir kamīn gun mīkim suam, me konanaba.

<sup>6</sup> Tina kuarimning iti, an akar Godin Duam siosbav geiba baragh.”

*Filadelfian nguibar ekiamin itir siosin zuir akam*

<sup>7</sup> Gumazir kam ua kamaghin migei, “Ni Filadelfian nguibar ekiamin itir siosin garir ensel bagh akataba osirigh. Akar kaba kamakin:

“Kī dughiaba bar zuegha God baghavira iti, ezi nan akar dikiriziba da guizbangira otifi. Ezi kī Devitin kin suira, egh bizim kī a kuighti, gumazitam bar uam anesaraghan kogham. Egh bizim kī an tiam asaraghti, gumazitam bar uam a kuighan kogham. Kī akar kam ni bagha anemadazima a izi.

<sup>8</sup> Kī ia amir araziba bar dagh fogha gifa, ezi ia orakigh. Kī ian damazimin tiam kuizima a iti. Eghti gumazitam uam anesaraghan kogham. Kī kamaghin fo, ian gavgavir muziarim ikiavira iti,

---

**3:5:** Kis 32:32-33, Sng 69:28, Mt 10:32, Lu 10:20, 12:8, Fl 4:3, MAA 3:18, 19:8, 20:12    **3:5:** Ua Me Ini 32:32-33; Onger Akaba 69:28; Matyu 10:32; Luk 10:20; 12:8; Filipai 4:3; Akar Mogomem 3:18; 19:8; 20:12    **3:7:** Jop 12:14, Ais 22:22, Lu 1:32, Ap 3:14, 1 Jo 5:20    **3:7:** Jop 12:14; Aisaia 22:22; Luk 1:32; Aposel 3:14; 1 Jon 5:20    **3:8:** 1 Ko 16:9, 2 Ko 2:12, MAA 2:2    **3:8:** 1 Korin 16:9; 2 Korin 2:12; Akar Mogomem 2:2

ezi ia nan akamın gın ghua, egha akırım ragha nan ziam gasarazir puvati.

<sup>9</sup> Ia Satanın adarazigh fo, me kamaghın migia ghaze, me Judan adarasi. Egha me Judan adarazi puvati, me ifavarir gumazamiziba. Ia orakigh. Kí gumazamizir kabar amighti me izi ian suebar apengan teviba apirigh, egh me kamaghın fogham, ki bar ia gifonge.

<sup>10</sup> Ia nan akamra gın ghuava osımtızir ia bativiba ia dar aven tughavavgavighavıra iti. Kamagh amizi, ki ian ganam. God gın nguazımın itir gumazamiziba bar, men nıghnızir gavgavım tuisıgh egh foghasa, a gavgavız, o puvati, eghti kamaghın osımtızir ekıamın dughıam otoghti, dughıar kamın ki ian gantı ia deragham.

<sup>11</sup> “Kı bar kıran oveghangın ia batogham. Gumazıtam ian ivezir aghuım okemeghan koghsı, kamaghın bizir ia suırazım, ia bar an suıragh gavgafıgh.

<sup>12</sup> Gumazamizir midorozım gamua apanıba abırıba, ki gumazamizir kaba damighti me nan Godın Dıpenımın dıpenır akınıbar mın tughıv ikıam. Egh me Godın Dıpenım ategh uam azenan mangan kogham. Bar puvati. Kí gumazamizir kabar, uan Godın ziam men osırigh, egh ki uan

---

**3:9:** Ais 43:4, 45:14, 49:23, 60:14, MAA 2:9      **3:9:** Aisaia 43:4; 45:14; 49:23; 60:14; Akar Mogomem 2:9      **3:10:** Ais 24:17, Lu 21:19, 2 Ti 2:12, 2 Pi 2:9      **3:10:** Aisaia 24:17; Luk 21:19; 2 Timoti 2:12; 2 Pita 2:9      **3:11:** Fl 4:5, MAA 2:10, 2:16, 2:25, 22:7, 22:12, 22:20      **3:11:** Filipai 4:5; Akar Mogomem 2:10; 2:16; 2:25; 22:7; 22:12; 22:20      **3:12:** Ais 62:2, 65:15, Ese 48:35, Ga 2:9, 4:26, Hi 12:22, MAA 14:1, 21:2      **3:12:** Aisaia 62:2; 65:15; Esekiel 48:35; Galesia 4:26; Hibru 12:22; Akar Mogomem 14:1; 21:2



Godin Nguibamin ziam osirigham. Jerusalemin igiar kam, a nan God ko ikegh otogh overiam ategh izighiram. Ki uabi uan ziar igiam, ki gumazamizir kabar uaghan men osirigham.

<sup>13</sup> Tina kuarimning iti, an akar Godin Duam siosbav geiba baragh.”

*Laodisian nguibar ekiamin itir siosin zuir akam*

<sup>14</sup> Gumazir kam ua kamaghin migei, “Ni Laodisian nguibar ekiamin itir siosin garir ensel bagh akataba osirigh. Akar kaba kamakin:

“Ki gumazir ‘guizbangira’ migeim. Godin akar dikiriziba ko an akaba bar, ki guizbangira migia, zurara guizin akamrama akuri. Ki God ingarizir biziba bar dar mingarim. Egha akar kam ni bagha anemadazi a izi.

<sup>15</sup> Ki ia amir araziba bar dagh fo. Ki fo, ia orangizir puvati, egha feir puvati. Ki kamaghin ifonge, ia orangigh iki, o ia feng iki.

<sup>16</sup> Ezi puvati. Ia mong, ganadamra fei. Ia bar puvira feir puvati, egha bar orangizir puvati. Kamagh amizi, ki uan akamin ian mighasava ami.

<sup>17</sup> “Ia kamaghin migia ghaze, ‘E bizir aviriba ko dagiar aviriba iti. E bizitamın otevir puvati.’ Ezi puvati. Ian dabirabim pazavira itima, gumazamiziba ian garava bar ian apangkufi. Ia

---

**3:14:** Snd 8:22, Ais 65:16, 2 Ko 1:20, Kl 1:15, MAA 1:5, 19:11, 22:6

**3:14:** Aghuzir Akaba 8:22; Aisaia 65:16; 2 Korin 1:20; Kolosi 1:15; Akar Mogomem 1:5; 19:11; 22:6

**3:15:** Ro 12:11, MAA 2:2

**3:15:** Rom 12:11; Akar Mogomem 2:2

**3:17:** Hos 12:8, Lu 12:21, 1 Ko 4:8

**3:17:** Hosea 12:8; Luk 12:21; 1 Korin 4:8

bar biziba puvatigha damaziba okavigha bibi-abara iti. Egha ia uari bizir kam gifozir puvati.\*

18 “Kamagh amizi, ki nighnizir kam ia daningasa. Nan gol avim bar an isigha an itir bizir kuraba bar da adangi. Kamaghin ia golin kam na dama a givezagh, dagiaba avirasemegham. Egh uaghan ia uan mikarzim avisi korotiar ghurghuritam givesegh, eghti gumazamiziba ian ganti ia bibiabara ikiva, aghumsighan kogham. Egh uaghan ia uan damazibar aghusi marasin givesegh, egh ia ganam.

19 “Gumazamizir ki ifongeziba, ki men atar men arazibar kiram. Kamagh amizi, ia uan araziba akirsi gavgavigh uan navibagh iragh.

20 “Ia oragh, ki tiar akamin tughav ikia, a gafughafusi. Ia nan tiarim baregh egh tiam kuighti, ki aven mangi ia ko ikiam. Egh ki ia ko damam, eghti ia na ko damam.

21 “Gumazamizir midorozim gamua apaniba abiriba, ki men amamangatighti me na ko nan atrivir dabirabim dapiam, mati ki fomira uaghan midorozim gamigha uan apanim

---

\* **3:17:** Laodisiaba uari uan damazibar gara ghaze, me bizir aviriba iti. Egha Godin damazimin me bar onganarazibar min iti. Ni Akar Mogomem 2:9in gan. **3:18:** Ais 55:1, Mt 13:44, 2 Ko 5:3,, Je 2:5, MAA 3:5, 4:4, 7:13, 16:15 **3:18:** Aisaia 55:1; Matyu 13:44; 2 Korin 5:3; Jems 2:5; Akar Mogomem 3:5; 4:4; 7:13; 16:15 **3:19:** Snd 3:12, 1 Ko 11:32, Hi 12:6, Je 1:12, MAA 2:5 **3:19:** Aghuzir Akaba 3:12; 1 Korin 11:32; Hibru 12:6; Jems 1:12; Akar Mogomem 2:5 **3:20:** Lu 12:37, Jo 14:23, 1 Jo 2:24 **3:20:** Luk 12:37; Jon 14:23 **3:21:** Mt 19:28, Lu 22:30, 2 Ti 2:12, MAA 2:26-27 **3:21:** Matyu 19:28; Luk 22:30; 2 Timoti 2:12; Akar Mogomem 2:26-27

abiragha, uan afeziam ko an atrivir dabirabim gaperá.

<sup>22</sup> Tina kuarimning iti, an akar Godin Duam siosbav geiba baragh.”

## **Sipsipin Nguzim Godin Nguibamin akinafarim kuizima bizir kuraba nguazimin gumazamiziba batifi**

### **4**

*(Sapta 4--11)*

*Me Godin Nguibamin an ziam fe*

<sup>1</sup> Ezi ki gin ua garima, Ame! Godin Nguibamin tiar akar mam kuiagherigha iti. Ezi gumazir ki faragha oraghizim, a faraghavira pamten sighamín mìn nan diazim, a datirighin ua kamaghin na migei, “Ni kagh anang, eghti ki bizir gin otivamiba bar nin akakagham.”

<sup>2</sup> Ezi Godin Duam zuamira na gizivagha bar pamten nan ingari, ezi ki garima, Ame! Atrivir dabirabir mam Godin Nguibamin iti, ezi gumazir mam atrivir dabirabir kam gaperaghav iti.\*

---

**4:1:** MAA 1:1, 1:10, 1:19, 11:12, 22:6      **4:1:** Akar Mogomem 1:1; 1:10; 1:19; 11:12; 22:6      **4:2:** Sng 47:8, Ais 6:1, Jer 17:12, MAA 4:9, 17:3, 21:10      **4:2:** Onger Akaba 47:8; Aisaia 6:1; Jeremaia 17:12; Akar Mogomem 4:9; 17:3; 21:10      **4:2:** Esekiel 1:26-28; 10:1

\* **4:2:** Gumazir Jon garir atrivir dabirabim gaperaghav itim, kar God uabi. Egha vezin kamin Jon guizin an ziam dibora ghaze, a God. Ezi gin moghira, sapta 7:10in akam kamaghin migia ghaze, God atrivir dabirabim daperav ikiam. Ezi God, gumazimin min garir puvati. Jon Godin angazangarir ekiam ko ziar ekiam biagherigha igharagha otivizibar ganigha, egha dagh isin akar isin zuimin God migei.

<sup>3</sup> Gumazir kamın guam dagıar jasper ko dagıar konilian aghevımın mın taghtası. Ezi ekianir mam, atrivir dabirabim torim gati, ezi ki ekianir kamın gari a emeralın dagıar garımın mın taghtası.

<sup>4</sup> Ezi 24plan atrivir dabirabir igharaziba, atrivımın dabirabir kam okari. Ezi 24plan gumazir dapaniba dabirabir kabagh apia. Gumazir dapanir kaba korotiar ghurghuriba aghuigha golin ingarizir dapanir asuaba uari gaghuigha mati atrivımın golin dapanir asuaba men dapanibar iti.

<sup>5</sup> Ezi ki garima, onımariba atrivir dabirabımın otivaghıra tintinibar sıgha taghtası. Ezi ki orazi nıgıner ekiam otozi overiam tingaghe. Ezi atrivir dabirabımın guamın 7plan adeniba isia iti. Adenir 7plan kaba da 7plan Godın duaba.

<sup>6</sup> Atrivir dabirabımın guamın bizir mam iti, a mati ongarir ekiam me glasın an ingarizi, a bar zuegha taghtası.

Ezi bizir angamıra itir 4pla, atrivir dabirabim okarigha tuivighav iti. Bizir angamıra itir 4 plan kaba, da damazir avırıba itima da men mıkarzıba bar da ave, egha uaghan dar akıragharıbar iti.

<sup>7</sup> Faraghavıra itir bizir angamıra itim, a mati laion. Ezi bizir angamıra itir an gırara itim, a mati bulmakaun apurim. Ezi bizir angamıra ikia an-

---

**4:4:** MAA 3:18, 6:11, 11:16, 19:14      **4:4:** Akar Mogomem 3:18; 6:11; 11:16; 19:14      **4:5:** Kis 19:16, Ese 1:13, Sek 4:2, MAA 1:4, 8:5, 11:19, 16:18      **4:5:** Ua Me Ini 19:16; Esekiel 1:13; Sekaraia 4:2; Akar Mogomem 1:4; 8:5; 11:19; 16:18      **4:6:** Ese 1:5-10, 1:22, MAA 15:2      **4:6:** Esekiel 1:5-10; 1:22; Akar Mogomem 15:2      **4:6:** Esekiel 1:5-10; 10:14

ingın gırara itim, an guam mati gumazir guam. Ezi bizir angamıra itir men gırara itim, mati kuarazir bagamın mın pın mıghava arui.

<sup>8</sup> Bizir 4plan angamıra itir kaba, da 6plan avıziba bar vaghvagh men iti. Ezi men mıkarziba damazir avıriba da ave, egha uaghan men avızibar apengan iti. Egha arueba ko dimagaribar kamaghın mıgei:

“Ekiam, a Godın Gavgaviba Bar Itim.

Egha a bizir kuraba bar dar saghon ikia a bar zue.

A bar zue,

a bar zue.

A fomıra ikia,

egha datırıghın ikia,

egh gın uamategh izam.”

Me mıgırıgıar kam gamua mamaghıra ikia egha avughsaziba puvati.

<sup>9</sup> Bizir angamıra itir kaba, me gumazir uan atrivir dabirabim gaperaghav itim bagha bar akonge, a gumazir zurara angamıra itim. Egha me an ziam fava, egha a mınabi. Ezi bizir 4plan angamıra itir kaba zurara dughiabar kamagh amuvıra itima,

<sup>10</sup> 24plan gumazir dapanir kaba gumazir atrivir dabirabim gaperazımın guamın teviba apırı. A

---

**4:8:** Ais 6:2-3, Ese 1:18, 10:12, MAA 1:4, 1:8      **4:8:** Aisaia 6:2-3; Esekiel 1:18; 10:12; Akar Mogomem 1:4; 1:8      **4:9:** Dan 4:34, 6:26, 12:7, MAA 1:18, 4:2, 4:10, 5:14, 15:7      **4:9:** Daniel 4:34; 6:26; 12:7; Akar Mogomem 1:18; 4:2; 4:10; 5:14; 15:7      **4:10:** MAA 4:4, 4:9, 5:1, 5:7-8, 5:13-14, 6:16, 7:15, 19:4, 21:5      **4:10:** Akar Mogomem 4:4; 4:9; 5:1; 5:7-8; 5:13-14; 6:16; 7:15; 19:4; 21:5

gumazir zurazurara itim ezi me an ziam fe. Me uan golin dapanir asuaba asia da isa atrivir dabirabimın guamın boroghın da akuri. Egha kamaghın ighiam gami:

<sup>11</sup> “Ni en Ekiam, en God.  
 Ni biziba bar dar ingari.  
 Egha ni uan ifongiamın,  
 biziba bar dar ingarizıma da otifi,  
 ezi datırıghın biziba bar iti.  
 Kamaghın amizi, nırara e uari nın torogha  
 nın ziam bar pın aneti.  
 Gumazamiziba bar ni bagh bar akuegh,  
 egh nın ziam fıva,  
 nın gavgavimın apengan ikiam.”

## 5

### *Akınafarir rıghızir mam, Jon an gari*

<sup>1</sup> Ki garima gumazir atrivir dabirabim gaper-aghav itimın agharir guvimın, akınafarir mam iti. Akınafarir kam mati akınafarir bar ruarir me rıgha mıghırızim, ezi akınafarir kam osızırıba an vuem ko vuem sara iti. Me a rıgha 7plan danganıbar kendelın grısın pamten da mıghını.

<sup>2</sup> Ezi ki enselın gavgavir mamın garima a pamten kamaghın diava azangsisı, “Tina gumazir aghuir God uabın torozim, an akınafarımın itir kendelın grısba adeghıva, akınafarir kam onegham?”

---

**4:11:** Ap 17:24, Ef 3:9, Kl 1:16, MAA 5:12, 10:6    **4:11:** Aposel 17:24; Efesus 3:9; Kolosi 1:16; Akar Mogomem 5:12; 10:6    **5:1:** Ais 29:11, Ese 2:9-10, Dan 12:4    **5:1:** Aisaia 29:11; Esekiel 2:9-10; Daniel 12:4

<sup>3</sup> Overiamin itir gumamaziziba, o nguazimin itir gumamaziziba, o nguazimin apengan itir gumamaziziba, men tav akinafarir kam onegh, egh an aven ganam kogham.

<sup>4</sup> Ki gari, gumazitam o amizitam akinafarir kam onegh an aven ganamin gavgaviba puvati. Kamaghin amizi ki puvirama aravira iti.

<sup>5</sup> Ezi gumazir dapanibar mav kamaghin na migei, “Ni arangan marki. Ni orakigh. Laionin kam Judan adarazir atrivimin oto, atrivir bar ekiam, an Atrivim Devitin ovavim, egha a midorozim gamua uan apanim abiragha gifa. Kamagh amizi, me akinafarimin 7plan kandelin, grisin mighiniziba adeghe, akinafarir kam onegham.”

### *Jon Sipsipin Nguzimin gari*

<sup>6</sup> Ezi ki gari, Sipsipin Nguzir mam, me a misoghezi an aremezi moghin gara tughav iti. An atrivir dabirabim ko 4plan angamira itir bizibar tongin tughav iti, ezi gumazir dapanibar dabirabiba an okarigha iti. Sipsipin Nguzir kam 7plan komba ko 7plan damaziba iti, kar Godin duar 7pla. God me amadazima me nguazir kam bar a garui.

<sup>7</sup> Ezi Sipsipin Nguzim ghua gumazir atrivir dabirabim gaperaghav itimin agharir guvimin,

---

5:5: Stt 49:9, Ais 11:1, 11:10, Ro 15:12, Hi 7:14, MAA 6:1, 22:16

5:5: Jenesis 49:9; Aisaia 11:1; 11:10; Rom 15:12; Hibru 7:14; Akar Mogomem 6:1; 22:16

5:6: Ais 53:7, Sek 4:10, Jo 1:29, 1:36, MAA 1:4, 4:5, 5:9, 5:12, 13:8

5:6: Aisaia 53:7; Sekaraia 4:10; Jon 1:29; 1:36; Akar Mogomem 1:4; 4:5; 5:9; 5:12; 13:8

5:7: MAA 4:2, 4:10

5:7: Akar Mogomem 4:2; 4:10

akinafarir kam ini.

<sup>8</sup> An akinafarir kam inigha givazima, 4plan bizir angamira itir kaba ko 24plan gumazir dapanir kaba Sipsipin Nguzimin boroghin uan teviba apiri. Gumazir dapaniba vaghvagha gitan min garir biziba ko golin itaribar suiki. Itarir kaba, pauran migharir mughuriar aghuim zuim, bar dagh izifa. Bizir kam kamakin, Godin gumazamiziba God ko migeir arazim.

<sup>9-10</sup> Egha me ighiar igiar mam kamaghin a gami:

“Me ni misoghezi ni areme,  
 egha nin ghuzimin  
 ni gumazamiziba God bagha me givese.  
 Ni anababa bar, dar gumazamizir maba ko,  
 nguibabar akaba bar ko,  
 mikarzir igharagha gariba bar ko,  
 kantriba bar dar gumazamiziba,  
 men marasi,  
 ni me givese.  
 Egha ni me gamizima  
 me atrivimin adarazir otivigha,  
 ofa gamir gumazamizibar min ikia,  
 en God bagha ingari.  
 Egh me atrivibar iki,  
 egh nguazimin gumazamizibar ganam.  
 Kamaghin amizi, God ua bagha nin torozi,  
 ni akinafarim inigh

---

**5:8:** Sng 141:2, MAA 4:8-10, 8:3-4, 15:2    **5:8:** Onger Akaba 141:2; Akar Mogomem 4:8-10; 8:3-4; 15:2    **5:9-10:** Ua Me Ini 19:6; Onger Akaba 33:3; 40:3; 96:1; 98:1; 144:9; Aisaia 42:10; 61:6; Aposel 20:28; Efesus 1:7; Hibru 9:12; 1 Pita 1:18-19; 2:5; 1 Jon 1:7; Akar Mogomem 1:6; 14:3; 20:6; 22:5



kendelin grisba adegam.”

*Me Sipsipin Nguzimın ziam fe*

<sup>11</sup> Egha ki ua gara enselin tiarir avirir maba barasi. Men dibobonim handet milienin aviriba ko tausen tausenın aviriba. Me atrivir dabirabim ko bizir angamira itiba ko gumazir dapaniba okarigha tuivighav iti.

<sup>12</sup> Me pamten dia kamaghın ighiam gami:

“Sipsipin Nguzir me misoghezi aremezir kam,  
e an uarir torogha  
an ziam bar pin aneti.

A ziar ekiam ko  
bizir aghuir aviriba ko  
fofozir aghuiba ko  
gavgavir ekiam iti.

E an ziam fiva  
a bagh bar akongegh  
a minamam.”

<sup>13</sup> Egha ki God ingarizir gumazamiziba ko biziba bar men ighiam barasi, kar bizir overiamın itiba ko nguazimın itiba ko nguazimın apengan itiba ko ongarimın itiba kamaghın migei:

“Gumazir uan atrivir dabirabim gapiagherim ko,  
Sipsipin Nguzim uaghan,  
e zurazurara aning minabivira ikiam.

---

**5:11:** Sng 68:17, Dan 7:10, Hi 12:22, MAA 4:4-6      **5:11:** Onger Akaba 68:17; Daniel 7:10; Hiebru 12:22; Akar Mogomem 4:4-6

**5:12:** 1 Sto 29:11, MAA 5:6      **5:12:** 1 Eghaghaniba 29:11; Akar Mogomem 5:6      **5:13:** Ro 9:5, Fl 2:10, 1 Ti 6:16, 1 Pi 4:11, MAA 4:2, 4:10, 6:16, 7:10      **5:13:** Rom 9:5; Filipai 2:10; 1 Timoti 6:16; 1 Pita 4:11; Akar Mogomem 4:2; 4:10; 6:16; 7:10

Egh aningın ziar ekiamning fıva,  
 aning bagh bar akongegh,  
 egh aningın gavgavir ekiamın apengan  
 iki  
 zurara mamaghıra ikiam.”

<sup>14</sup> Ezi 4plan bizir angamıra itiba kamaghın mıgei,  
 “Guizbangıra.” Ezi gumazir dapaniba uan teviba  
 apırigha aningın ziamning fe.

## 6

*Sipsipın Nguzim akınafarımın kandelın grisba  
 adangi*

<sup>1</sup> Ki Sipsipın Nguzimın garima, an akınafarir  
 7plan kendelın grisba itir kamın suira, egha  
 kendelın grisin faraghavıra itim adangi. Ezi ki  
 orazi, 4plan bizir angamıra itir kabar mav ka-  
 maghın mıgei, ezi an tiarim mati ararim dagar-  
 vagma, kamaghın mıgei, “Ni izi!”

<sup>2</sup> Ezi ki ua gara egha hoziar ghurghurir mamın  
 garima, gumazim barir pimın suiragha a gapera.  
 Me atrivimın dapanir asuar mam a ganıngi, ezi  
 a midorozim gamua uan apanim abırazi moghın  
 zui, egha midorozir avırıbagh amua uan apaniba  
 abıra ghuavıra iti.

<sup>3</sup> Ezi Sipsipın Nguzim akınafarımın kandelın  
 grisin namba 2 adangi, ezi ki orazi, bizir angamıra  
 itir namba 2 kamaghın mıgei, “Ni izi!”

---

**6:1:** MAA 4:6-7, 5:1, 5:5-7

**6:1:** Akar Mogomem 4:6-7; 5:1; 5:5-7

**6:2:** Sek 1:8, MAA 6:3, 6:6, 14:14, 19:11

**6:2:** Sekaraia 1:8; Akar

Mogomem 6:6, 14:14; 19:11

<sup>4</sup> Ezi hoziar igharazim azenan izi, an aghefe. Me gavgavim hoziar kam gaperazir gumazim ganingi, kar gavgavir nguazimin gumamazibar dughiar aghuim a givamim, eghti gumaziba igharaz daraziv soghtima me arimighiram. Ezi me midorozir sabar ekar mam ingangarir kam damuasava a ganingi.

<sup>5</sup> Ezi Sipsipin Nguzim akinafarimin kendelin gris namba 3 adangi, ezi ki orazi bizir angamira itir namba 3 kamaghin migei, “Ni izi!” Ezi ki ua gara, egha hoziar pizimin gari. Ezi gumazir a gaperaghav itim a skelin mam uan dafarimin an suira.

<sup>6</sup> Ezi ki orazi, mati gumazimin tiarim bizir angamira itir 4plan kabar tongin kamaghin migei, “Ni mangi uan ingangarim damu, eghti gumaziba bar daghebar otevegham. Kamaghin, gumazim dughiar vamiran ivezim inigh, a witin miner muziarir vamera o balin miner muziarir 3plara givezam. Egh ia olivin temeba ko wainin ikariziba gasighasighan marki, eghti olivin borem ko wain ikivira ikiam.”\*

<sup>7</sup> Ezi Sipsipin Nguzim akinafarimin kendelin gris namba 4 adangizima, ki orazi bizir angamira itir namba 4 kamaghin migei, “Ni izi!”

<sup>8</sup> Ezi ki ua gara hoziar iangurimin gari. Ezi gumazir a gaperazim, an ziam Ovevem. Ezi Gumaza-

**6:4:** Sek 1:8, 6:2      **6:4:** Sekaraia 1:8; 6:2      **6:5:** Sek 6:2, 6:6

**6:5:** Sekaraia 6:2; 6:6      **6:6:** Ese 5:12, 5:17      **6:6:** Esekiel 5:12;

5:17      \* **6:6:** Vezin kamın mingarim kamaghin migei, Dagheba bar otevegham eghti daghebar ivezim bar pin ghuavanabogham.

**6:8:** Jer 15:1-3, Ese 5:12, 5:17, 14:21, 33:27, Sek 6:3      **6:8:** Jeremaia 15:1-3; Esekiel 5:12; 5:17; 14:21; 33:27; Sekaraia 6:3

mizir Oveaghuezibar Nguibam, an Ovevemın gırara izi. God gavgavim kamaghın aning ganıngi, aning nguazımın itir gumazamiziba 4plan okorubar me tuiragh, egh okoruar kabar aven, aning okoruar vamıra misueghti an aremegham. Aning midorozir sabamın gumazamizibav sueghti, me arımıghiram, eghti aning mitiriar ekiam damıghti an otoghti me arımıghiram, eghti aning arımariar ekiabar amuti da otiv me damuti me arımıghiram, eghti aning ruarımın itir asızir atiaba amangiti da mangi me misoghti me arımıghiram.

<sup>9</sup> Ezi Sipsipın Nguzim akınafarımın kendelin grisin namba 5 adangizi, ki garima, gumazamizir ovengezibar duaba Godın ofa gamir dakozim apengan iti. Gumazamizir kaba faragha Godın akamın suiragha gavgavigha, egha akar kam akuni, bizir kam bangın apaniba me misoghezi me ariaghire.

<sup>10</sup> Duar kaba dia kamaghın mıgei, “Gavgaviba bar itir Ekiam, ni arazir kuraba bar dar saghon ikia egha bar zue! Ezi nin akar dikiriziba da guizbangıra otifi! E ni mızua iti, ni zuamıra nguazımın itir gumazamizibar araziba tuisıghıva, egh en ghuzımın ivezim ikarvagh!”

<sup>11</sup> Egha me gumazamizir kaba vaghvagha korotiar ghurghurir ruariba me ganıngi, egha kamaghın me mıgei, “Ia tong orarkıva avughsi

---

**6:9:** 2 Ti 1:8, MAA 1:9, 8:3, 12:17, 19:10    **6:9:** 2 Timoti 1:8; Akar Mogomem 1:9; 8:3; 12:17; 19:10    **6:10:** Lo 32:43, Sng 78:10, MAA 11:18, 16:7, 19:2    **6:10:** Godın Araziba 32:43; Onger Akaba 78:10; Akar Mogomem 11:18; 16:7; 19:2    **6:11:** Hi 11:40, MAA 3:4-5, 3:18, 7:9, 7:13-14, 14:13, 19:14    **6:11:** Hıbru 11:40; Akar Mogomem 3:4-5; 3:18; 7:9; 7:13-14; 14:13; 19:14

iki. Apaniba ian adarazi ko ia ko ingari darazi misueghti me arimighiregham, mati me ia misoghezi mokin. Gumazamizir apaniba misueghti arimighiramibar dibobonim, God a gifogha gifa, eghti apaniba gumazamizir kabav sueghti me arimighireghti, God ian ghuzim in ivezim ikarvagham.”

<sup>12</sup> Ezi Sipsipin Nguzim akinafarim in kendelin gris in namba 6 adangi, ezi ki ua garima mikimkizir dafam nguazim in oto. Ezi aruem isiragha gari puvatizi, overiam ko nguazim mitatangi. Ezi iakinim bar aghevegha ghuzim in min gari.

<sup>13</sup> Ezi pin itir mikoveziba asiaghira nguazim giri, mati aminim figh in temem givaima, figh in ovizir tighar aniamiba suaghiri.

<sup>14</sup> Overiam mati, akinafarir bar dafam me a righa anetizi moghin, a uan danganim ataki. Ezi mighsiaba ko arighatiziba bar uan danganiba ategha, sivagha ghue.

<sup>15</sup> Ezi nguazim in atriviba ko gumazamizir ziaba itiba ko midorozir gumazir dapaniba ko dagiaba itir gumazamiziba ko gumazamizir gavgaviba ko pura ingangarir gumazamizir kiniba ko gumazamizir firiaghireziba, me bar moghira ghua marazi dagiar toribar aven mongezi marazi mighsiabar itir dagiar ekiabar girakirang in monge.

---

**6:12:** Ais 13:10, Jol 2:10, 2:31, 3:15, Mt 24:29, Mk 13:24-25, Lu 21:25, Ap 2:20, MAA 8:12, 11:13, 16:18    **6:12:** Aisaia 13:10; Joel 2:10; 2:31; 3:15; Matyu 24:29; Mak 13:24-25; Luk 21:25; Aposel 2:20; Akar Mogomem 8:12; 11:13; 16:18    **6:13:** MAA 8:10, 9:1    **6:13:** Akar Mogomem 8:10; 9:1    **6:13:** Aisaia 34:4    **6:14:** Jer 4:24, Hi 1:12-13, MAA 16:20    **6:14:** Jeremaia 4:24; Hibru 1:12-13; Akar Mogomem 16:20    **6:15:** Ais 2:10, 2:19-21    **6:15:** Aisaia 2:10; 2:19-21

<sup>16</sup> Egha me kamaghin mighsiaba ko dagiar eki-abar dei, “Ia e avaragh, egh gumazir atrivir dabirabim gaperaghav itimin guamin e modogh, egh uaghan Sipsipin Nguzimin aningagharimin e modogh!

<sup>17</sup> E fo, aningin aningagharimin dughiar ekiam datirighin otozi aning gumazamizibar arazir kuraba ikarvaghasa. Eghti gumazitam aningin aningagharim iriagh, angamira ikian kogham!”

## 7

*144,000plan Israelin gumazamiziba, God me ginabazir osizirim, enselba me garisi*

<sup>1</sup> Bizir kaba givazi ki garima, enselin 4pla nguazimin 4plan apinibar tuivighav iti. Me nguazimin 4plan aminibar tuaviba apiri, eghti aminim mangi ongarim ko nguazim ko temeba bar dagh ivangan kogham.

<sup>2</sup> Ezi ki enselin igharazimin garima, an aruem anadi naghin ikeghav anadi. A Godin Zurara Itim inabazir osizirim an iti, egha a enselin 4plan God ongarim ko nguazim gasighasighamin gavgavim aningiziba pamten men dei.

<sup>3</sup> A kamaghin migei, “Ia zuamira nguazim ko ongarim ko temebagh asighasighan marki. God

---

**6:16:** Hos 10:8, Lu 23:30, MAA 4:2, 4:10, 9:6    **6:16:** Hosea 10:8; Luk 23:30; Akar Mogomem 4:2; 4:10; 9:6    **6:17:** Sng 76:7, Ais 13:6, Jol 2:11, Nah 1:6, Sef 1:14, Mal 3:2, MAA 16:14    **6:17:** Onger Akaba 76:7; Aisaia 13:6; Joel 2:11; Nahum 1:6; Sefanaia 1:14; Malakai 3:2; Akar Mogomem 16:14    **7:1:** Jer 49:36, Dan 7:2, Sek 6:5    **7:1:** Jeremaia 49:36; Daniel 7:2; Sekaraia 6:5    **7:3:** Ese 9:4-6, MAA 6:6, 9:4, 14:1, 22:4    **7:3:** Esekiel 9:4-6; Akar Mogomem 6:6; 9:4; 14:1; 22:4

uan ingangarir gumamazizibagh inaba. E faragh uan Godin ingangarir gumamaziziba, inabazir osizirim men guabar an osirigh givaghti, ia gin bizibagh asighasigh.”

<sup>4</sup>Ezi ki orazi, me inabazir gumamazizir osizirim inizibar dibobonim dibori. Me 144,000plan gumamaziziba, inabazir osizirim me garisi, me Israelin kantrin aven itir 12plan anababa, vaghvagha men varazira, osizirim ini.\*

<sup>5</sup> Kamaghin amizi 12,000plan Judan anabamin aven itir darasi,

me inabazir osizirim ini,

ezi 12,000plan Rubenin anabamin adarasi,

ezi 12,000plan Gatin anabamin adarasi,

<sup>6</sup> ezi 12,000plan Aserin anabamin adarasi,

ezi 12,000plan Naptalin anabamin adarasi,

ezi 12,000plan Manasen anabamin adarasi,

<sup>7</sup> ezi 12,000plan Simeonin anabamin adarasi,

ezi 12,000plan Livain anabamin adarasi,

ezi 12,000plan Isakarın anabamin adarasi,

<sup>8</sup> ezi 12,000plan Sebulunin anabamin adarasi,

ezi 12,000plan Josepin anabamin adarasi,

ezi 12,000plan Benjaminin anabamin adarasi.

Gumamazizir kaba, God me ginabazir osizirim ini.

*Gumamazizir bar avirim Godin ziam fe*

---

**7:4:** MAA 9:16, 14:1-3    **7:4:** Akar Mogomem 9:16; 14:1-3    \* **7:4:** Osizirir kamnagh “Israelin kantrin aven itir 12plan anababar,” gun miği. E Aruamu e ghaze, anabam, kar amebam o amizimin ghuzim. Ezi Israelia me ghaze, anabam, kar afeziamin ghuzim, egha me afeziabar gin zui.

<sup>9</sup> Egha ki gin ua garima, gumazamizir avirim uari akuvagha iti. Gumazitam men avirim mengan iburagham. Gumazamizir kaba, me kantriba bar ko anababa bar ko mikarzir igharagha gariba bar ko nguibabar akaba bar dar gumazamiziba, men marazira izegha iti. Egha me atrivir dabirabim ko Sipsipin Nguzimin guamin tuivighav iti. Me korotiar ghurghurir ruariba aghuigha, uan agharibar okavir aghuabar suiki.

<sup>10</sup> Egha Me pamten kamaghin dei:

“En Godin uan atrivir dabirabim gaperazim,  
ko Sipsipin Nguzim,  
aningra en akuragha en apanim abira.  
Kamaghin amizi, e aningin ziamning fe.”

<sup>11</sup> Ezi enselba bar ikia, atrivir dabirabim ko 4plan bizir angamira itiba ko gumazir dapaniba okarigha, tuivighav iti. Egha atrivir dabirabimin garava teviba apira uan guaba nguazim mituagha, Godin ziam fe.

<sup>12</sup> Me kamaghin migei:

“Guizbangira!  
E ziar ekiam uan God daning,  
egh a bagh bar akongegham,  
egh kamaghin mikim suam,  
an fozim bar pin iti.

---

**7:9:** Ro 11:25, MAA 3:5, 3:18, 4:4, 5:9      **7:9:** Rom 11:25; Akar Mogomem 3:5; 3:18; 4:4; 5:9      **7:10:** Ais 43:11, Jer 3:23, Hos 13:4, MAA 4:2, 4:10, 5:13      **7:10:** Aisaia 43:11; Jeremaia 3:23; Hosea 13:4; Akar Mogomem 4:2; 4:10; 5:13      **7:12:** MAA 5:12-14, 11:17      **7:12:** Akar Mogomem 5:12-14; 11:17



Egh a minabiva,  
 egh an ziam fam.  
 A gavgavir ekiam iti,  
 eghti e an gavgavimın apengan ikiam.  
 Dughiabar zurara bizir kaba bar moghirama  
 Godın biziba.  
 Bar guizbangira!”

*Kraisin adarasi, men osımtızim gıfa*

<sup>13</sup> Ezi gumazir dapanibar mav kamaghın nan azara, “Gumazamizir korotiar ruarir ghurghuriba aghuizir kaba, me taia? Me managhıra ikegha ize?”

<sup>14</sup> Ezi ki kamaghın an akam ikara, “Gumazir ekiam, ni uabi fo.” Ezi a kamagh na migei:

“Gumazamizir kaba me uan apanibar dafaribar osımtıziba ko mızazir ekiaba ini.  
 Ezi osımtızibar dughiam datırighın gıfa.  
 Ezi me uan korotiaba Sipsipın Nguzimın ghuzimın da ruegha,  
 dagh amizi, da ghurghuri.

<sup>15</sup> Kamaghın amizi, me atrivir dabirabimın guamın tuifi.  
 Egha dimagariba ko aruebar an dipenimın ikia  
 egha an ingangarım gami.  
 Ezi Godın atrivir dabirabir kam gaperaghav itim,  
 a uabi me ko iki egh me geghuvam.

---

**7:13:** MAA 3:18    **7:13:** Akar Mogomem 3:18    **7:14:** Ais 1:18, Dan 12:1, Mat 24:21, Mk 13:19, Hi 9:14, 1 Jo 1:7, MAA 1:5, 6:9    **7:14:** Aisaia 1:18; Daniel 12:1; Matyu 24:21; Mak 13:19; Hibru 9:14; Akar Mogomem 1:5; 6:9    **7:15:** Ais 4:5-6, MAA 4:2, 4:10, 21:3    **7:15:** Aisaia 4:5-6; Akar Mogomem 4:2; 4:10; 21:3

- 16 Eghti mitiriaba ua men aghan kogham,  
eghti kuariba ua men piran kogham.  
Eghti aruer arizir mikarziba puvira dagh aboim,  
ua men mikarzar isian kogham.
- 17 Sipsipin Nguzim atrivir dabirabimin tongira  
ikia,  
egha me geghufi.  
Egh a me inigh nguazimin aven ivemarir dipar  
atuir danganimin mangam,  
kar dipar ikirimirir zurara itim anidim.  
Egh God bar men damazibar temeriba adizighti  
da misigham,  
eghti me uam azian kogham.”

## 8

### *Sipsipin Nguzim akinafarir righizimin kendelin grisın abuananam adangi*

<sup>1</sup> Ezi Sipsipin Nguzim akinafarimin itir kendelin  
grisın namba 7 adangi, ezi Godin Nguibamin  
bizitam bar mozorozir puvatizi, migirigiatam  
uaghan otivir puvatigha, ghua mong dughiar  
ruarimin tu.

<sup>2</sup> Ezi gin ki 7plan enselbar garima, me Godin  
guamin tuivigha 7plan sighthabar suiki.

---

**7:16:** Sng 121:6, Ais 49:10, MAA 21:4      **7:16:** Onger Akaba 121:6;  
Aisaia 49:10; Akar Mogomem 21:4      **7:17:** Sng 23:1-2, Ais 25:8,  
49:10, Ese 34:23, Jo 10:11, 10:14, MAA 5:6, 21:4      **7:17:** Onger  
Akaba 23:1-2; Aisaia 25:8; 49:10; Esekiel 34:23; Jon 10:11; 10:14;  
Akar Mogomem 5:6; 21:4      **8:1:** Hab 2:20, MAA 6:1      **8:1:**  
Habakuk 2:20; Akar Mogomem 6:1      **8:2:** 2 Sto 29:25-28, Mt 18:10,  
Lu 1:19      **8:2:** 2 Eghaghaniba 29:25-28; Matyu 18:10; Luk 1:19

<sup>3</sup> Ezi enselin igharazim iza ofa gamir dakozim boroghin tughav iti. A golin miner mamın suira, miner kam, me an aven paura tuazi a isia migharir mughuriar aghuim otifi. Ezi me pauran avirir maba a ganingi, eghti a Godin gumazamizibar azangszibar sara isafuragh, atrivir dabirabimın guamın mangıva golin ofa gamir dakozimın God bagh ofa damuam.

<sup>4</sup> Ezi pauran isir migharir mughuriar aghuim ko Godin gumazamizibar azangsziba, da uari inigha enselin Godin damazimın tughav itir kamın dafarim ategha ghuavanadi.

<sup>5</sup> Ezi ensel miner migharir mughuriar aghuim itim inigha ofa gamir dakozimın ghua avim inigha minem garu, egha minem akunizıma a nguazim giri. An anakunigha gıvazıma, arariba dagarvazıma nigınir ekiam oto, ezi overiamın onımariba taghtagha tintinibar zui, ezi mikımkızim oto.

### *Enselın 4pla sıghabagh ivi*

<sup>6</sup> Ezi 7plan enselin, sıghar 7plan suighizir kaba, me dagh iviasava ami.

<sup>7</sup> Ezi faragha zuir ensel uan sıgham givima, amozir ofızir ekiar dagıabar mın gariba ko avim, aning ghuzim sara isafuragha nguazim giri. Ezi

---

**8:3:** Kis 30:1-3, Amo 9:1, MAA 5:8, 9:13      **8:3:** Ua Me Ini 30:1-3; Amos 9:1; Akar Mogomem 5:8; 9:13      **8:4:** Sng 141:2, Lu 1:10, MAA 5:8      **8:4:** Onger Akaba 141:2; Luk 1:10; Akar Mogomem 5:8      **8:5:** Kis 19:16-19, Wkp 16:12, 1 Kin 19:11, Ese 10:2, Ap 4:31, MAA 4:5, 11:19, 16:18      **8:5:** Ua Me Ini 19:16-19; Ofa Gami 16:12; 1 Atriviba 19:11; Esekiel 10:2; Aposel 4:31; Akar Mogomem 4:5; 11:19; 16:18      **8:7:** Kis 9:23-25, Ais 2:13, Ese 38:22, Jol 2:30, MAA 9:4, 16:2      **8:7:** Ua Me Ini 9:23-25; Aisaia 2:13; Esekiel 38:22; Joel 2:30; Akar Mogomem 9:4; 16:2

me nguazim ko temeba 3plan okoruabar vagh-vagha da taira, ezi nguazimın okoruar mam, avim bar an isi. Ezi temebar okoruar mam, avim bar an isi, egha avim uaghan nguazimın aghuir graziba bar adar isi.

<sup>8</sup> Ezi namba 2 ensel uan sigham givima, bizir mam mati mighsiar ekiamın mın avim an isima, me anekunizi a ghua ongarim giraghu. Ezi ongarim 3plan okoruabar uabi tuirazi, an okoruar mam ghuzimın oto.

<sup>9</sup> Bizir ongarimın angamıra itiba, da uaghan me 3plan okoruabar da taira, ezi okoruar kabar mam, bar ariaghire. Ezi kuriba uaghan, me 3plan okoruabar da taira, ezi kuribar okoruar mam, bar moghıra ikufi.

<sup>10</sup> Ezi namba 3 ensel uan sigham givima mikovezir ekiar mam adenimın mın puvıra isia, overiam ategha iri. Ezi me 3plan okoruabar faneba taira, ezi mikovezir kam faner okoruar kabar mam gira, egha uaghan dipar atuibagh iri.

<sup>11</sup> Mikovezir kamın ziam kamakın, Marasinın Bar Puvıra Misozim. A dipar okoruar kabar mam girizi, dipar kaba Marasinın Bar Puvıra Misozimın oto. Ezi gumamazir aviriba dipar kam apima, a men navibar isizi me ariaghire.

---

**8:8:** Kis 7:20-21, Jer 51:25, Ese 14:19, Amo 7:4, MAA 16:3     **8:8:** Ua Me Ini 7:20-21; Jeremaia 51:25; Esekial 14:19; Amos 7:4; Akar Mogomem 16:3     **8:9:** Ais 14:12     **8:9:** Aisaia 14:12     **8:10:** Ais 14:12, MAA 9:1, 16:4     **8:10:** Aisaia 14:12; Akar Mogomem 9:1; 16:4  
**8:11:** Kis 15:23, Jer 9:15, 23:15     **8:11:** Ua Me Ini 15:23; Jeremaia 9:15; 23:15

<sup>12</sup> Ezi enselin namba 4 uan sigham givi, ezi me aruem ko iakinim ko mikoveziba 3plan okoruabar vaghvagha da taira. Egha me aruemin okoruar mam gasighasigha, iakinimin okoruar mam gasighasigha, egha mikovezibar okoruar mam gasighasiki. Kamaghin amizi, arueba bar, dughiar mabar aruem isir puvatigha mitatangi, ezi dimagariba bar, dimagarir maba iakinim ko mikoveziba isir puvatigha angazangariba puvati.

<sup>13</sup> Ezi ki garima, kuarazir bagar mam overiamin pin mighagha arui. Ezi ki a barazi, a kamaghin pamten dia migei, "Iavzika! Nguazimin itir gumazamiziba, Iavzika! Enselin igharazir 3pla ua uan sighabagh iviam, eghti osimtizir bar ekiaba gumazamiziba me bativam. Iavzika!"

## 9

### *Namba 5 ensel uan sigham givi*

<sup>1</sup> Ezi enselin namba 5 uan sigham givima ki gari, mikovezir mam overiam ategha nguazim giri. Ezi me mozir torir bar konezimin akamin ki isa a ganingi.

<sup>2</sup> Ezi mikovezir kam, mozir torir bar konezimin akam kuizi, migharim torir akamin azenan otiva, avir bar ekiamin migharimin min anadi. Egha

---

**8:12:** Ais 13:10, Ese 32:7, Jol 2:10, 2:31, 3:15, Amo 8:9, MAA 6:12-13

**8:12:** Aisaia 13:10; Esekiel 32:7; Joel 2:10; 2:31; 3:15; Amos 8:9; Akar Mogomem 6:12-13

**8:13:** MAA 9:12, 11:14

**8:13:** Akar Mogomem 9:12; 11:14

**9:1:** Lu 8:31, 10:18, MAA 8:10, 17:8, 20:1

**9:1:** Luk 8:31; 10:18; Akar Mogomem 8:10; 17:8; 20:1

**9:2:** Stt 19:28, Kis 19:18, Jol 2:2, 2:10

**9:2:** Jenesis 19:28; Ua Me Ini 19:18; Joel 2:2; 2:10

migharim torir kamın anaga aruem ko overiam avarazi, aning mitatangi.

<sup>3</sup> Ezi odezir bar avirim migharir kam ategha izaghira, tintinibar nguazimın zui. God tuighakabar gavgavimın mın gavgavim dagh aningi, kar nguazimın itir gumamazibagh asighasighamin gavgavim.

<sup>4</sup> God odezir kaba kamaghın dav gei, “Ia zuravariba ko nguazimın aghuir biziba ko teme tabagh asighasighan marki. Ia, gumamazir God inabazir osizirim men guabar itir puvatizibagh asighasigh.

<sup>5</sup> Ki ian amamangati, ia gumamazir kaba iakinir 5plara mızazir ekiam me daning. Egh ia me misoghti me arımighiran marki.” Ezi odezir kaba, da gumamazibagh anıdır mızaziba, tuighakaba ivir mızazibar mırara ghu.

<sup>6</sup> Dughiar kamın, gumamaziziba ovengsi tuaviba buriam, egh me ovengan kogham. Me ovengsi bar ifueghti, ovevem men arımangam.

<sup>7</sup> Ki odezir kabar gari, da mati hoziaba midorozim damuasava ami. Dar dapaniba mati, golin dapanir asuaba dar iti. Ezi dar guaba mati gumamazizibar guaba.

<sup>8</sup> Ezi dar dapanir arıziba ruarigha, amizibar da-

---

**9:3:** Kis 10:4, 10:12-15, Het 7:12, MAA 9:10    **9:3:** Ua Me Ini 10:4; 10:12-15; Gumazir Dapaniba 7:12; Akar Mogomem 9:10    **9:4:** Ese 9:4, MAA 6:6, 7:3    **9:4:** Esekiel 9:4; Akar Mogomem 6:6; 7:3    **9:5:** MAA 9:10, 11:7    **9:5:** Akar Mogomem 9:10; 11:7    **9:6:** Jop 3:21, Ais 2:19, Jer 8:3, MAA 6:16    **9:6:** Jop 3:21; Aisaia 2:19; Jeremaia 8:3; Akar Mogomem 6:16    **9:7:** Dan 7:8, Jol 2:4, Nah 3:17    **9:7:** Daniel 7:8; Joel 2:4; Nahum 3:17    **9:8:** Jol 1:6    **9:8:** Joel 1:6

panir arizibar min ruari. Ezi dar atariba, laionin ataribar min, ruarigha bar ghumi.

<sup>9</sup> Bizir maba, siot kapabar min gara, dar evariba ave. Ezi dar aviziba tingagha mati hoziaba karisin aviriba kurvagha midorozim bagha ivemara zui moghin tingazi.

<sup>10</sup> Odezir kaba tuighakabar min ipeba iti, ezi atarir marasinin mizazir kuraba iziba, dar ipebar iti. Kamaghin amizi mizazir gavgavir kam, 5plan iakinibar gumazamizibar aningamim.

<sup>11</sup> Egha da atrivir mam iti, a dar gari. Atrivir kam, a mozir torir bar konezimın garir ensel. Hibrun akamin me enselin kamin ziam dibora ghaze, “Abadon.” Ezi Grighin akamin me kamaghin a dibori, “Apoliyon.” An mingarim kamakin, gumazir biziba bar dagh asighasizim.

<sup>12</sup> Iavzika, ia orakigh! Osimtızir bar ekiar faragh zuim, a gifa. Ezi osimtızir ekiar pumuning ikiavira iti, aning tighar otivam.

### *Enselin namba 6 uan sigham givi*

<sup>13</sup> Ezi enselin namba 6 uan sigham givima, ki gumazir mamın tiarim barasi. A Godin guamin itir golin ofa gamir dakozir mamın otifi, danganir kam, a mikebar 4pla iti, ezi da vaghvagha komba iti. Tiarir ki orazir kam, a komın 4plan tongin otivima, ki a barasi.

<sup>14</sup> A kamaghin namba 6 enselin sighamın suirazimın miği, “Enselin 4plan Yufretisin Faner ekiamın kalabusın itiba, ni me ateghti me mangi.”

---

**9:9:** Jol 2:5    **9:9:** Joel 2:5    **9:12:** MAA 8:13    **9:12:** Akar Mogomem 8:13  
**9:13:** Kis 30:1-3, MAA 8:3    **9:13:** Ua Me Ini 30:1-3; Akar Mogomem 8:3    **9:14:** MAA 16:12    **9:14:** Akar Mogomem 16:12

<sup>15</sup> Ezi a 4plan enselin kaba ataki, eghti me 3plan okoruabar gumazamiziba tuiragham, egh okoru-atam bar a misueghti a arimighiregham. God faragha ghaze, auan kam ko aruer kam ko iakinir kam ko azenir kamın enselin kaba ingangarir kam damuam. Ezi enselin kaba kalabusın ikia uari akirigha ingangarir kam damuasavıra dughiar kam mızua iti.

<sup>16</sup> Ezi midorozir gumazir hoziabagh apiaziba, ki orazima, men dibobonim, 200 milien.

<sup>17</sup> Egha ki irebamın mın garir bizim mati, hoziaba ko gumazir hoziabagh apiazibar ganganim. Gumaziba siot kapaba aghui, ezi dar ganganim aghevegha, blu gamigha, iangurungi. Hoziabar dapaniba, laionın dapanibar mın gari. Ezi avim ko migharim ko salfan dagiar isiba, hoziabar akabar otiva tintinibar zui.

<sup>18</sup> Egha me gumazamiziba 3plan okoruabar me tuira, ezi 3plan bizir bar kurabar okoruar mam, bar gumazamizibar okoruar mam misoghezima me ariaghire. Bizir 3plan kabanagh, da avim ko migharim ko salfan dagiar avim, da hoziabar akabar otifi. Bizir 3plan kabar gavgavim gumazamizir kabagh amima me ariaghiri.

<sup>19</sup> Hoziar kabar gavgavim, dar akaba ko ipebar iti. Dar ipeba kuruzibar mın gari, egha dapaniba iti. Hoziaba uan ipebar mızazir kuram isa gumazamizibagh anidi.

---

**9:15:** MAA 8:7-12    **9:15:** Akar Mogomem 8:7-12    **9:16:** Sng 68:17, Ese 38:4, Dan 7:10    **9:16:** Onger Akaba 68:17; Esekiel 38:4; Daniel 7:10    **9:17:** 1 Sto 12:8, Ais 5:28-29    **9:17:** 1 Eghaghaniba 12:8; Aisaia 5:28-29



20 Ezi gumazamizir igharazir me misoghezi, ariaghirezir puvatiziba, me navibagh irazir puvatigha, akirim ragha marvir guar me uari ingarizibagh asarazir puvati. Me aseba ko marvir guaba ataghizir puvati. Marvir guar kaba, gumaziba silva ko gol ko bras ko dagiaba ko temebar dar ingari, da bizibar garir puvatigha akaba barazir puvatigha aruir puvatiziba. Me marvir guabar ziaba fer arazim ataghizir puvati.

21 Egha me, gumazamizir igharazibav sozima me ariaghirir arazim, ko imezibagh amir araziba, ko gumazamiziba tintinibar uari bakia uari ko akuir arazim, ko igharaz darazir biziba okeir araziba bagha navibagh iragh arazir kurar kaba ataghiraghan aghua.

## 10

### *Ensel akinafarir righizim Jon ganingizi an anepi*

<sup>1</sup> Ezi ki garima enselin gavgavir igharazir mam Godin Nguibam ategha izaghiri. A ghuariam kotiamin min aneru, ezi ekianir mam an dapanim gisin iti. An guam aruemin min isi, ezi an suemning dipenir akinimningin min gara egha avimin min isi.

<sup>2</sup> Enselin kam akinafarir righizir muziarim uan dafarimin an suira, ezi akinafarim oneghirigha

---

**9:20:** Lo 31:29, Sng 106:37, 115:4-7, 135:15-17, Ais 2:8, 2:18-20, Dan 5:23, 1 Ko 10:19-20, MAA 16:9-11     **9:20:** Godin Araziba 31:29; Onger Akaba 106:37; 115:4-7; 135:15-17; Aisaia 2:8; 2:18-20; Daniel 5:23; 1 Korin 10:19-20; Akar Mogomem 16:9-11     **10:1:** Ese 1:28, Mt 17:2, MAA 1:15-16     **10:1:** Esekiel 1:28; Matyu 17:2; Akar Mogomem 1:15-16

iti. Ezi a uan suer guvim ongarim gasaragha suer kiriam nguazim gasara.

<sup>3</sup> Egha a laionin min bar pamten itiarim akara dia migei. A diagha givazima, 7plan arariba dagarvagha egha an akam ikara.

<sup>4</sup> Ezi 7plan ararir kaba dagarveggha givazima, ki akar me mikemeziba osirasa. Ezi ki Godin Nguibamin gumazir mamın dımdiam barazima, a kamaghın migei, “7plan ararir dagarvaghizibar akam, ni uan nighnizimın anetıghtı a iki. Ni an osiran marki.”

<sup>5</sup> Enselin ki ganizir kam an ongarim ko nguazimın tughav ikia, uan agharir guvim fegha pin overiamın aka.

<sup>6</sup> Egha ghaze, “Godin zurara itimın ziamın ki guizbangira migei. Godin kam, an overiam ko bizir an itibar ingarigha nguazim ko an itir bizibar ingarigha, ongarim ko an itir bizibar ingari. Ezi ki kamaghın migei, dughiam datirighın gıvasava ami. God uam orarkian kogham. Bar puvati.

<sup>7</sup> Bizir God damuasava amim, an akam modoghav iti. Eghtı Enselin namba 7 sigham givitıma, dughiar kamra bizir modoghav itim guizbangıram otogham. Kar, Akar Aghuir a fomira uan ingangarir

---

**10:3:** MAA 8:5    **10:3:** Akar Mogomem 8:5    **10:4:** Dan 8:26, 12:4, 12:9    **10:4:** Daniel 8:26; 12:4; 12:9    **10:5:** Kis 8:6    **10:5:** Ua Me Ini 8:6    **10:5:** Ua Me Ini 20:11; Godin Araziba 32:40; Daniel 12:7; Amos 3:7    **10:6:** Neh 9:6, Sng 146:6, MAA 4:11, 14:7, 16:17    **10:6:** Nehemia 9:6; Onger Akaba 146:6; Akar Mogomem 4:11; 14:7; 16:17    **10:7:** Dan 9:6, 9:10, Amo 3:7, Ro 16:25-27, MAA 11:15    **10:7:** Daniel 9:6; 9:10; Amos 3:7; Rom 16:25-26; Akar Mogomem 11:15

gumazamizibagh aningizim, me an akam inigha izir gumazamiziba.”

<sup>8</sup> Ezi gumazir ki Godin Nguibamin faragha oraghizim, a ua kamaghin na migei, “Ni mangi enselin ongarim ko nguazimin tughav itimin dafarimin akinafarir righizir oneghav itim inigh.”

<sup>9</sup> Ezi ki ensel bagha ghua kamaghin a migei, “Ni akinafarir righizir muziarir kam na daningigh.” Ezi a kamaghin na migei, “Ni a inigh aneremi. A nin navimin aven ni misogham. Egh nin akamin, an hanin min bar singigham.”

<sup>10</sup> A mikemegha givazima, ki akinafarir righizir muziarim enselin dafarimin a inighava anepi. Ezi nan akamin, a hanin min bar singi. Ki anemegha givazima, a nan navimin aven na misosi.

<sup>11</sup> Ezi me kamaghin na migei, “Ni ua God da izezir akamin gun mikim. Akar kamın, mikarzir igharagha garir aviriba ko kantrin aviriba ko nguibabar akar aviriba ko atrivir aviriba, bizir me bativamiba ni dar me mikim.”

## 11

### *Godin akam inigha izir gumazir pumuning*

<sup>1</sup> Egha me aghorir bizibar abarim na ganingi, an aghorir suiagharuimin min gari, egha me kamagh na migei, “Ni dikavigh Godin Dipenim ko ofa gamir dakozimin apan. Egh ni dipenir kamın Godin ziam fer gumazamizibar dibobonim dipon.

---

**10:8:** Esekiel 2:8–3:3    **10:9:** Jer 15:16    **10:9:** Jeremaia 15:16  
**10:10:** Ese 2:10, 3:3    **10:10:** Esekiel 2:10; 3:3    **11:1:** Nam 35:5,  
 Ese 40:3, Sek 2:1-2, MAA 21:15    **11:1:** Diboboniba 35:5; Esekiel  
 40:3; Sekaraia 2:1-2; Akar Mogomem 21:15

<sup>2</sup> Egh ni Godin Dipenim okarizir danganir divazir ekiamin aven itim, an apanan marki. God Kantrin Igharazibar Gumazamiziba danganir uari akuvir kam me ganingi. Eghti marazi izi Jerusalem diki mangi 42plan iakinibar tugham. Kamaghin amizi, ni anetakigh.\*

<sup>3</sup> Eghti ki uan akamin gun mikimamin gumazir pumuning amadagh gavgavim aning danightima, aning nan akam inigh mangam. Aning osimtazir korotiabar aghuighiva, egh nan akam kun mangiva, 1,260plan dughiabar tugham.”

<sup>4</sup> Gumazir kamning mati olivin temer pumuning ko lamın pumuning nguazir kamın Ekiamin guamin tughav iti.†

<sup>5</sup> Eghti gumazitam arazir kurabar aning damusi damuti, avim aningın akamningın otogh, bar aningın apanibar isigh me gasighasigham. Kamaghin amizi, gumazir manam arazir kuramin aning damusi, an ovegham.

---

**11:2:** Ese 40:17-20, Dan 8:10, Lu 21:24, MAA 12:6, 13:5      **11:2:** Esekiel 40:17-20; Daniel 8:10; Luk 21:24; Akar Mogomem 12:6; 13:5

\* **11:2:** Akar Mogomem 11:2in faragha itir akam, ni Aposelbar Ingangaribar 21:30in gan. Akar Mogomem 11:2in akar igharazir kam, 42plan iakiniba, da 1,260plan arueba, o 3plan azeniba givazima uam akuam. Da 42plan iakiniba ko magh ghue. Ni Daniel 7:25 ko 12:7in gan. Ni akar Kantrin Igharazibar Gumazamiziba Jerusalem dikabirazimin gansiva, Luk 21:24in gan.      **11:3:** MAA 12:6, 19:10, 20:4

**11:3:** Akar Mogomem 12:6; 19:10; 20:4  
**11:4:** Jer 11:16, Sek 4:11-14      **11:4:** Jeremaia 11:16; Sekaraia 4:11-14      † **11:4:** Ni Sekaraia 4:1-5, ko 4:10-14, ko Akar Mogomem 1:12in gan.      **11:5:** Wkp 10:2, 2 Sml 22:9, 2 Kin 1:10-12, Sng 97:3, Jer 5:14, Hos 6:5      **11:5:** Ofa Gami 10:2; 2 Samuel 22:9; 2 Atriviba 1:10-12; Onger Akaba 97:3; Jeremaia 5:14; Hosea 6:5

<sup>6</sup> Aning overiamin aneghoroghamin gavgavim iti, egh aning Godin akamin gun mikimamin dughiamin, aning mikimti, amozim dughiar kamın izan kogham. Eghti aning dipabar amuti, da bar ghuzimin otivamin gavgavim iti. Aning uaghan bizir kurar igharazibar amuti, da nguazimin gumazamizibagh asighasighamim gavgavim iti. Dughiar kamın, aning bizir kabara amuti da aning ifongezi moghin otivam.

<sup>7</sup> Aning Godin akamin gun migeir ingangarim agivaghti, mozir torir bar konezimin itir asizir atiam, a torim ategh anangam. Egh an aning ko misoghiva, aning abiragh aning misueghti aning aremegham.

<sup>8</sup> Eghti aningın kuamning nguibar ekıar kamın tuavir ekiamın irıghıv ikiam. E akar ısın zuımın a dibora ghaze, Sodom o Isip. Nguibar kamra me fomıra gumazir kamningın Ekiam, ter ıghuvımın a gafugha a misoghezi an areme.

<sup>9</sup> Gumazamizir mikarzir igharagha gariba, men marazi ko anababa bar, dar gumazamizir maba ko nguibabar akaba bar, dar gumazamizir maba ko kantriba bar, dar gumazamiziba, men marazi dughiar 3pla ko akuamin aningın kuamningın ganam. Egh aningın kuamning afan anogoregham.

---

**11:6:** Kis 7:17-19, 1 Sml 4:8, 1 Kin 17:1    **11:6:** Ua Me Ini 7:17-19; 1 Samuel 4:8; 1 Atriviba 17:1    **11:7:** Dan 7:7, 7:21, Sek 14:2, Lu 13:32, MAA 9:2, 12:17, 13:1, 13:5-7, 13:11, 17:8    **11:7:** Daniel 7:7; 7:21; Sekaraia 14:2; Luk 13:32; Akar Mogomem 9:2; 12:17; 13:1; 13:5-7; 13:11; 17:8    **11:8:** Ais 1:9-10, Lu 13:34, Hi 13:12, MAA 14:8, 18:10, 18:24    **11:8:** Aisaia 1:9-10; Luk 13:34; Hibru 13:12; Akar Mogomem 14:8; 18:10; 18:24

10 Nguazimın gumazamiziba kamaghın mikim suam, Godın akam inigha izir gumazir kamning, aning mizazir bar kuram nguazimın gumazamizibagh aningi. Kamaghın amizi, me bar aningın ovevem gifuegham, egh bar ighiabar amu, damıva, egh bizir aghuiba uan namakabar aningam.

11 Ezi 3plan dughiaba ko dughiar akuar kam gıvazi, God uam aning gamizıma, aning ua dikavigha tughav iti, ezi gumazamizir aningın ganiziba bar atiatingi.

12 Ezi aning orazi tiarir mam Godın Nguibamın kamaghın aning mıgei, “Gua kagh anang.” Ezi aningın apaniba garavıra itima, aning Godın Nguibamın ghuavanabo.

13 Ezi dughiar kamra mikimkızir dafam otozi, God nguibar ekiamın dipeniba 10plan okoruabar da tuirazi dar okoruar mam bar ikufi. Ezi 7,000plan gumazamiziba ariaghire, ezi ariaghirezir puvatıziba ikia, bar atiatigha Godın uan Nguibamın itimın ziam fe.

14 Iavzika, ia orakigh! Osimtızir bar ekiar namba 2, a gıfa. Ezi osimtızir bar ekiar namba 3, an otivasa bar roghıra izi.

### *Enselın namba 7 uan sıgham gıvi*

---

**11:10:** MAA 12:12, 13:8, 16:10    **11:10:** Akar Mogomem 12:12; 13:8; 16:10    **11:11:** Ese 37:5-14, MAA 11:9    **11:11:** Esekiel 37:5-14; Akar Mogomem 11:9    **11:12:** 2 Kin 2:1, 2:5-7, 2:11, Ais 14:13, Ap 1:9, MAA 12:5    **11:12:** 2 Atriviba 2:1; 2:5-7; 2:11; Aisaia 14:13; Aposel 1:9; Akar Mogomem 12:5    **11:13:** MAA 6:12, 8:5, 14:7, 16:9, 16:18    **11:13:** Akar Mogomem 6:12; 8:5; 14:7; 16:9; 16:18    **11:14:** MAA 8:13, 9:12, 15:1    **11:14:** Akar Mogomem 8:13; 9:12; 15:1

<sup>15</sup> Ezi enselin namba 7 uan sigham givima,  
Godin Nguibamin itir darazi tiariba akara ghaze:

“En Ekiam ko an Gumazir a Gumazamiziba Ua Me  
Iniasa Misevezim,  
aning datirighin nguazir kam gativagha an  
gari.

Egh aning atrivimin iki  
mamaghira ikiam.”‡

<sup>16</sup> Ezi 24plan gumazir dapanir Godin guamin  
uan atrivir dabirabibagh apiaziba, me teviba  
apirigha uan guaba nguazim mituagha Godin  
ziam fe.

<sup>17</sup> Egha ghaze:

“Ekiam, ni Godin Gavgaviba Bar Itim.

Ni bar fomira ikia  
egha iza datirighin uaghan iti.

Ni uan gavgavir ekiam inigha  
egha datirighin atrivimin iti.

Kamaghin amizi, e ni minabi.

<sup>18</sup> Kantrin Igharazibar Gumazamiziba bar

---

**11:15:** Kis 15:18, Sng 10:16, Ais 27:13, Dan 2:44, 7:14, 7:27, Oba 21, MAA 10:7, 12:10, 19:6    **11:15:** Ua Me Ini 15:18; Onger Akaba 10:16; Aisaia 27:13; Daniel 2:44; 7:14; 7:27; Obadia 1:21; Akar Mogomem 10:7; 12:10; 19:6    ‡ **11:15:** Grighin akamin, Gumazir God Gumazamiziba Ua Me Iniasa Misevezim, me kamaghin a dibora ghaze, Kraiss.    **11:16:** MAA 4:4, 4:10, 5:8, 19:4    **11:16:** Akar Mogomem 4:4; 4:10; 5:8; 19:4    **11:17:** MAA 1:4, 1:8, 4:8, 15:3, 16:5, 19:6    **11:17:** Akar Mogomem 1:4; 1:8; 4:8; 15:3; 16:5; 19:6    **11:18:** Sng 2:1, 2:5, 46:6, 110:5, 115:13, Dan 7:9-10, Ro 2:5, MAA 6:10, 10:7, 13:10, 18:6, 19:5, 20:11-13    **11:18:** Onger Akaba 2:1; 2:5; 46:6; 110:5; 115:13; Daniel 7:9-10; Rom 2:5; Akar Mogomem 6:10; 10:7; 13:10; 18:6; 19:5; 20:11-13

puviram atari,  
 ezi nin aningagharim otogha gifa.  
 God gumazamizir ovengeziba tuisighamin  
 dughiam  
 otogha gifa.  
 Kar dughiar nin ingangarir gumazamizir nin  
 akam inigha izeziba,  
 me uan ivezir aghuim iniamim.  
 Gumazamizir nin atiatia egha nin ziamin apengan  
 itiba,  
 gumazamizir ziaba itiba ko ziaba puvatiziba  
 uakan.  
 Eghti gumazamizir nguazimin itir gumazamiz-  
 ibagh asighasiziba,  
 God uaghan me gasighasigham.”

19 24plan gumazir dapaniba mikemegha  
 givazima, Godin Dipenir an Nguibamin itim  
 kuiagherizima, me garima, Akar Dikirizir  
 Gavgavim itir Boksiam Godin Dipenimin aven  
 iti. Ezi overiamin onimariba taghtagha tintinibar  
 zuima, niginir dafam otozi, arariba dagarvasi, ezi  
 mikimkizim otozi amozir ofizir ekiar dagiabar  
 min gariba iri.

## **Satan uan adarazi ko bar ikufi**

### **12**

*(Sapta 12--20)*

*Jon gara, amizim ko kuruzir ekiamin gari*



<sup>1</sup> Ezi overiamin pin bizir bar igharagha garim oto. Amizir mam, an aruemin angazangarim korotiamin min aneru, ezi iakinim an suemningin apengan iti, ezi dapanir asuar mikovezir 12pla itim, an dapanimin iti.

<sup>2</sup> Amizir kam navim asegha borim batasava amua mizazim isava arai.

<sup>3</sup> Ezi overiamin bizir igharagha garir igharazim oto, maburan kuruzir agheviri mam, a dapanir 7pla ikia, egha 10plan komba ikia, egha 7plan atrivimin dapanir asuaba vaghavagha an dapanibar iti.

<sup>4</sup> Kuruzir kam overiamin itir mikoveziba 3plan okoruabar da taira, egha okoruar mam pamtem uan ipemin dar vigha da makunizima da iza nguazim gire. Kuruzim ghaze, amizim borim bateghtima an anemasa, kamaghin kuruzim amizimin guamin tughav iti.

<sup>5</sup> Ezi amizim otarim bate, otarir God misevezim, a ainin aghorir gavgavimin suiraghiva gumazamiziba mighvira me gativagham. Ezi an otarim me zuamira a inigha Godin atrivir dabirabimin anefasava a inigha ghuavanabo.

<sup>6</sup> Ezi amizir kam ara gumazamiziba puvatizir danganimin ghu. Danganir kam God a bagha anakiri, eghti a kagh 1,260plan dughiabar iki akurvazim ini ikiam.

---

**12:2:** Ais 66:7, Ga 4:19    **12:2:** Aisaia 66:7; Galesia 4:19    **12:3:** Dan 7:7, MAA 13:1, 17:3, 17:9    **12:3:** Daniel 7:7; Akar Mogomem 13:1; 17:3; 17:9    **12:4:** Dan 8:10, MAA 9:10, 17:18    **12:4:** Daniel 8:10; Akar Mogomem 9:10; 17:8    **12:5:** Sng 2:9, Ais 7:14, 66:7, MAA 2:27, 19:15    **12:5:** Onger Akaba 2:9; Aisaia 7:14; 66:7; Akar Mogomem 2:27; 19:15    **12:6:** MAA 11:2-3, 12:4    **12:6:** Akar Mogomem 11:2-3; 12:4

<sup>7</sup> Ezi datirighin maburan midorozim Godin Nguibamin pin oto. Maikel uan enselba ko kuruzir kam misosi, ezi kuruzir ekiam uan enselba ko men midorozim ikarvasi.

<sup>8</sup> Egha kuruzir kam gavgaviba puvatigha Godin Nguibamin uan danganim ataki.

<sup>9</sup> Ezi Maikelin enselba kuruzir ekiam akunizi a izaghira iri. Kar kuruzir fomira itim, me Satan a garisi egha uaghan an ziar mam, “Gumazir Akam Gumamazibagh asim.” A gumazir nguazimin itir gumamazibagh ifarim, a datirighin uan enselba ko iza nguazim giri.

<sup>10</sup> Ezi ki Godin Nguibamin tiarir ekiar mam barazi a kamaghin migei:

“Gumazir Godin guamin tugha dimagariba ko aruebar en adarazi akam me gasim,  
me anakunizi a nguazimin iraghu.  
Kamaghin amizi, datirighin God uan gumamazibar akurvasi,  
ezi an gavgavim bar azenim girizi,  
A Bizibagh Ativir Dughiam otogha gifa!  
Ezi an Gumazir God Gumamazibaba Ua Me Iniasa Misevezim,  
uan gavgavim inigha gumamazibar akazi,  
me an apengan iti!

<sup>11</sup> Kraisin adarasi, dughiar gumamazibaba me

---

**12:7:** Dan 10:13, 10:21, 12:1, Ju 9, MAA 20:2    **12:7:** Daniel 10:13; 10:21; 12:1; Jut 1:9; Akar Mogomem 20:2    **12:9:** Stt 3:1, 3:4, 3:14, Lu 10:18, 22:31, Jo 12:31, MAA 9:1, 20:2-3    **12:9:** Jenesis 3:1; 3:4; 3:14; Luk 10:18; 22:31; Jon 12:31; Akar Mogomem 9:1; 20:2-3  
**12:10:** Jop 9-11, Sek 3:1, MAA 11:15, 19:1    **12:10:** Jop 1:9-11; Sekaraia 3:1; Akar Mogomem 11:15; 19:1    **12:11:** Lu 14:26, Ro 8:33-34, 8:37    **12:11:** Luk 14:26; Rom 8:37; 16:19-20

misozima me ariaghirim,  
dughiar kamın me uan mıkarzibagh nighnızir  
pu.

Bar puvati.

Me ghaze, pura bizim.

Kamaghın amizi, me Sipsipin Nguzimın ghuzim ko  
guizin akar me gun migeimın,  
me Satanın misuegha anebira.

<sup>12</sup> Kamagh amizi, ia Godın Nguibam ko an itir  
darazi bar,  
ia bar akongegh!

Ezi nguazim ko ongarim,  
guavzika,

gua bar ikuvigham.

Satan fo, a ikiamin dughiam bar otefe,  
kamaghın amizi a guan aningaghi  
gua gasighasighasa gua bagha izaghiri.

Kamaghın amizi, guan aven itir darasi,  
iavzika.”

<sup>13</sup> Ezi kuruzim fo, me anekunizi a nguazimın  
iraghu, egha amizir otarim batezir kamın agıra.

<sup>14</sup> God kamaghsua, amizim azenir 3pla ko  
akuamın gumazamiziba puvatızir danganimın  
ikıva, egh a kagh akurvazim iniam. Kamaghın  
amizi, a mighegh danganir God a bagha dikırızir  
kamın mangasa, God kuarazir anebar ekiamın  
avızimning a ganıngi.

---

**12:12:** Ais 44:23, 49:13, MAA 8:13, 10:6, 11:10, 18:20    **12:12:** Ai-  
saia 44:23; 49:13; Akar Mogomem 8:13; 10:6; 11:10; 18:20    **12:14:**  
Dan 7:25, 12:7, MAA 12:6, 17:3    **12:14:** Daniel 7:25; 12:7; Akar  
Mogomem 12:6; 17:3

<sup>15</sup> Kuruzim kamaghsua, aperiar ekiam amizim inigh mangigham. Egha kamaghın uan akamın dıpar ekiamın miki, ezi dıpar kam aperiar ekiamın mın ivegha amizimın gın zui.

<sup>16</sup> Ezi nguazim amizimın akurvagha, akam akarigha dıpar kuruzim mighizir kam tui.

<sup>17</sup> Kamagh amizi, kuruzim puvıram amizim atara ghua an borir igharaziba ko misoghasa, kar Godın Akar Gavgavıbar gın zuir darazi ko İesusın akamın gun mıgeıba.

<sup>18</sup> Egha kuruzim ongarir dadarımın tughav iti.

## 13

### *Asızir atiar pumuning oto*

<sup>1</sup> Ezi kı garima asızir atiar mam ongarımın otogha anadı. A dapanir 7pla iti, ezi komın 10pla an dapanıbar iti. Ezi 10plan atrivimın dapanir asuaba vaghvagha an 10plan kombar iti. Ezi an dapanıba vaghvagha Godın ziamın tiraghtirazir ziaba dar iti.

<sup>2</sup> Asızir atiar kı datırighın garir kam, a kaziar atiar ekiar me kamaghın dıborim lepat, an an mın gari. Ezi an sueba, asızir atiar kurar me kamaghın dıborim bea, an an suebar mın gari. Ezi an akam laionın akamın mın gari. Ezi asızir atiar kam, kuruzim uan gavgavim ko atrivir dabirabim ko bizibagh atıvamin gavgavir ekiam a ganıngi.

---

**12:15:** Ais 59:19    **12:15:** Aisıa 59:19    **12:17:** Stt 3:15, 1 Ko 2:1, 1 Jo 5:10, MAA 11:7, 13:7, 14:12, 20:4    **12:17:** İenesıs 3:15; 1 Jon 5:10; Akar Mogomem 11:7; 13:7; 14:12; 20:4    **13:1:** Dan 7:2-3, 7:7, MAA 12:3, 17:3, 17:7-12    **13:1:** Daniel 7:2-3; 7:7; Akar Mogomem 12:3; 17:3; 17:7-12    **13:2:** Dan 7:4-6, MAA 12:4, 12:9, 16:10    **13:2:** Daniel 7:4-6; Akar Mogomem 12:4; 12:9; 16:10

<sup>3</sup> Nan ganganimin asizir atiar kamın dapanir mam, me a birazi a duam atigha atam aremeghai, ezi an duam ua ikiri. Ezi nguazimin itir gumazamiziba bar digavir kuram gamigha asizir atiar kamın gin zui.

<sup>4</sup> Gumazamiziba fo, kuruzim uan gavgavim isa asizir atiam ganingi, kamaghın amizi me kuruzimin ziam fe. Egha uaghan asizir atiar kamın ziam fa ghaze, “Gumazitam asizir atiar kamın mın gavgavim itir puvati! Gumazitam a ko misoghan kogham!”

<sup>5</sup> God asizir atiamın amamangatizi, an akam God gasava Godın ziamın tiraghtirazir gavgavim ikia, ghua 42plan iakinibar tu.

<sup>6</sup> Egha uan akamın God ko Godın ziam ko Godın Nguibam, ko an Nguibamın itir darazi sara, men tira.

<sup>7</sup> Ezi God an amamangatizima, a Godın gumazamiziba ko midorozim gamua, egha me abira. God gavgavir ekiam a ganingi, ezi an anababa bar dar gumazamiziba, ko mikarzir igharagha gariba bar, ko vaghvagha nguibabar akabav geir gumazamiziba, ko kantriba bar dar gumazamiziba, a me gativaghamin gavgavim iti.

---

**13:3:** MAA 13:12-14, 17:8    **13:3:** Akar Mogomem 13:12-14; 17:8  
**13:4:** MAA 18:18    **13:4:** Akar Mogomem 18:18    **13:5:** MAA 11:2, 12:6    **13:5:** Akar Mogomem 11:2; 12:6    **13:5:** Daniel 7:8; 7:25; 11:36    **13:6:** MAA 12:12    **13:6:** Akar Mogomem 12:12  
**13:7:** Dan 7:21, MAA 11:7, 11:18, 12:17, 17:15    **13:7:** Daniel 7:21; Akar Mogomem 11:7; 11:18; 12:17; 17:15

<sup>8</sup> Eghti nguazimın itir gumazamiziba asızir atiar kamın ziam fam. Fomıra, nguazir kam tıghar otivamin dughiamın, God gumazamizir ikirimirir zurara itim iniamın ziaba akinafarımın aven da osiri. Akinafarir kam, kar me fomıra misoghezi aremezir Sipsipın Nguzimın akinafarım. Eghti gumazamizir kabara, me asızir atiamın ziam fan kogham.

<sup>9</sup> “Tina kuarimning iti, an oragh.

<sup>10</sup> Eghti gumazitam kalabusın mangisi, God amamangatıghti,  
a kalabusın mangi.

Eghti gumazitam midorozir sabamın ovengsi, God an amamangatıghti,  
a midorozir sabamın ovengam.

Bizir kaba otivtima,  
Godın gumazamiziba nıghnızir gavgavım iki tugh gavgavigh mamaghıra iki.”

<sup>11</sup> Egha ki asızir atiar igharazir mamın garima, a nguazimın anagav oto. Egha an dapanımın komın pumuning sipsipın nguzimın komın mın gari. Egha a kuruzir ekiam mıgei moghıra mıgei.

<sup>12</sup> Ezi asızir atiar namba 2ın kam, asızir atiar faragha izezimın gavgavımın biziba bar dagh ami. Egha nguazim ko an itir gumazamizibagh amima,

---

**13:8:** Kis 32:32, Sng 69:28, Dan 12:1, Fl 4:3, MAA 3:5, 5:6, 17:8, 20:12-15, 21:27    **13:8:** Ua Me Ini 32:32; Onger Akaba 69:28; Daniel 12:1; Filipai 4:3; Akar Mogomem 3:5; 5:6; 17:8; 20:12-15; 21:27

**13:10:** Ais 33:1, Jer 15:2, 43:11, Mt 26:52, MAA 14:12    **13:10:** Aisaia 33:1; Jeremaia 15:2; 43:11; Matyu 26:52; Akar Mogomem 14:12    **13:11:** Akar Mogomem 11:7

me asizir atiar faragha zuimın ziam fe. Asizir atiar kam, faragha duam ikia aremeghasa amua egha duam ua ikiri.

<sup>13</sup> Ezi namba 2ın asizir atiar kam, arazarazir ekiar gumazamizibar navibagh inivamin aviribagh ami. Egha an amizir arazir mam kamakın, an avim gamizi a gumazamizibar damazibar overiam ategha izaghira nguazim giri.

<sup>14</sup> Ezi God asizir atiar namba 2ın amamangatizi, an arazarazir ekiabagh amizi da asizir atiar faragha zuimın guamın otifi. Ezi an amir arazarazir kabar, a nguazimın itir gumazamizibagh ifara me miğia ghaze, “İa asizir atiar faragha zuimın marvir guamın ingarigh an ziam fi.” Asizir atiar kam, me midorozir sabamın duam a gati, ezi a uam angamıra iti.

<sup>15</sup> God asizir atiar namba 2ın amamangatizi, an asizir atiar faragha zuimın marvir guar kam gamizi, an angamıra ikia bizibav gei. Kamaghın amizi gumazamizitaba, marvir guar kamın ziam fan aghuaghti, a mikemeghti me me misueghti me arimighiram.

<sup>16</sup> Gumazamiziba bar, a uaghan uan osizirim men agharir guviba o men guabar arıghasa pamten me gakaghorı. Me, gumazamizir kiniba

---

**13:13:** Lo 13:1-3, 1 Kin 18:24-39, 2 Kin 1:10-12, Mt 24:24, 2 Te

2:9 **13:13:** Godın Araziba 13:1-3; 1 Atriviba 18:24-39; 2 Atriviba 1:10-12; Matyu 24:24; 2 Tesalonika 2:9 **13:14:** Lo 13:1, 13:4, 2 Te

2:9-10, MAA 12:9, 19:20 **13:14:** Godın Araziba 13:1; 2 Tesalonika 2:9-10; Akar Mogomem 12:9; 19:20 **13:15:** Dan 3:4-6, MAA 16:

2, 19:20, 20:4 **13:15:** Daniel 3:4-6; Akar Mogomem 16:2; 19:20;

20:4 **13:16:** MAA 14:9, 19:20, 20:4 **13:16:** Akar Mogomem

14:9; 19:20; 20:4

ko gumazamizir ziaba itiba ko, biziba puvatiziba ko, bizir aviriba itiba ko, pura ingangarir gumazamiziba ko gumazitamın apengan itir puvatizir gumazamiziba, me bar osizirim ini.

<sup>17</sup> Kamaghın amizi, gumazitam osizirir kam ikian kogh, egh uan biziba amang egh uaghan men bizibagh ivezan kogham. Osizirir kam, an asizir atiamın ziam, o an ziamın aven itir mogomer namba.

<sup>18</sup> Gumazim Godın fofozim ikıva, deravıra bizir kam gifogham. Gumazim fofozir aghuim iki, egh deravıra asizir atiamın namba tuisighıva a buriam. Kar gumazir mamın ziamın namba. An namba kara, 666.\*

## 14

### *Sipsipın Nguzimın gumazamiziba ighiar igiam gami*

<sup>1</sup> Ezi ki ua gari, Sipsipın Nguzim Saionın Mighsiamın tughav iti. Ezi 144,000ın

**13:17:** MAA 14:9-11, 15:2, 16:2, 19:20, 20:4 **13:17:** Akar Mogomem 14:9-11; 15:2; 16:2; 19:20; 20:4 **13:18:** MAA 15:2,

17:9, 21:17 **13:18:** Akar Mogomem 15:2; 17:9 \* **13:18:** Me

fomıra, Hibrun akam ko Grighın akamın osira, egha nambaba osirir puvati. Me osirir letaba, maba nambabar mın iti. Men leta “a,” a mati namba 1, ezi leta “b,” mati namba 2, egha da dibora kamaghıra zui. Eghti gumazitam ziatam osirti, ni ziar kamin letabar gan, egh namban ababanir an ziamın mırara zuiba akuvaghti, an ziam otogham. Ezi fofozir gumazir maba namban kam 666, me nighnızir bar aviribar a gami. Egha fofozir gumazir bar avirim ghaze, Jon ti Sisar Neron migei. A Romın atrivir mam, a faragha Kraisin adarazigh asighasiki. **14:1:** Ese 9:4, MAA 3:12, 5:6, 7:3-4, 13:16 **14:1:** Esekiel 9:4; Akar Mogomem 3:12; 5:6; 7:3-4; 13:16



gumazamiziba a ko tuivighav iti. Ezi Sipsipin Nguzimin ziam ko an afeziamin ziamin osizirim men guabar iti.

<sup>2</sup> Ezi ki orazi, tiarir mam Godin Nguibamin migei, ezi an migirigiaba mati dipar ekiaba puvira nidi moghin nidi, egha mati arariba dagarvazi moghin dagarvasi, egha mati gumazamiziba uan gitabav sozi moghin, pamten migei.

<sup>3</sup> Ezi 144,000in gumazamiziba, me Godin atrivir dabirabim ko 4plan bizir angamira itiba ko gumazir dapaniba, me men guamin tuivighav ikia ighiar igiar mam gami. Me nguazir kam in gumamazir God ua ivezeziba, merara ighiar igiar kam gifo. Gumamazir igharazitaba ua ighiar igiar kam gifoghan kogham.

<sup>4</sup> Ezi gumamazir 144,000in kaba amizitaba isa da ko akua egha arazir kuratam gamigha Godin damazimin mizezir puvati. Me bar zuegha iti. Me Sipsipin Nguzim aruir daroribar gara darara gin zui. God nguazimin gumamazibar tongin 144,000plan gumamazir kaba ua me givese. Ezi me, God ko Sipsipin Nguzim aning bagha faraghavira inabazir gumamazibara. Eghti me

---

**14:2:** Ese 1:24, 43:2, MAA 1:15, 5:8, 19:6      **14:2:** Esekiel 1:24; 43:2; Akar Mogomem 1:15; 5:8; 19:6      **14:3:** Sng 149:1, Ais 42:10, MAA 5:9, 7:4, 15:3      **14:3:** Onger Akaba 149:1; Aisaia 42:10; Akar Mogomem 5:9; 7:4; 15:3      **14:4:** 2 Ko 11:2, Ef 5:27, Je 1:18, MAA 3:4, 5:9      **14:4:** 2 Korin 11:2; Efesus 5:27; Jems 1:18; Akar Mogomem 3:4; 5:9

aningin adarazir min ikiam.\*

<sup>5</sup> Men akatoribar ifavaritam otozir puvati. Ezi gumazamizir igharaziba akatam me gasir puvati.

*Enselin 3pla akam akuri*

<sup>6</sup> Ezi ki enselin igharazimin garima an overiamin pin mighegha zui. A nguazimin itir gumazamiziba ko, gumazamizir kantriba bar dar itiba ko, anababa bar ko, nguibabar akaba bar ko, mikarzir igharagha gariba bar, a me bagha zurara itir Akar Aghuim akunasa mighegha zui.

<sup>7</sup> Egha a pamten kamaghin migei, “God gumazamizibar arazibar tuisighamin dughiam bar roghira ize. Kamaghin amizi, ia Godin atiating, egh ziar ekiam a daning. Ia, overiam ko nguazim ko ongarim ko nguazimin aven ivemarir dipabar ingarizir God, an ziam fi.”

<sup>8</sup> Ezi enselin an girara irir mam iza ghaze, “Babilonin nguibar ekiam bar ikufi! Guizbangira a ikuvigha givazi gumazitam an itir puvati. Babilonin Nguibar Ekiar kamra gumazamizibagh amizi, me a ko arazir uari bakia akuir arazir kurar

---

\* **14:4:** Vezin kam, Grighin akam guizbangira ghaze, me gumazamiziba uari ko akuir arazim gamizir puvati. Ezi fofozir gumazir avirim ghaze, a gumazamizir deravira God ifongezir arazibar gin zuimin akar isin zuim migei. Me arazir kurar guar aviribagh amizir puvati. **14:5:** Sng 32:2, Sef 3:13, Ef 5:27 **14:5:** Onger Akaba 32:2; Sefanaia 3:13; Efesus 5:27 **14:6:** Ef 3:9-11, MAA 8:13, 13:7 **14:6:** Efesus 3:9-11; Akar Mogomem 8:13; 13:7 **14:7:** Neh 9:6, Sng 124:8, Ap 17:24, MAA 10:6, 15:4 **14:7:** Nehemia 9:6; Onger Akaba 124:8; Aposel 17:24; Akar Mogomem 10:6; 15:4 **14:8:** Ais 21:9, Jer 51:8, MAA 17:2, 18:2-3, 18:21, 19:2 **14:8:** Aisaia 21:9; Jeremaia 51:8; Akar Mogomem 17:2; 18:2-3; 18:21; 19:2

gavgavibagh ami, mati me wainin gavgavim me ganingizi, me aneme.”†

<sup>9</sup> Ezi enselin mizezim aningın gın iza pamten dia ghaze, “Gumazitam asizir atiar kam ko an marvir guam, aningın ziam fi, egh an namba uan guam o agharimin a inighiva,

<sup>10</sup> a uaghan wainin igharagha garim amam. Wainin kamnang, a Godin aningagharim. God faragh wainin kam dipatam a gisin a ingeghti an gavgavitaba gıvaghan kogham. Bar puvati. An aningagharir arazimin, arazir kuraba ikarvazir kap gingeghtima gumazamizir kaba aneremam. Egh Sipsipin Nguzimin damazim ko Godin enselbar damazimin, gumazamizir kaba avim ko salfan dagiar avimin mızazir ekiam iniam.

<sup>11</sup> Ezi avir mızazim me ganidir kam, an mıgharim pin ghuavanang mamaghıra ikiam. Gumazamizir asizir atiam ko an marvir guamin ziam feba o an namba iniziba, dimagariba ko

---

† **14:8:** Babilonın nguibar ekiam fomıra ikuvigha itima, Jon gın Akar Mogomemın akınafarir kam osiri. Kamaghın amizi, fofozir gumazir avirim ghaze, a guizbangıra Babilonın mıgeir puvati. Me ghaze, a Babilon fomıra amizir arazir kurabagh nıghnisi, egha kantrin gavgavir igharaziba, arazibagh amuava egha Godin apanim gamizibar akar isin zuimin mıgei. Ezi marazi ghaze, a Romın Kantri mıgei. (Nı 1 Pita sapta 5:13ın gan.) Ezi marazi ghaze, ziar kam Babilon, a gumazamizir Kraıs ko an adarasi, men apanim gamiba. **14:9:** MAA 13:12-17 **14:9:** Akar Mogomem 13:12-17 **14:10:** Stt 19:24, Sng 11:6, 75:8, Ais 51:17, Jer 25:15, Ese 38:22, MAA 15:7, 16:19, 18:6, 19:20, 20:10, 21:8 **14:10:** Jenesis 19:24; Onger Akaba 11:6; 75:8; Aisaia 51:17; Jeremaia 25:15; Esekiel 38:22; Akar Mogomem 15:7; 16:19; 18:6; 19:20; 20:10; 21:8 **14:11:** Ais 34:10, MAA 13:12-17, 19:3 **14:11:** Aisaia 34:10; Akar Mogomem 13:12-17; 19:3

aruebar avughsan kogham.”

<sup>12</sup> Eghti arazir kaba otivtima, Godin gumazamiziba tugh gavgafigh. Me gumazamizir Godin Akar Gavgavibar gin zuiba ko, nighnizir gavgavim Iesusin ikiavira itiba.

<sup>13</sup> Ezi ki Godin Nguibamin tiarir mam barazima, a kamaghin migei, “Ni akam kamaghin an osirigh. Datirighin ikegh mangi, gumazamizir nighnizir gavgavim Ekiamin ikia egh gin ovengamiba, me bar akongegh.” Ezi Godin Duam uaghan ghaze, “Bar guizbangira. Me amir ingangarir osimtizir kam ategh, egh mangi avughsi. Egh me pura mangan kogham. Puvati. Arazir aghuir me amiziba men gin mangiti God kotiamin dar ganam. Kamagh amizi, me bar akongegh.”

*God abuan gumazamiziba tuisighamin dughamin akar isin zum*

<sup>14</sup> Ezi ki gari, ghuariar ghurghurir mam iti, ezi gumazir mam Gumazamizibar Otaramin min gara ghuariar ghurghurir kam gaperaghav iti. Ezi golin dapanir asuam an dapanimin iti, ezi an dafarimin a sabar ikizirizir bar ghumtizimin suira.‡

<sup>15</sup> Ezi enselin igharazir mam Godin Dipenimin ikegha iza, gumazir ghuariar ghurghurim gaperaghav itim, tiarir ekiamin an dia ghaze,

---

**14:12:** MAA 12:17, 13:10      **14:12:** Akar Mogomem 12:17; 13:10

**14:13:** 1 Ko 15:23, 15:58, 1 Te 4:16, 2 Te 1:7, Hi 4:10, MAA 20:6

**14:13:** 1 Korin 15:23; 15:58; 1 Tesalonika 4:16; 2 Tesalonika 1:7; Hibru 4:10; Akar Mogomem 20:6      **14:14:** Ese 1:26, Dan 7:13, MAA 6:2

**14:14:** Esekiel 1:26; Daniel 7:13; Akar Mogomem 6:2      ‡ **14:14:** Ni akar Daniel 7:13in itimin gan.      **14:15:** Jer 51:33, Jol 3:13, MAA 14:18, 16:17

**14:15:** Jeremaia 51:33; Joel 3:13; Akar Mogomem 14:18; 16:17

“Nguazimın dagheba bar anigha gifa, ezi dagher kaba aghoramin dughiam a datirighın oto. Kamaghın amizi, ni uan sabar ikizirizim inigh, daghebar aghor.”

<sup>16</sup> Ezi gumazir ghuariar ghurghurim gaperazim, uan sabar ikizirizim nguazimın a ighengezi, dagher andızir nguazimın itiba dighoraghiri.

<sup>17</sup> Ezi enselin igharazir mam Godın Nguibamın an dipenimın ikegha azenan izi, egha uaghan sabar ghumtizir mam iti.

<sup>18</sup> Ezi enselin igharazir mam ofa gamir dakozim ategha izi, kar enselin avimın garim. Egha a enselin sabar ghumtizimın suiraghav itimın diagha ghaze, “Wainın oviziba anigha gifa. Kamaghın amizi, ni uan sabar ghumtizim inigh nguazimın wainın oviziba kuar egh danganir vamıra dar pozim mıkın.”

<sup>19</sup> Ezi enselin kam uan sabam inigha nguazimın a ighengezima, nguazimın wainın oviziba bar kuaraghire. Ezi a da isa dar pozim mıkiri, egha da isa dagiar miner bar ekiamın da akuni. Eghti me da mirmiram. Wainın oviziba mirmiramın miner ekiar kam, a God gumazamizibar aningaghamin arazim aka.

<sup>20</sup> Ezi me dagiar miner ekiar kamın wainın oviziba nguibar ekiamın azenan da mirmiri. Ezi ghuzim dagiar minemın azenan iza, aperiamin mın ghua 300 kilomitan tu. Ezi ghuzimın konim

---

**14:18:** Jol 3:13, MAA 16:8    **14:18:** Joel 3:13; Akar Mogomem 16:8

**14:19:** MAA 19:15    **14:19:** Akar Mogomem 19:15    **14:20:** Ais 63:3, Kra 1:15, Hi 13:12, MAA 11:8, 19:14-15    **14:20:** Aisaia 63:3; Azir Akam 1:15; Hibru 13:12; Akar Mogomem 11:8; 19:14-15

anaga mitan pumuningin boroghin tu. §

## 15

### *Enselin 7pla bizir bar kurar 7plan suiki*

<sup>1</sup> Ezi ki Godin Nguibamin gari, bizir igharagha garim otifi, ezi ki bar digavir kuram gami. Ki 7plan enselbar gari, me ikia egha 7plan bizir bar kurar gumazamizibagh asighasizibar suiki. Eghti 7plan bizir kurar kaba givaghti, ua igharaziba otivan kogham, kamaghin amizi, bizir kurar 7plan kabanangin gin, Godin aningagharim bar givagham.

<sup>2</sup> Ezi ki bizir ekiar mamın gari, a mati ongarir ekiam me glas ko avim sara an ingari. Gumazamiziba faragha asizir atiar kam ko an marvir guam, ko an ziamın namba, me dav sogha da abini. Egha me datirighin ongarir glasın mın garir kamın mırıamın tuivighav ikia, egha God me ganingizir gitabar suiki.\*

---

§ **14:20:** Fofozir gumazir avirim ghaze, nguibar ekiar kam a Jerusalemra. Me Grighin akamın namban kam osiri, “1,600 stadia,” ezi an dibobonim, en 300 kilomitan mın ghu. E deravira fozir puvati, e dibori moghin 300 kilomitan namban kam, a 1,600in dibobonim ko aning magh ghuzi, o kar bizir igharazimın abanımın dibobonim. **15:1:** Wkp 26:21, MAA 12:1-3, 14:10, 15:6-7, 21:9 **15:1:** Ofa Gami 26:21; Akar Mogomem 12:1-3; 14:10; 15:6-7; 21:9 **15:2:** MAA 4:6, 5:8, 13:15-17, 14:2, 21:18 **15:2:** Akar Mogomem 4:6; 5:8; 13:15-17; 14:2; 21:18 \* **15:2:** Saptan kamın migirigiar avirim, da Moses osirizir eghaghaniba ko magh ghue. Moses Isip bagha asighasighasa aningagharim gamizi an oto. Israelia ongarim a bigha Isipba ategha vongin ongarir dadarımın tuivaghavira ikia, egha Moses Israelia ko me ighiar mam gamua egha Ekiamın ziam fe. (Ni Ua Me Ini 15in gan.)

<sup>3</sup> Egha me Godin ingangarir gumazim, Moses ko Sipsipin Nguzim, me aningin ighiam gamua kamaghin migei:

“Ekiam God, ni Godin Gavgaviba Bar Itim!  
 Ni arazarazir igharagha garir ekiabagh ami,  
 ezi e dar gara  
 digavir kurabagh ami!  
 Gumazamiziba bar ni men atrivim!  
 Nin araziba, da bar deragha  
 bar guizbangira!

<sup>4</sup> Ekiam ni uabira guizbangira God.  
 Eghti gumazamiziba bar nin atiating  
 ziar ekiam ni daning.  
 Nin arazir aghuiba bar azenim girigha gifa,  
 kamaghin amizi, kantriba bar dar gumaza-  
 miziba bar izi  
 ni bagh teviba apir  
 nin ziam fam.”

<sup>5</sup> Bizir kamın gın ki ua gari, Godin Dipenim, a Godin Nguibamın Purirpenim, a kuiaghiri. Kar Godin Akar Dikirizir Gavgavim aven itir Purirpenim.†

---

**15:3:** Kis 15:1, Lo 31:30, Sng 92:5, 111:2, 139:14, 145:17, MAA 11:17, 14:3, 16:7    **15:3:** Ua Me Ini 15:1; Godin Araziba 31:30; Onger Akaba 92:5; 111:2; 139:14; 145:17; Akar Mogomem 11:17; 14:3; 16:7

**15:4:** Sng 86:9, Ais 66:23, Jer 10:7    **15:4:** Onger Akaba 86:9; Aisaia 66:23; Jeremaia 10:7    **15:5:** Kis 38:21    **15:5:** Ua Me Ini 38:21    † **15:5:** Migirigiar kam a Bar Anogoroghezir Danganimin gun migei. Godin Akar Dikirizir Gavgavimin Boksiam, a Bar Anogoroghezir Danganimin aven ikia, egha Godin Purirpenimin aven iti. Ni Ua Me Ini 40:1-33in gan.

<sup>6</sup> Ezi enselin 7plan kaba, bizir bar kurar 7plan gumazamizibagh asighasighamiba suigha Godin Dipenim ategha azenan izi. Me inir igiar bar zuruzir dafoziba ike. Egha golin letiaba uan evariba kuamigha da ike.

<sup>7</sup> Ezi 4plan bizir angamira itibar mav, 7plan golin itariba inigha enselin 7pla ganingi. Golin itarir 7plan kabanagh, Godin Zurara Itimin aningagharir arazim dagh izifa.

<sup>8</sup> Ezi Godin Dipenim, an angazangarim ko an gavgavimin migharim, bar a gizifa. Kamaghin amizi gumazitam dipenimin aven mangan kogham. Me kamaghira iki mangi 7plan enselba, 7plan bizir bar kurar gumazamizibagh asighasighamin ingangarim givagham.

## 16

### *Enselba Godin aningagharir 7plan itaribar itiba nguazim ginge*

<sup>1</sup> Ezi ki tiarir ekiar mam barazi, a Godin Dipenimin otogha kamaghin 7plan enselbav gei, “Ia Godin aningagharir arazir 7plan itaribar itiba inigh mangi nguazimin da ingi.”

---

**15:6:** MAA 15:1    **15:6:** Akar Mogomem 15:1    **15:7:** 2 Te 1:9, MAA 4:6, 4:9, 10:6, 14:10    **15:7:** 2 Tesalonika 1:9; Akar Mogomem 4:6; 4:9; 10:6; 14:10    **15:8:** Kis 40:34, 1 Kin 8:10-11, 2 Sto 5:13-14, Ais 6:4, Ese 44:4, 2 Te 1:9    **15:8:** Ua Me Ini 40:34; 1 Atriviba 8:10-11; 2 Eghaghaniba 5:13-14; Aisaia 6:4; Esekiel 44:4; 2 Tesalonika 1:9  
**16:1:** Sng 69:24, Ais 66:6, Jer 10:25, Ese 22:31, Sef 3:8, MAA 14:10, 15:1, 15:7, 16:17    **16:1:** Onger Akaba 69:24; Jeremaia 10:25; Esekiel 22:31; Sefanaia 3:8; Akar Mogomem 14:10; 15:1; 15:7; 16:17



<sup>2</sup> Ezi enselin faragha zuim, uan itarir Godin aningagharim izivazim inigha ghua nguazimin a inge, ezi duar bar igharagha garir kurar gavgav-iba, gumazamizir asizir atiamin namba itiba ko an marvir guamin ziam feba, men mikarzipar otifi.

<sup>3</sup> Ezi namba 2 ensel uan itarim ongarim gingezi, ongarim gumazir aremezir kuamin ghuzimin min oto. Ezi bizir angamira an itiba, da bar ariaghire.

<sup>4</sup> Ezi namba 3 ensel uan itarim faneba ko dipar atuibagh inge. Ezi dipar kaba bar moghira ghuzimin min oto.

<sup>5</sup> Ezi ki orazi, enselin dipabar garim kamaghin migei:

“God, ni datirighin ikia, egha uaghan faragha ike.

Ni Godin Bar Zuezim.

Nin araziba bar derazi

arazir kuratam nin itir puvati.

Ni gumazamizibar arazir kuraba tuisigha

da ikarvagha ivezir kuram me ganingi,

ezi nin arazir kam

a guizin arazim.

<sup>6</sup> Gumazir kaba nin akam inigha izir gumazamiz-iba ko nin gumazamizibav soghezi

---

**16:2:** Kis 9:10, Lo 28:35, MAA 8:7, 13:12-17      **16:2:** Ua Me Ini 9:10; Godin Araziba 28:35; Akar Mogomem 8:7; 13:12-17      **16:3:**

Kis 7:17-21, MAA 8:8-9      **16:3:** Ua Me Ini 7:17-21; Akar Mogomem

8:8-9      **16:4:** Kis 7:17-21, Sng 78:44, MAA 8:10      **16:4:** Ua Me

Ini 7:17-21; Onger Akaba 78:44; Akar Mogomem 8:10      **16:5:** Sng

119:137, MAA 1:4, 1:8, 11:17, 15:3      **16:5:** Onger Akaba 119:137;

Akar Mogomem 1:4; 1:8; 11:17; 15:3      **16:6:** Sng 79:3, Ais 49:26,

Mt 23:34-35, MAA 11:18, 13:15, 18:20      **16:6:** Onger Akaba 79:3;

Aisaia 49:26; Matyu 23:34-35; Akar Mogomem 11:18; 13:15; 18:20

men ghuziba irezi me ariaghire.  
 Ezi ni ghuzim gumazir kurar kabagh aningizi,  
 me aneremam.  
 Ghuzir me apir kam,  
 men arazir kurar me amiziba ikarvaghham.”

<sup>7</sup> Ezi ki orazi tiarir mam Godin ofa gamir dakozimin aven otogha pamten diagha ghaze:

“Ekiam, ni Godin Gavgaviba Bar Itim.

Ni kotin gumazamizibar araziba bar  
 guizbangira da tuisisi,  
 ezi nin kotiam a bar guizbangira ghua  
 egha bar dera.”

<sup>8</sup> Ezi namba 4 ensel uan itarim aruem ginge, ezi God aruemin amamangatizi an avim pamten isia puvira gumazamizibar isi.

<sup>9</sup> Aruemin avir gavgavir kam bar puvira isia, egha puvira gumazamizir kabar mikarzibar isi. Ezi me bar puvira Godin ziam gasighasigha a migei, kar bizir kurar kabar garir Godin gavgavim itim. Egha me uan navibagh iragha an ziam fer puvati.

<sup>10-11</sup> Ezi enselin namba 5 uan itarim asizir atiamin atrivir dabirabim ginge. Ezi mitatem gumazamizir an gavgavimin apengan itiba avara. Ezi me uan duaba ko mizazir men mikarzibar

---

**16:7:** Sng 19:9, MAA 13:10, 15:3, 16:14, 19:2    **16:7:** Onger Akaba 19:9; Akar Mogomem 15:3; 19:2    **16:8:** MAA 8:12, 14:18    **16:8:** Akar Mogomem 8:12; 14:18    **16:9:** Dan 5:22-23, MAA 9:20-21, 11:13, 14:7, 16:21    **16:9:** Daniel 5:22-23; Akar Mogomem 9:20-21; 11:13; 16:21    **16:10-11:** Ua Me Ini 10:21-22; Aisaia 8:22; Akar Mogomem 9:2; 9:20-21; 11:10; 13:2; 16:21

otiviba bagha nighnigha, Godin uan Nguibamin itimin ziam gasighasigha migei. Ezi mizazir me isim a bar men ikufi, kamaghin amizi me uan mizebagh ivi. Egha me uan arazir kurar me amiba bagha uan navibagh irazir puvati.

<sup>12</sup> Ezi enselin namba 6 uan itarim Yufretisin Faner ekiam ginge. Ezi an dipam bar moghira dake, egha aruem anadi naghin atrivir izamiba bagha tuavim ati.

<sup>13</sup> Ezi ki gari, duar kurar 3plan mitivibar min gariba, da asizir atiam ko, kuruzir ekiam ko akar ifavariba akurir gumazim, da vaghvagha men akatoribar otifi.\*

<sup>14</sup> Duar bar kurar kaba arazarazir igharagha garibagh ami da otiva, nguazimin itir kantriba bar dar atriviba bagha, tintinibar zui. Me atrivibar amuti me uan midorozir gumaziba inigh izi me akuvasa. Eghti Godin Gavgaviba Bar Itim gumazamiziba tuisighamin dughiar ekiamin, me midorozim damuam.

---

**16:12:** Ais 11:15, 41:2, 41:25, Jer 50:38, MAA 9:14    **16:12:** Aisaia 11:15; 41:2; 41:25; Jeremaia 50:38; Akar Mogomem 9:14    **16:13:** 1 Jo 4:1-3, MAA 12:3, 12:9, 19:20, 20:10    **16:13:** 1 Jon 4:1-3; Akar Mogomem 12:3; 12:9; 19:20; 20:10    \* **16:13:** Akar ifavariba akurir gumazim, an asizir atiar namba 2in ababanim. A faragha itir asizir atiamin akar ifavariba akurir gumazim. A gumazamizibav geima, me asizir atiar faragh itimin marvir guamin ziam fe. Ni Akar Mogomem 13:11-16in gan.    **16:14:** 2 Te 2:9, 1 Ti 4:1, Je 3:15, MAA 16:7, 17:14, 19:6, 19:15, 19:19-20    **16:14:** 2 Tesalonika 2:9; 1 Timoti 4:1; Jems 3:15; Akar Mogomem 17:14; 19:15; 19:19-20

15 “Ia orakigh! Ki, okimakiar gumazimin min izam, a izir dughiam ia a gifozir puvatizi moghin, ki zuamira otogham. Kamagh amizi, gumazim akuir puvatigha, uan korotiaba uabin boroghin da arisi, a bibiamra daruan kogham, eghti gumazamiziba an ganti, an aghumsighan kogham. Kamaghin amizi, gumazir kam bar akongegh.”†

16 Ezi duar kuraba atriviba inigha iza danganir kamın me akufa, me Hibrun akamın kamaghın danganir kam dibori, Armagedon.‡

17 Ezi namba 7 ensel uan itarim overiamın a inge. Ezi Godın Dipenimın aven tiarir ekiar mam Godın atrivir dabirabimın otogha kamaghın pamten migei, “Biziba bar gifa.”

18 Ezi overiamın onimariba taghtagha zuima, niginir dafam overiamın otozi, arariba dagarvasi,

---

**16:15:** Mt 24:43-44, Lu 12:39-40, 2 Ko 5:3, 1 Te 5:2, 2 Pi 3:10, MAA 3:3, 3:18    **16:15:** Matyu 24:43-44; Luk 12:39-40; 2 Korin 5:3; 1 Tesalonika 5:2; 2 Pita 3:10; Akar Mogomem 3:3; 3:18    † **16:15:** Ves 15in kam, kar Kraiss Iesus uabi mikemezir akam.    **16:16:** Het 5:19, Sek 12:11, MAA 19:19    **16:16:** Gumazir Dapaniba 5:19; Sekaraia 12:11; Akar Mogomem 19:19    ‡ **16:16:** Ziar kam Armagedon kamakin, “Megidon Mighsiam.” Fomira apaniba Israelia ko uariv sogha egha Atrivim Josaia misoghezi an areme. Me Megidon nguibar ekiamın boroghira itima bizir kam oto. (Ni 2 Atriviba 23:29-30 ko 2 Eghaghaniba 35:20-24in gan.) Kamaghın amizi, fofozir gumazir maba ghaze, ziar kam Megido bighavira migeir puvati. Me ghaze, an akar isin zuimin midorozir gumaziba mangamin danganim migei. Egh me mangi bar ikuvigh egh bar ovengam.    **16:17:** MAA 16:1    **16:17:** Akar Mogomem 16:1    **16:18:** Dan 12:1, MAA 4:5, 8:5, 11:13, 11:19    **16:18:** Daniel 12:1; Akar Mogomem 4:5; 8:5; 11:13; 11:19

ezi mikimkizir ekiam oto. Kar mikimkizir bar ekiam, fomira gumamaziziba otozir dughiamin iza datirighin tu, mikimkizir ekiam kamagh gari-tam fomira otozir puvati.

<sup>19</sup> Ezi Babilonin nguibar ekiam biaghiregha 3plan okoruabar otifi, ezi gumamazizibar nguibaba bar moghira ikufi. God Babilonin nguibar ekiamin arazir kuram ginighnigha, egha a gamizi a uan wainin kap bar aneme, kar Godin aningagharir arazimin wainin kap.

<sup>20</sup> Ezi arighatiziba bar arav ghue, ezi mighsiatam ua itir puvati.

<sup>21</sup> Amozir ofizir ekiaba dagiabar min izaghiri. Ezi amozir ofizir dagiar kaba vaghvagh, dar osimtiziba 50 kilogremin iti. Amozir dagiar kaba overiamin izaghira gumamazizibagh isin ira bar me gasighasisi. Ezi bizir kurar kam bagha me Godin ziam gasighasigha migei.

## 17

### *Arazir kurabagh amir amizim ivezir kuram isi*

<sup>1</sup> Ezi 7plan enselin itarir 7plan suighizir kabanangin mav iza kamaghin na migei, "Ni kagh izi. Eghti ki amizir ivezir kuram iniamim, nin akaghasa. Amizir kam, arazir kurabagh amir

---

**16:19:** Ais 51:17, Jer 25:15-16, MAA 14:8-10, 17:18, 18:5    **16:19:** Aisaia 51:17; Jeremaia 25:15-16; Akar Mogomem 14:8-10; 17:18; 18:5    **16:20:** MAA 6:14    **16:20:** Akar Mogomem 6:14    **16:21:** Kis 9:23-24, MAA 11:19, 16:9-11    **16:21:** Ua Me Ini 9:23-24; Akar Mogomem 11:19; 16:9-11    **17:1:** Jer 51:12-13, MAA 16:19, 17:15, 18:16, 21:9    **17:1:** Jeremaia 51:12-13; Akar Mogomem 16:19; 17:15; 18:16; 21:9

amizim, a dipar ekiar aviribagh isin apiav itir amizim.

<sup>2</sup> Nguazimin atriviba arazir mizirizir bar kurar aviriba amizir kam ko dagh ami. Ezi nguazimin gumamaziziba uaghan a ko arazir bar mizirizibagh amua, mati gumazim wainin avirim amezi moghin ongani.”\*

<sup>3</sup> Ezi Godin Duam pamtem nan ingarima, ki irebamın mın bizimın gari, ensel na inigha gumamaziziba puvatizir danganimın ghu. Ezi danganir kamın ki amizir mamın garima an asizir atiar aghevir mam gisin aperaghav iti. Asizir atiar kamın mikarzim osizirir aviriba an iti, ezi osizirir kabanagh Godin ziam gasighasisi. Asizir atiar kam 7plan dapaniba iti, ezi 10plan komba an dapanibar iti.

<sup>4</sup> Amizir kam korotiar aghuibaram aghui, dar ganganim aghevim ko pighaghevim. Ezi golin digirir bar aghuiba ko, me dagiar aghuibar ingarizir digiriba ko, manmaniar ghurghurir dagiaba pin koziba, amizir kamın mikarzim gizifa. Egha a uan dafarimın golin kavın mam suirazi, kavın kamın aven bar kurigha mughazir

---

**17:2:** Ais 23:17, Jer 51:7, MAA 14:8, 18:3      **17:2:** Aisaia 23:17; Jeremaia 51:7; Akar Mogomem 14:8; 18:3      \* **17:2:** Gumamaziziba arazir bar mizirizibagh amir arazir kamın akam, a gumamazizir God ataghizir arazimın ababanım, egha aseba ko arazir kurar igharazibar gin zui. Egha Godin damazimın, a mati gumazim uabi uan amuim ategha, ghua gumamaziziba uari isava akua amir arazim gami.      **17:3:** MAA 12:3, 12:6, 12:14, 13:1, 17:9, 17:12      **17:3:** Akar Mogomem 12:3; 12:6; 12:14; 13:1; 17:9; 17:12      **17:4:** Jer 51:7, Ese 28:13-16, Dan 11:38, MAA 14:8, 18:6, 18:12, 18:16      **17:4:** Jeremaia 51:7; Esekiel 28:13-16; Daniel 11:38; Akar Mogomem 14:8; 18:6; 18:12; 18:16

araziba ko, gumazamiziba tintinibar uari bakia amir arazir bar mizirizir kuraba, a gizifa.

<sup>5</sup> Ezi amizir kamın guam, me ziar mam osiri, ziar kamın mingarim modoghav iti. Ezi an mingarim kamakın:

“Babilonın nguibar ekiar gavgavim itim,  
ni, nguazimın itir arazir bar kuraba ko  
amizir gumaziba okia me ko akua arazir  
mizirizibagh amiba,  
ni men amebam.”

<sup>6</sup> Ezi ki gari, amizir kam Godın gumazamizibar ghuziba amegha dipar onganiba amezi moghin ongani. Gumazamizir kaba, me nighnizir gavgavim Iesusin ikia an akam akuri, ezi me me misoghezi me ariaghire.

Ki amizir kamın ganigha digavir kuram gamigha pura nighnisi.

<sup>7</sup> Ezi ensel kamaghın na migei, “Ni tizim bagha digavir kuram gami? Amizir kam ko asizir atiar anetera zuim, a 7plan dapaniba ko 10plan komba iti, aningın akar mogomemın mingarim, ki nın akagham.

<sup>8</sup> Asizir atiar ni faragha ganizir kam, a faragha ike, egha datirighın ua itir puvati. Egh a mozir bar konezim ategh azenan iziti, God a gasighasigham.

---

**17:5:** 2 Te 2:7, MAA 14:8, 16:19, 18:2, 18:9-10, 19:2      **17:5:** 2  
Tesalonika 2:7; Akar Mogomem 14:8; 16:19; 18:2; 18:9-10; 19:2

**17:6:** MAA 12:11, 13:15, 16:6, 18:24, 19:2      **17:6:** Akar Mogomem  
12:11; 13:15; 16:6; 18:24; 19:2      **17:7:** MAA 13:1      **17:7:** Akar  
Mogomem 13:1      **17:8:** Sng 69:28, Dan 7:7, 12:1, MAA 11:7,  
13:1-3, 13:8-10      **17:8:** Onger Akaba 69:28; Daniel 7:7; 12:1; Akar  
Mogomem 11:7; 13:1-3; 13:8-10

God tighar nguazimın ingaramın dughiam, a gumamazir mabar ziaba akinafarir zurara itimın aven da osirizir puvati. Gumamazir kaba asızir atiar kamın ganıgh dıgavir kuram damuam. Me fo, a fomıra ike, egha datırıghın itir puvati, egh a gın uamategh otivam.

<sup>9</sup> “Gumazim Godın fofozir aghuim ikıva, egh bizir kam deragh a gifogham. 7plan dapanir kaba, kar mıghsıar 7pla, ezi amızim 7plan mıghsıabagh isin aperaghav iti.†

<sup>10</sup> Egha da uaghan 7plan atrivibar ababanım gami. 5pla ariaghiregha gıfa, ezi vamıra atrivimın ikiavıra iti, ezi ıgharazir abuananam tıghar otivam; an otoghıva bar dughıar otevimra ikiam.

<sup>11</sup> Asızir atiar kam, a fomıra ike, egha datırıghın itir puvati, a namba 8 atrivimın ababanım. Egha a 7plan atrivibar mav, God a gasıghasightı a bar gıvaghıam.

<sup>12</sup> “Ezi 10plan komın nı ganizıba da 10plan atrivibar ababanıba. Me tıghar atrivibar otivam. Me bizıbagh atıvamin gavgavım inıgh, asızir atiar kam ko dughıar bar otevimrama atrivibar ikegham.

<sup>13</sup> Atrivir kaba nıghnızir vamıra ikiam, egh uan gavgavıba ko zıar ekiaba isi asızir atıamra danıngam.

<sup>14</sup> Egh me Sipsipın Nguzim ko mısogham, eghti

---

**17:9:** MAA 13:1, 13:18      **17:9:** Akar Mogomem 13:1; 13:18

† **17:9:** Gumazıba Romın nguıbar ekiam, 7plan mıghsıabagh isin an ingari.      **17:12:** Dan 7:24, Sek 1:18-21, MAA 13:1      **17:12:** Daniel 7:24; Sekaraia 1:18-21; Akar Mogomem 13:1      **17:14:** Jer 50:44-45, 1 Ti 6:15, MAA 16:14, 19:19      **17:14:** Jeremaia 50:44-45; 1 Timoti 6:15; Akar Mogomem 16:14; 19:19



Sipsipin Nguzim me gasighasigh me abiragham. Gumazamizir Sipsipin Nguzim ko itiba, God me amisevegha, men diazima me guizin akamin gin ghua tuivigha gavgavigha midorozir kam gami. Sipsipin Nguzim, a guizbangira Gumazamizir Ekiabar Gumazir Ekiam ko Atrivibar Atrivir Ekiam. Kamaghin amizi, a me abiragham.”

<sup>15</sup> Ezi ensel kamaghin na migei, “Dipar ni ganizir kabanang, amizir arazir kurabagh amim dagh isin aperaghav iti, dar mingarimra kara: da mikarzir igharagha gariba ko, dakoziba bar dar gumazamiziba ko, kantriba bar dar gumazamiziba ko, vaghvagha akabav geir gumazamiziba.

<sup>16</sup> Asizir atiam ko 10plan komin ni ganizir kabanang, arazir kurabagh amir amizimin apanim damuam. Me an biziba bar da inigh, egh an koro tiaba bar da suegh, an mikarzim in tuziba bar dar amegh, egh avimin a daboroghtima a bar moghira isigham.

<sup>17</sup> God uabi me ganingizir nighnizir kam, a me damuti biziba otivam. Kamaghin amizi me nighnizir vamira iki, egh atrivimin ikiamin gavgaviba bar da isi asizir atiam daningam. Me kamaghin damu mangiti Godin akam mikemezir biziba, da guizin otivamin dughiam otogham.

<sup>18</sup> Ezi amizir ni ganizim, a nguazir kamin atriviba bar dar garir nguibar ekiamin ababanim.”

---

**17:15:** Ais 8:7, Jer 47:2, MAA 13:7      **17:15:** Aisaia 8:7; Jeremaia 47:2; Akar Mogomem 13:7      **17:16:** Jer 50:41-42, Ese 16:37, MAA 18:8, 18:16      **17:16:** Jeremaia 50:41-42; Esekiel 16:37; Akar Mogomem 18:8; 18:16      **17:17:** 2 Te 2:11, MAA 10:7      **17:17:** 2 Tesalonika 2:11; Akar Mogomem 10:7      **17:18:** MAA 12:4, 16:19  
**17:18:** Akar Mogomem 12:4; 16:19

# 18

## *Babilon bar moghira ikufi*

<sup>1</sup> Bizir kamın gın ki enselin igharazimın garima a Godın Nguibam ategha izaghiri. A bar gavgavir ekiam iti, ezi an angazangarir gavgavim nguazim bar a gisira.

<sup>2</sup> A pamten diagha kamaghın miği:

“Babilonın nguibar ekiam ikuvigha gıfa!

A bar ikufi!

Ezi datirighın duar kuraba ko adariar mızırızir kuraba ko kuarazir mızırıziba ko kuarazir kuraba,

darara an iti.

<sup>3</sup> Nguazimın nguibaba bar,

me an wainın kap uari bakia akuava amir arazir kuraba izivazim ame.

Ezi nguazimın atriviba

a ko arazir mızırızir bar kurabagh ami.

Ezi biziba amaga dagh ivezir gumaziba,

me an afiar arazir bar ikvıtızibar amodoghın dagıar avırıba uari bagha da isi.

Kamaghın amizi, amizir kam bar ikufi.”

<sup>4</sup> Ezi ki Godın Nguibamın otivir tiarir igharazir mam barazi, a kamaghın miği:

---

**18:1:** Ese 43:2, MAA 17:1      **18:1:** Esekiel 43:2; Akar Mogomem 17:1      **18:2:** Ais 13:21, 14:23, 21:9, 34:11, Jer 50:39, 51:8, MAA 14:8      **18:2:** Aisaia 13:21; 14:23; 21:9; 34:11; Jeremaia 50:39; 51:8; Akar Mogomem 14:8      **18:3:** Ais 23:17, 47:15, Jer 51:7, MAA 14:8, 17:2, 18:11, 18:15      **18:3:** Aisaia 23:17; 47:15; Jeremaia 51:7; Akar Mogomem 14:8; 17:2; 18:11; 18:15      **18:4:** Ais 48:20, Jer 50:8, 51:6, 51:45, 2 Ko 6:17      **18:4:** Aisaia 48:20; Jeremaia 50:8; 51:6; 51:45; 2 Korin 6:17

“Ia nan gumamaziziba, ia nguibar kam ategh  
 azenan izi.

Egh an amir arazir kuraba uaghan dar amuan  
 marki.

God an arazir kurabar ikarvaghamin dughiam,  
 ia uaghan an aven ikian marki!

<sup>5</sup> A uabi uan arazir kurabar pozim mikirav iti,  
 da ghuavanaga Godin Nguibamin oto.

Ezi God an amizir arazir kurabagh  
 nighnighavira iti.

<sup>6</sup> Ia amizir kam gumamazizibagh amizir arazir  
 kuraba bagh

ivezir magh garimra a ikaragh.

An arazir kuraba, da bar aviraseme,  
 kamaghira ia an arazir kurabar ivezim isa-  
 furaghiva

bar a daningigh.

A dipar onganir gavgavimin kap isa  
 gumamaziziba bagha a inge,

kamaghira ia dipar gavgavir onganim  
 uam a isafuragh

a bagh kap gingegh a daningigh.

<sup>7</sup> A uavira kamagh uabin migia ghaze,

‘Ki atrivir amizim,

egha atrivir dabirabim gaperaghav iti.

Ki amizir odiarimin min itir puvati,

eghti osimtiziba na bativan koghti,

ki azian kogham!’

---

**18:5:** Stt 18:20-21, Jer 51:9, MAA 16:19      **18:5:** Jenesis 18:20-21;  
 Jeremaia 51:9; Akar Mogomem 16:19      **18:6:** Sng 137:8, Jer 50:15,  
 50:29, 51:24, 51:49, 2 Te 1:6, MAA 14:10, 16:19      **18:6:** Onger Akaba  
 137:8; Jeremaia 50:15; 50:29; 51:24; 51:49; 2 Tesalonika 1:6; Akar  
 Mogomem 14:10; 16:19      **18:7:** Aisaia 47:7-9

A uabi uan ziar gavgavim fa  
 egha arazir mizirizir aviribagh amua,  
 egha arazir kurar igharaziba saram ami.  
 Kamaghin amizi, ia mizazir kurar ekiam ko  
 osimtizir bar ekiam a daningh,  
 mangi an amir arazibar ikegh mangi tuzi  
 naghram, a daning.

<sup>8</sup> Amizir kam Babilon, uan ziar gavgavim fe,  
 kamaghin amizi, dughiar bar otevir vamiran,  
 bizir bar kuraba bar a bativam.  
 Bizir kaba, arimariar ekiaba ko osimtizir ekiaba a  
 bativti  
 an azitima,  
 mitiriar ekiaba an agham.

Eghti avim an isigham.  
 Ekiam God an araziba tuisigha givagha ghaze,  
 ‘A ikuvigham.’  
 Godin kam gavgavir ekiam iti.  
 Kamagh amizi, bizir kurar aviriba  
 dughiar vamira bar moghram a bati-  
 vam.”

<sup>9</sup> “Nguazimin atriviba a ko arazir mizirizibagh  
 amua, egha uaghan a ko arazir kurar igharagha  
 garibagh ami. Egh atrivir kabanagh an ganti  
 avir migharim an otoghtima, me a bagh naviba  
 osemegh egh a bagh aziam.

<sup>10</sup> Egh me mizazir ekiar a isir kamın ganigh,

---

**18:8:** Jer 50:34, MAA 11:17, 17:16, 18:10    **18:8:** Jeremaia 50:34;  
 Akar Mogomem 11:17; 17:16; 18:10    **18:9:** Jer 50:46, Ese 27:30-35,  
 MAA 17:2, 18:3, 18:18, 19:3    **18:9:** Jeremaia 50:46; Esekiel  
 27:30-35; Akar Mogomem 17:2; 18:3; 18:18; 19:3    **18:9:** Esekiel  
 26:16-17    **18:10:** Ais 21:9, Dan 4:30, MAA 14:8, 18:17-19    **18:10:**  
 Aisaia 21:9; Daniel 4:30; Akar Mogomem 14:8; 18:17-19

atiatigh saghon tuivigh iki, kamaghin mikimam:

“Noka, Babilonin nguibar ekiam.

Noka!

Ni nguibar ekiar gavgavim itim!

Nin arazir kurabar ivezir kuram dughiar ote-  
vimra  
ni bagha ize.’

<sup>11</sup> “Eghti biziba amaga dagh ivezir gumazamizir nguazimin itiba, me Babilon ginighnigh a bagh aziva, naviba bar osemegham. Me gari, gumazamizir men dagiaba bagh amadir bizibagh ivezamiba ua itir puvati, kamaghin me oseme.

<sup>12</sup> Me dagiaba bagha amadir bizibar kara, gol ko silva ko, dagiar aghuiba ko manmaniar iveziba bar pin koziba; ko inir ghurghurir aghuiba ko inir pighagheviri aghuiba ko inir slika ko inir agheviba, ko men temer mughuriar aghuir igharagha gariba ko bizir me elefanin ataribar ingariziba ko, bizir me temer iveziba bar pin itibar ingariziba ko, bras ko ain ko, dagiar aghuir digiriba itiba.

<sup>13</sup> Bizir me amaga dagiaba isir igharaziba uaghan iti, adar kara, sinamon ko, apir iriziba ko, pauran mughuriar aghuim gamim ko, gris in igharagha garir mughuriar aghuiba zuiba ko, sandan aghuim ko, wain ko, wel ko, plauan aghuim ko witba; men bulmakauba ko, sipsipba ko hoziaba ko dar karisba ko, pura ingangarir gumazamizir kiniba, me dagiaba bagha men

---

**18:11:** Ese 27:31, 27:36    **18:11:** Esekiel 27:31; 27:36    **18:12:**  
MAA 17:4    **18:12:** Akar Mogomem 17:4    **18:12:** Esekiel  
27:12-13; 27:22

ikirim̄iriba amadi. Bizir kaba bar, gumazamizir dagh ivezamiba puvati.

<sup>14</sup>“Gumazamizir biziba amaga dagh ivezir kaba kamagh̄in a mik̄imam, ‘Bizir aghuir ni iniasa navim dikavim, datirigh̄in da bar n̄in saghuiam̄in ikiam. Bizir bar aghuir avirir iveziba bar p̄in koziba ko ni asingizir bizir ganganir aghuiba, da bar ovengeght̄i ni ua dar ganam kogham!’

<sup>15</sup>Eght̄i gumazamizir nguibar ekiam uan bizir kaba amaga daḡiar aviriba isiba, tuivigh a isir m̄izazir ekiam kam̄in ganam. Egh bar atiatigh azi, naviba bar osemegh saghon tuivigh, egh kamagh̄ mik̄imam:

<sup>16</sup>“Noka, Babilon̄in nguibar ekiam.

Noka!

A fomira korotiar ghurghurir aghuiba ko inir p̄ighagheviba ko inir aghev̄ir aghuiba aghua,

egha uan m̄ikarzim golba ko daḡiar aghuiba ko manmaniar bar p̄in kozibar anedi!

<sup>17</sup>Ezi daḡiaba ko dirir aghuir an itir kaba dugh̄iar bar otevimra bar ikufi!’

“Eght̄i kuribar keptenba ko, gumazir kuribagh arua nguibar igharazibagh aruiba ko, kuribar ingangarir gumaziba ko gumazir ongarim̄in daḡiar ingangaribagh amiba, me bar moghira uaghan Babilon̄in saghon tuivigh ikiam.

---

**18:15:** Ese 27:31, 27:36    **18:15:** Esekiel 27:31; 27:36    **18:16:** MAA 17:4    **18:16:** Akar Mogomem 17:4    **18:17:** Ais 23:14, Ese 27:26-30    **18:17:** Aisaia 23:14; Esekiel 27:26-30

18 Eghti Babilon isiti an migharim otivtima me an gan, kamaghin dim mikimam, 'Nguibar datirighin itir manamra, nguibar ekiar kamin min gari? Bar puvati!'

19 Egh me uan osimtizim akaghasa nguazir minemniaba inigh uan dapanibagh isin da kun, naviba bar osemegh egh aziva, kamaghin dim mikimam:

“Noka, Babilonin nguibar ekiam.

Noka!

Ongarim garuir kuribar afeziaba,  
me nguibar ekiar kamin dagiabar,  
dagiabar gumazir ekiabar otifi.

Mevzika!

A dughiar otevimrama bar ikufi!

20 Ia Godin Nguibamin itir darasi,  
ia bar akongegh!

Eghti ia Godin gumazamiziba ko aposelba ko  
Godin akam inigha izir gumazamiziba,  
ia bar akongegh!

Arazir kurar nguibar kam ia gamizim baghava,  
God a tuisigha givagha,  
uam an arazir kuram ikarvasi.

Kamaghin amizi, ia datirighin nguibar kam ba-  
tozir bizim bagh  
bar akongegh.’”

---

**18:18:** Ese 27:32, MAA 13:4      **18:18:** Esekiel 27:32; Akar Mogomem 13:4      **18:19:** 1 Sml 4:12, Ese 27:30-34      **18:19:** 1 Samuel 4:12; Esekiel 27:30-34      **18:20:** Lo 32:43, Ais 44:23, Jer 51:48      **18:20:** Godin Araziba 32:43; Aisaia 44:23; Jeremaia 51:48

21 Ezi miğiriğiar kaba givazıma, enselin gavgavir mam wit mirmirir dagiamın mın garir dagiar ekiam ini. Egha dagiar kam fegha a isa ongarımın anekunigha kamaghın miğei:

“Kamaghıra, me Babilonın nguibar ekiam inigh  
zuamıra pamtem anekunightı  
a bar magırigh bar ikuvightı,  
me uam an ganan kogham.

22 O Babilon!

Gitan arareba ko marvibar arareba ko,  
sighaba ko,  
ararer aghuir igharazir maba  
ua nın aven otivan kogham.

Eghtı fofozir gumazamizir ingangarir guar  
igharagha garibagh amiba,  
me ua nın ikian kogham!

Eghtı dagiar witba mirmirimın ararem  
ua nın aven otivan kogham!

23 Eghtı lamin angazangariba  
ua nın aven isian kogham.

Eghtı gumazamizir uarir ikiasa miğeir  
miğiriğiaba,  
da ua nın aven otivan kogham.

Nın gumazamizir fomıra dagiaba bagha biziba  
amadiba,

---

**18:21:** Jer 51:63-64, Ese 26:21, MAA 12:8, 16:20    **18:21:** Jeremaia 51:63-64; Esekiel 26:21; Akar Mogomem 12:8; 16:20    **18:22:** Ais 24:8, Jer 25:10, Ese 26:13    **18:22:** Aisaia 24:8; Jeremaia 25:10; Esekiel 26:13    **18:22:** Jeremaia 7:34; 25:10    **18:23:** Ais 23:8; 47:9, Jer 16:9, 33:11, Nah 3:4, MAA 17:2, 17:5    **18:23:** Aisaia 23:8; 47:9; Jeremaia 16:9; 33:11; Nahum 3:4; Akar Mogomem 17:2; 17:5



gumazamizir igharazibar damatuzibar gumazamizir bar ekiabar otifis.  
 Ezi ni kantrin igharaziba bar dar gumamazibagh ifara  
 imezir igharagha garir aviribar ingari.  
<sup>24</sup> God nguibar kamın gari,  
 me an aven Godın akam inigha izir gumazamiziba ko an gumamazibav sozi  
 me ariaghire,  
 ezi a men ovevebar osımtızim ateri.  
 Ezi nguazımın gumazamiziba,  
 men apaniba me misoghezi me ariaghire,  
 osımtızir kaba bar, Babilonrama a da ateri.  
 Kamaghın amızı, God an osımtızir kaba ikarvagha a gasıghasısi.”

## 19

*Babilon bar ikuvizıma, Godın gumazamiziba bar akonge*

<sup>1</sup> Ezi bizir kabar gın ki orazi, niğınir dafam, gumazamizir bar avırımın mın Godın Nguibamın kamaghın dia miğei:

“E Godın ziam feka!  
 En God, gavgavim ko ziam iti,  
 a uabıra en Akurvazir Gumazim!”\*

---

**18:24:** Jer 51:49, Mt 23:35, MAA 17:6      **18:24:** Jeremaia 51:49; Matyu 23:35; Akar Mogomem 17:6      \* **19:1:** Jon akınafarir kam Grighın akam an osiri. Egha ves 19:1ın migirigiar otevir mam ko ves 3, ves 4, ves 6 uaghan, dar akar mam, a Hibrun akamın an osiri. Hibrun akamın a kamakın, “Aleluia.” Akar kamın mıngarım a kamakın, “E Godın ziam feka!”

<sup>2</sup> God gumamazibar araziba tuisizir arazim,  
 a guizbangira ghua bar dera!  
 Amizir gumaziba okia me ko akuim,  
 a nguazimın gumamazizibagh amizi, me a  
 koma arazir mizirizibagh ami,  
 ezi God a isa kot gatigha ghaze,  
 an aremegham.  
 Amizir kam Godın ingangarir gumamazizibav  
 soghezi  
 me ariaghire,  
 ezi God an osimtızir kam ikarvagha  
 osimtızir ekiam a ganingi.”

<sup>3</sup> Ezi me ua kamaghın dia ghaze:

“E Godın ziam feka!  
 Nguibar ekiar kamın isir avimın migharim  
 ghuavanang  
 zurara mamaghira ikiam!”

<sup>4</sup> Ezi 24plan gumazir dapaniba ko 4plan bizir  
 angamira itir kaba, teviba apirigha egħa Godın  
 uan atrivir dabirabimın aperaghav itimın ziam fe.  
 Egħa me kamaghın miġei:

“Bar guizbangira!  
 E an ziam fe!”

---

**19:2:** Lo 32:43, 2 Kin 9:7, MAA 6:10, 15:3, 16:7, 18:20    **19:2:** Godın  
 Araziba 32:43; 2 Atriviba 9:7; Akar Mogomem 6:10; 15:3; 16:7; 18:20  
**19:3:** Ais 34:10, MAA 14:11, 18:9, 18:18    **19:3:** Aisaia 34:10; Akar  
 Mogomem 14:11; 18:9; 18:18    **19:4:** Neh 8:6, MAA 4:2-6, 4:10, 5:14  
**19:4:** Nehemia 8:6; Akar Mogomem 4:2-6; 4:10; 5:14

<sup>5</sup> Ezi tiarir mam atrivimın dabirabimın iza kamaghın miğei:

“İa Godın ingangarir gumazamizir an atiatıava an apengan itıba,  
ia gumazamizir ziaba itıba ko ziaba pu-  
vatızıba,  
ia bar Godın ziam fi!”

*Sipsipın Nguzim amuimın ikiasava amima isar ekiam oto*

<sup>6</sup> Ezi ki niğınir ekiam barazi mati gumazamizir avırım uarı akuvagha miğei, egha mati dipar ekiam afora nıdi. Egha araribar mın pamten dagarvagha kamaghın miğei:

“En Ekiam God, a Godın Gavgavıba Bar İtim,  
datırıghın an atrivimın itı.  
Kamaghın amızı, e Godın ziam fam!

<sup>7</sup> Sipsipın Nguzim, amuimın ikiamın dughiam otogha gıfa,  
ezi an amuim uabı akırıgha gıfa.

Kamaghın amızı, e datırıghın navıba deragh bar akongegh,

---

**19:5:** Sng 22:23, 115:13, 134:1, 135:1 MAA 11:18, 20:12     **19:5:** Onger Akaba 22:23; 115:13; 134:1; 135:1; Akar Mogomem 11:18; 20:12     **19:6:** Sng 93:1, 97:1, 99:1, Ese 1:24, MAA 11:15-17, 14:2, 15:3, 21:2     **19:6:** Onger Akaba 93:1; 97:1; 99:1; Esekiel 1:24; Akar Mogomem 11:15-17; 14:2; 15:3; 21:2     **19:7:** Mt 22:2, 25:10, Ef 5:32, MAA 21:2, 21:9     **19:7:** Matyu 22:2; 25:10; Efesus 5:32; Akar Mogomem 21:2; 21:9

an ziam fam!†

8 Amizir kam, God korotiar ghurghurir bar  
 aghuim a ganingi,  
 korotiar kam bar zuegha  
 an dirim dafogha isi.”

(Korotiar ghurghurir kam, a Godin gumazamiz-  
 ibar arazir aghuir me Godin damazimin amiba,  
 dar ababanim gami.)

9 Ezi ensel kamaghin na migei, “Ni akar kam  
 kamaghin an osir: God Sipsipin Nguzir amuimin  
 ikiamin dabirabim bagha diazir gumazamiziba,  
 me bar akongegh!” Egha kamaghin ua na migei,  
 “Akar kaba, da Godin guizin akaba.”

10 Ezi ki an suemningin boroghin tevimning  
 apirigha an ziam fasa. Ezi a kamaghin na migei,  
 “Ni mamaghin damuan marki! Ki, ni ko nin aveg-  
 hbuar nighnizir gavgavim Iesus kunizir akabar  
 itiba, ki ia ko e ingangarir vamiram ami. God  
 uabira, ni an ziam fi.”

E fo, akar Iesus kunizimra, a gumazamizibar

---

† **19:7:** Sipsipin Nguzir kam an amuimin ikiasa, a Kraistra. Ezi  
 amizir a ikiasa inabazir kam, kar Kraisin sios. Eghti dughiar Krai-  
 s ua iziva egh uan sios iniamim, a kamakin, aning uaningin iti.  
 Egh a uan siosin gumazamiziba me inigh uan Nguibar aghuimin  
 mangam. Eghti me Krai ko deraghvira iki mamaghira ikiam.

**19:8:** Sng 45:13-14, Ais 61:10, Ese 16:10     **19:8:** Onger Akaba  
 45:13-14; Aisaia 61:10; Esekiel 16:10     **19:9:** Mt 22:2-3, Lu 14:15-16,  
 MAA 21:5     **19:9:** Matyu 22:2-3; Luk 14:15-16; Akar Mogomem  
 21:5     **19:10:** Ap 10:25-26, 1 Jo 5:10, MAA 22:6-9     **19:10:** Aposel  
 10:25-26; 1 Jon 5:10; Akar Mogomem 22:6-9

nighniziba fema, me Godin akam inigha izi.‡

*Jon hoziar ghurghurim gaperazir gumazimin gari*

<sup>11</sup> Ki gari, Godin Nguibam kuiagherizi, hoziar ghurghurir mam iti. Gumazir hoziar kam gisin aperaghav itim, an ziamning kamakin, “Gumazir dughiaba bar God baghavira itim,” ko “Gumazir uan akar dikiriziba migeima da otivim.” A gumazamizibar araziba deravira da tuisigha, midorozim fora arazir aghuimra gin ghua a gami.

<sup>12</sup> Ezi an damazimning mati avir mizariar gavgavimin min pamtem isi, ezi atrivimin dapanir asuar aviriba an dapanimin iti. Ezi an mikarzim ziar mam an iti, ezi gumazamizir igharaziba a gifozir puvati. A uabira ziar kam gifo.

<sup>13</sup> Ezi korotiar ruarir an aruzim, ghuzim a gizifa, ezi me ziar kam in a dibori, “Godin akam.”

<sup>14</sup> Ezi Godin Nguibamin midorozir gumaziba korotiar ghurghurir aghuiba aghuigha hoziar ghurghuribagh apiagha an gin zui.

---

‡ **19:10:** Grighin akam vezin kam deravira anebigha a migeir puvati. Gumazir maba kamaghin migirigiar kam geghari, “Ki uaghan ni ko nin aveghbuaba ko ingangarir gumazir mam. Kar ia ikizir nighnizir gavgavim Iesusin ikiava an ziamin gun migeim. Ia God uabira an ziam fi. E fo, Godin Duam akam inigha izir gumazamizibar, Godin akam kunasa men nighniziba fe. A Iesusin ziamin gun mikimasa gumazamizibar akurvasi.” **19:11:** Sng 96:13, Ais 11:4, Ese 1:1, MAA 1:5, 3:14, 6:2, 15:5 **19:11:** Onger Akaba 96:13; Aisaia 11:4; Esekiel 1:1; Akar Mogomem 1:5; 3:14; 6:2; 15:5 **19:12:** Dan 10:6, MAA 1:14, 2:17-18, 19:16 **19:12:** Daniel 10:6; Akar Mogomem 1:14; 2:17-18; 19:16 **19:13:** Ais 63:1-3, Jo 1:1, 1:14, 1 Jo 5:7-8 **19:13:** Aisaia 63:1-3; Jon 1:1; 1:14; 1 Jon 5:7-8 **19:14:** Mt 28:3, MAA 4:4, 7:9 **19:14:** Matyu 28:3; Akar Mogomem 4:4; 7:9

<sup>15</sup> Ezi mīdorozir sabar ghumtīzir mam gumazir men faragha zuir kamīn akamīn ikegha, azenan izi. A mīdorozir sabar kamīn nguibar igharazibav sogh me abīnam. Egh a gavgavim itir ainīn aghorimīn suiragh egh gumazamizibagh ativamin gavgavim ikiam. Egh a, dagīar mīner bar ekiamīn aven me wainīn oviziba mīrmīri moghīn, Godīn Gavgaviba Bar Itimīn anīngagharir arazir ekiam akagham.

<sup>16</sup> Ezi an korotiar ruarim ko an buarakīrimīn, me ziar kam osiri:

“Atrivibar Atrivir Ekiam ko,  
Ekiabar Gumazir Ekiam.”

<sup>17</sup> Ezi kī enselin mamīn garima an aruem gisīn tughav iti. Egha overiamīn pīn mīghagha aruir kuarazibar dīa ghaze, “Ia izī uari akuvagh egh dagher ekiar God ia danīngamim bagh mīzuam.

<sup>18</sup> Ia atrivibar kuabar tuziba ko, mīdorozir gumazibar faragha zuir gumaziba ko mīdorozir gumaziba ko, hoziabar kuabar tuziba ko dagh api-azir gumazibar kuabar tuzibar amam. Egh ia gumazamiziba bar men kuabar tuzibar amam, pura ingangarir gumazamizir kīniba ko gumazamizir firiaghīreziba, ko pura gumazamiziba ko gumazamizir ziaba itiba!”

---

**19:15:** Sng 2:9, Ais 63:3, Jol 3:13, 2 Te 2:8, MAA 1:16, 2:27, 4:8, 12:5, 14:19-20    **19:15:** Onger Akaba 2:9; Aisaia 63:3; Joel 3:13; 2 Tesalonika 2:8; Akar Mogomem 1:16; 2:27; 4:8; 12:5; 14:19-20

**19:16:** 1 Ti 6:15, MAA 17:14, 19:12    **19:16:** 1 Timoti 6:15; Akar Mogomem 17:14; 19:12    **19:17:** Esekiel 39:17-20

19 Ezi ki asizir atiar kam ko nguazimın atriviba ko, men midorozir gumazibar gari, me iza uari akufa. Me gumazir hoziam gaperazim ko an midorozir gumaziba ko misoghasa.

20 Ezi, asizir atiam ko akar ifavaribagh amir gumazim, an aning kalabus gati. Akar ifavaribagh amir gumazir kam arazarazir igharagha garir avirim asizir atiamın damazimın dagh ami. Kamaghın amizi a gumazamizibagh ifarima me asizir atiamın osizirim inigha egha an marvir guamın ziam fe. Asizir atiam ko akar ifavaribagh amir gumazim, aning angamıra ikiavıra itima, me aning inigha aning akunizi aning danganir salfan dagiar avim ikia mamaghıra itim giraghu.

21 Ezi aningın midorozir gumaziba, gumazir hoziam gaperazim, uan midorozir sabar an akamın itimın me misoghezi me ariaghire. Ezi kuaraziba bar men kuabar tuziba amegha naviba bar izefe.

## 20

### *Satan 1,000plan azenibar kalabusın ikiam*

<sup>1</sup>Ezi ki gari, enselin mam Godin Nguibam ategha izaghira, egha mozir bar konezimın kin suira. Egha uaghan senın ekiamın suira.

---

**19:19:** Sng 2:2, MAA 16:16, 17:13-14      **19:19:** Onger Akaba 2:2; Akar Mogomem 16:16; 17:13-14      **19:20:** Ais 30:33, Dan 7:11, MAA 13:1-18, 14:10, 16:13-14, 20:10, 20:15      **19:20:** Aisaia 30:33; Daniel 7:11; Akar Mogomem 13:1-18; 14:10; 16:13-14; 20:10; 20:15  
**19:21:** MAA 17:16, 19:15-18      **19:21:** Akar Mogomem 17:16; 19:15-18      **20:1:** MAA 1:18, 9:1      **20:1:** Akar Mogomem 1:18; 9:1

<sup>2</sup> Egha a kuruzir ekiar kamın suiragha anebıra, kar kuruzir bar fomıra itim, a Satan, gumazir akam isa bar gumazamizibagh asim. Satan 1,000plan azenibar kalabusin ikiasa, ensel a inigha senin a ike.

<sup>3</sup> Egha ensel a inigha anekunizi, a mozir bar konim giraghu. Egha mozir torimin akam apirigha anepaghapaki, eghti an azenan izan kogham. Eghti Satan nguazimin itir gumazamiziba ua me gifaran kogh mangiti 1,000plan azeniba givagham. Eghti gin ensel uam a firighti a bar dughiar otevimra ikiam.

<sup>4</sup> Ezi ki atrivir dabirabibar garima, gumazir dagh apiaghav itiba, God gumazamizibar araziba tuisighamin gavgavim me ganingi. Ezi ki gumazamizir ariaghirezibar duabar gari, da iti. Gumazamizir kaba, nighnizir gavgavim Iesusin ikia egha an akam akura egha pamten Godin akamin suira, ezi bizir kaba bangin, men apaniba me misogha men firiba aghorezi me ariaghire. Gumazamizir kaba asizir atiam ko an marvir guamin ziam fer puvatigha, an ababanim uan guaba ko uan dafaribar a inizir puvati. Ki gari, gumazamizir kaba me ua angamira ikia Krai Iesus ko atrivibar min 1,000plan azenibar ikiam.

<sup>5</sup> Eghti gumazamizir igharazir ariaghireziba dughiar kamın, bar ua dikavigh angamira ikian

---

**20:2:** Stt 3:1, 2 Pi 2:4, Ju 6, MAA 12:9      **20:2:** Jenesis 3:1; 2 Pita 2:4; Jut 1:6; Akar Mogomem 12:9      **20:3:** Dan 6:17, Ju 6, MAA 16:14-16, 20:8      **20:3:** Daniel 6:17; Jut 1:6; Akar Mogomem 16:14-16; 20:8      **20:4:** Dan 7:9, 7:22, 7:27, 1 Ko 6:2, 2 Ti 2:12, MAA 6:9, 13:12-17      **20:4:** Daniel 7:9; 7:22; 7:27; 1 Korin 6:2; 2 Timoti 2:12; Akar Mogomem 6:9; 13:12-17



kogham. Me ovegh mamaghira iki mangiti 1,000plan azeniba givagham. Dughiar kam, kar faragha zuir dughiar gumazamiziba ua dikavamim.

<sup>6</sup> Eghti, gumazamizir God ua bagha inabazir faragha dikaviziba, me guizbangira bar akuegham. Me Godin gumazamizibara. Ovever namba 2, me iniamin gavgaviba puvati. Me God ko Kraisin ofa gamir gumazamizibar ikiam. Egh Krai ko 1,000plan azenibar atrivibar ikiam.

### *Satan a bar ikuvigham*

<sup>7</sup> Eghti 1,000plan azeniba givaghti, ensel mozir torir bar konezimın akam kuighti, Satan uan kalabus ategham.

<sup>8</sup> Egh an azenan izi nguazir kamın itir kantriba bar dar gumazamizibagh ifaram, kar Gok ko Magokin adarasi. Satan midorozir ekiam damusi men gumaziba akuvagham. Men midorozir gumazibar dibobonim ongarimın gigimın min otogham.

<sup>9</sup> Me tintinibar nguazir kamın mangi, Godin gumazamiziba uari akuva itir danganim ekiarugham, kar nguibar ekiar God bar ifongezim. Eghti avim overiamın ikegh izighiri midorozir gumaziba bar men isigh me kuavaremegham.

---

**20:6:** 1 Pi 2:9, MAA 1:6, 2:11, 20:4      **20:6:** 1 Pita 2:9; Akar Mogomem 1:6; 2:11; 20:4      **20:8:** Ese 7:2, 38:2, 38:9, 38:15, MAA 16:14, 20:10      **20:8:** Esekiel 7:2; 38:2; 38:9; 38:15; Akar Mogomem 16:14; 20:10      **20:9:** 2 Kin 1:10, Ese 38:9, 38:16, 39:6      **20:9:** 2 Atriviba 1:10; Esekiel 38:9; 38:16; 39:6

<sup>10</sup> Satan me gifari, kamaghın amızı God anekunightı a danganir avim ko salfan dagıar avir bar puvıra isir kamın magıram. Asızir atiam ko akar ifavaribagh amir gumazim faraghavıra danganir kamın iti, me arueba ko dimagaribar mızazir ekiam ini zurazurara mamaghıra ikiam.

*Kotiar Bar Ekiam otivam*

<sup>11</sup> Egħa kı atrivir dabirabir ghurghurir ekiamın garima a iti, ezı gumazir a gapiaghirim, kı an garima a iti. Ezı nguazim ko overiam aning arav ghu, egħtı gumazitam uam aningın ganan kogham.

<sup>12</sup> Ezı kı gumazamizir ovengezir ziaba itiba ko ziaba puvatızibar gari, me bar iti. Me atrivir dabirabimın guamın tuivighav iti, ezı akınafarir gumazamizibar araziba itiba kuiaghire. Ezı me akınafarir igharazim uaghan akui, kar akınafarir God gumazamizir ikırımırir zurara itim iniamin ziaba osirizim. Ezı gumazir atrivir dabirabir kam gaperazim, akar akınafarir kabar itibar gara gumazamizir ovengezibar araziba tuisisi.

<sup>13</sup> Ezı ongarımın ariaghirezir gumazamiziba, ongarım me amadazı me izi. Ezı Ovevem ko Gumazamizir Oveaghuezibar Nguibam, aning ua

---

**20:10:** Stt 19:24, Sng 11:6, MAA 14:10-11, 19:20, 20:8, 21:8    **20:10:** Jenesıs 19:24; Onger Akaba 11:6; Akar Mogomem 14:10-11; 19:20; 20:8; 21:8    **20:11:** Dan 2:35, 2 Pi 3:7, 3:10-11    **20:11:** Daniel 2:35; 2 Pita 3:7; 3:10-11    **20:11:** Daniel 7:9-10    **20:12:** Dan 12:1, Mt 16:27, 25:31-46, Ap 17:31, Ro 2:6, 2 Ko 5:10, Fl 4:3, MAA 13:8, 19:5    **20:12:** Daniel 12:1; Matyu 16:27; 25:31-46; Aposel 17:31; Rom 2:6; 2 Korin 5:10; Filipai 4:3; Akar Mogomem 13:8; 19:5    **20:13:** Ro 2:6, 1 Pi 1:17, MAA 2:23, 6:8, 20:12, 22:12    **20:13:** Rom 2:6; 1 Pita 1:17; Akar Mogomem 2:23; 6:8; 20:12; 22:12

ovengezir gumazamizir aningın itiba amadazı me izi. Ezi gumazir atrivir dabirabim gaperaghav itim, gumazamiziba amizir araziba bagha vaghvagha men kotiaba baragha me tuisisi.

<sup>14</sup> Egha gın an Ovevem ko Gumazamizir Oveaghuezibar Nguibam akunizi, aning danganir avim bar puvıra isim giraghu. Danganir avim bar puvıra isir kam, kar namba 2ın ovevem.

<sup>15</sup> Eghtı gumazamizibar ziaba, akınafarir God gumazamizir ikirimirir zurara itim iniamin ziaba osirizim, men ziaba aven itir puvati, me uaghan me isi danganir avim bar puvıra isim, me akunam.

## **God biziba bar dagh amizi da igiabar otifi**

# 21

*(Sapta 21--22)*

*Nguazir igiam ko overiar igiam oto*

<sup>1</sup> Ezi ki datirighın overiar igiam ko nguazir igiamın gari, aning iti. Overiar ghurim ko nguazir ghurim, aning bar moghıra arav ghugha ua itir puvati. Ezi ongarim uaghan ua itir puvati.

<sup>2</sup> Ezi Nguibar God Baghavıra Itim, a Jerusalemın igiam, ki an gari. Ki an garima, a Godın damazimın ikegha Godın Nguibam ategha izaghiri. A uabi

---

**20:14:** 1 Ko 15:26, 15:54-55, MAA 20:6, 21:8      **20:14:** 1 Korin 15:26; 15:54-55; Akar Mogomem 20:6; 21:8      **20:15:** MAA 13:8, 19:20      **20:15:** Akar Mogomem 13:8; 19:20      **21:1:** Ais 65:17, 66:22, 2 Pi 3:13, MAA 20:11      **21:1:** Aisaia 65:17; 66:22; 2 Pita 3:13; Akar Mogomem 20:11      **21:2:** Ais 52:1, 61:10, Ga 4:26, Hi 11:10, 11:16, 12:22, MAA 3:12, 21:10      **21:2:** Aisaia 52:1; 61:10; Galesia 4:26; Hibru 11:10; 11:16; 12:22; Akar Mogomem 3:12; 21:10

akırigha, kurukazir bar aghuim gami, mati amizim uan pamın ikiasa kuruke.

<sup>3</sup> Ezi ki orazi, tiarir mam atrivir dabirabimın iza pamtem miği:

“Ia orakigh.

Datırighın God gumazamiziba ko ikiavıra iti!

Egh men tongin ikiti

me an gumazamizibar ikiam.

God uabi me ko iki

egh men Godın ikiam.

<sup>4</sup> Egh a men damazir teriba vaghvagh da adizam.

Bizir faragha itir kurar kabanang,

da bar gıvaghham.

Eghti gumazamiziba uam ovengan kogham,

egh me ua naviba osimıva

egh uam azian kogham,

egh ua mızaziba inian kogham.”

<sup>5</sup> Ezi gumazir atrivir dabirabim gaperaghav itim miğia ghaze, “Ni oragh! Ki bizibagh amizi, da bar igiabar otifi.” Egha a ua kamaghın miğia ghaze, “Ni akar kabanang osirigh. Akar kaba da bar guizbangıra, eghti gumazamiziba niğniğzir gavgavimın dar ikiam.”

---

**21:3:** Wkp 26:11-12, 2 Sto 6:18, Ese 37:27, 43:7, Sek 2:10, 2 Ko 6:16, MAA 7:15-17     **21:3:** Ofa Gami 26:11-12; 2 Eghaghaniba 6:18; Esekiel 37:27; 43:7; Sekaraia 2:10; 2 Korin 6:16; Akar Mogomem

7:15-17     **21:4:** Ais 25:8, 35:10, 61:3, 65:19, 1 Ko 15:26, 15:54, MAA 7:17, 20:14     **21:4:** Aisaia 25:8; 35:10; 61:3; 65:19; 1 Korin 15:26;

15:54; Akar Mogomem 7:17; 20:14     **21:5:** Ais 43:19, 2 Ko 5:17, MAA 4:2, 4:9-10, 19:9, 20:11     **21:5:** Aisaia 43:19; 2 Korin 5:17; Akar Mogomem 4:2; 4:9-10; 19:9; 20:11

<sup>6</sup> Egha a kamaghin na miġei, “Biziba bar otivigha ġifa. Ezi kirara, ki faraghavira ikia egh bar ġin ikiva abuan ikivira ikiam. Ki biziba bar dar mingarim, egha ingangarir ki amiba ki uaghan bar da agefi. Eghti gumazim kuarim an pirti, ki dipar ikirimirir zurara itim anidim a daningti, aneremam. Dipar kam nguazimin aven anadi. Dipar a isir kam, an a givezan kogham, a puram a iniam.

<sup>7</sup> Gumazamizir midorozim gamua apaniba abiriba, ki bizir kaba me daningam. Egh ki men Godin ikiti, me nan boribar ikiam.

<sup>8</sup> Eghti gumazamizir atiatia ua girakirangin zuiba ko, nighnzir gavgavim ataghiziba ko, gumazamizir arazir bar kurar mizirizibagh amiba ko, gumazir gumazamizibav sozi me ariagheriba ko, gumazamiziba uari ko akua amir araziba ko, akuzibagh amua egha imezibagh amir gumaziba ko, asebar ziaba feba ko, gumazamizir ifavariba, me bar uan nguibamin mangam. Kar danganir avim ko salfan dagiar avir bar puvira isim. Kar ovever namba 2.”

### *Jon Jerusalem in igiam in gari*

<sup>9</sup> Ezi enselin mam na bagha izi. Faragha enselin

---

**21:6:** Ais 55:1, Jer 2:13, Jo 4:10, 4:14, 7:37, MAA 1:8, 1:17, 16:17, 22:13, 22:17    **21:6:** Aisaia 55:1; Jeremaia 2:13; Jon 4:10; 4:14; 7:37; Akar Mogomem 1:8; 1:17; 16:17; 22:13; 22:17    **21:7:** 2 Sml 7:14, Sng 89:26-27, Sek 8:8, Hi 8:10    **21:7:** 2 Samuel 7:14; Onger Akaba 89:26-27; Sekaraia 8:8; Hibru 8:10    **21:8:** Mt 25:41, Ef 5:5, 1 Ti 1:9, Hi 12:14, MAA 19:20, 20:14-15, 21:27, 22:15    **21:8:** Matyu 25:41; Efesus 5:5; 1 Timoti 1:9; Hibru 12:14; Akar Mogomem 19:20; 20:14-15; 21:27; 22:15    **21:9:** MAA 15:1, 15:6-7, 19:7-9    **21:9:** Akar Mogomem 15:1; 15:6-7; 19:7-9

7pla, me itarir 7plan bizir bar kuraba aven itiba suiki, kar Godin aningagharir arazir abuananaba. Enselin kam, a men mav. A kamaghin na migei, “Ni iziti, ki Sipsipin Nguzimin amuir a datirighin ikiamim nin akagham.”

<sup>10</sup> Ezi Godin Duam pamtem nan ingarima, ensel na inigha ghua mighsiar bar ekiamin ghua-vanabo. Egha Nguibar Ekiar God Baghavira Itim, Jerusalem nan aka. Nguibar kam a Godin damazimin ikegha Godin Nguibam ategha iza-ghiri.

<sup>11</sup> Ezi Godin angazangarir ekiam nguibar kam gisira, ezi an angazangarim bar igharagha gari, mati dagiar ivezim bar pin kozimin min gari. A jasp-an dagiar angazangarimin min gara egha glasin min taghtasi.

<sup>12</sup> Nguibar kamın divazim bar ekevegha bar pin mar iti, ezi tiar akar 12pla divazir ekiar kamın iti. Ezi 12plan enselba tiar akar kabar boroghın tuivighav iti, ezi Israelın 12plan anababar ziaba tiar kabagh isin iti.

<sup>13</sup> Ezi aruem anadi naghın itir divazir miriam, tiar akar 3pla an iti. Ezi divazir miriar Notin itim, tiar akar 3pla an iti. Ezi divazir miriar Sautin itim, tiar akar 3pla an iti. Ezi aruem uaghiri naghın itir divazir miriam, tiar akar 3pla an iti.

<sup>14</sup> Nguibar kamın divazim, 12plan dagiar ekiaba

---

**21:10:** Ese 40:2, MAA 1:10, 17:3, 21:2    **21:10:** Esekiel 40:2; Akar Mogomem 1:10; 17:3; 21:2    **21:11:** Ais 60:1-2, 60:19, MAA 21:23, 22:5    **21:11:** Aisaia 60:1-2; 60:19; Akar Mogomem 21:23; 22:5  
**21:12:** Esekiel 48:30-35    **21:14:** Mt 16:18, Ga 2:9, Ef 2:20, Hi 11:10  
**21:14:** Matyu 16:18; Galesia 2:9; Efesus 2:20; Hibru 11:10

an apengan ikia gavgavim a ganidi, ezi Sipsipin Nguzimin aposelbar ziaba dar iti.

<sup>15</sup> Ezi enselin na ko migeim, golin aghorir bizibar abarimin suira, a nguibar kam ko divazir ekiam ko an tiar akabar apanasa.

<sup>16</sup> Nguibar ekiar kamın 4plan miriabar ababanım voroghıra ghu. Ezi ensel uan golin aghorimin nguibar ekiamın abarima an ababanım ghua 2,200 kilomitan tu. Ezi nguibar ekiamın 4plan miriaba ko an ruarimın ababanım bar voroghıra ghue, egha boksiar dafamin min gari.\*

<sup>17</sup> Ensel nguibar ekiamın divazim uaghan an abarazıma, ezi divazimın tuirivimın ababanım ghua 65 mitan tu. Ababanır kam gumazamiziba bizibar abarır ababanımın mirara gari, ezi ensel ababanır kamra divazir kamın abara a medi.

<sup>18</sup> Nguibar ekiamın divazim God dagıar jasper an ingari, egha nguıbam uabi a dagıar golrama an ingari, ezi a glasın mın isia taghtasi.

<sup>19</sup> Ezi nguıbar ekiamın divazir mıngarım, God dagıar bar ıgharagha garır bar pın kozıbar anesıngi. Dagıar kaba dıgırır aghuıba dar iti, dar ıvezıba bar pın ko. Dagıar faragha zuir bar aghuım, jasper, a divazir mıngarımın faragha iti. Ezi namba 2 a sapaian dagıar blupla. Ezi namba

---

**21:15:** Ese 40:3, Sek 2:1, MAA 11:1      **21:15:** Esekiel 40:3; Sekaraia

2:1; Akar Mogomem 11:1      \* **21:16:** Grighın akam kamaghın migei, nguıbar kamın ababanım “12,000 stadia.” Ezi en dibobonım e kamaghın a diponam, 2,200 kilomita. Ezi e fozır puvati, Jon guızın 2,200 kilomitan ababanım migei, o an osırızır namban kam 12,000, a bizır ıgharazım migei. E fo, Judan gumazıbar nıghnızımın aven, namba 12, a mıngarır ekiam an iti.      **21:18:** Aısaia 54:11-12

3 a agetin dagiam. Ezi namba 4 a emeralin dagiar garim.

<sup>20</sup> Ezi namba 5 a sadonikisin dagiam, a ghurghurigha aghefe. Ezi namba 6 a konilian dagiar aghevim. Ezi namba 7 a krisolaitin dagiar iangurim. Ezi namba 8 a berilin dagiar garim. Ezi namba 9 a topasin dagiar iangurir igharagha garim. Ezi namba 10 a krisopresin dagiam. Ezi namba 11 a haiasinin dagiam. Ezi namba 12 a ametisin dagiar pighaghevim.

<sup>21</sup> Ezi tiar akar 12plan kaba, da 12plan manmaniar ghurghurir iveziba bar pin kozibar dar ingari. Tiar akar kaba me manmaniar ghurghurir ekiaba vaghvagha dar ingari. Ezi nguibar kamın aven itir tuaviba me golrama dar ingari, ezi golin kam glasın mın taghtasi.

<sup>22</sup> Ezi ki gari, nguibar ekiar kamın aven Godin Dipenir gumaziba ingarizi tam itir puvati. Ekiam, a Godin Gavgaviba Bar Itim, ko Sipsipin Nguzim, aning uaning Godin Dipenimın danganım ini.

<sup>23</sup> Godin angazangarir gavgavimra angazangarım nguibar ekiar kam ganıdi. Ezi Sipsipin Nguzim uabi nguibar ekiar kamın lamın mın iti. Kamaghın amizi nguibar ekiar kamın angazangariba aningamin arueba ko iakiniba puvatıgham.

<sup>24</sup> Eghti nguibaba bar dar gumazamiziba nguibar ekiar kamın angazangarımın daruam.

---

**21:21:** MAA 21:12, 21:18

**21:21:** Akar Mogomem 21:12; 21:18

**21:22:** Jo 4:23, MAA 15:3

**21:22:** Jon 4:23; Akar Mogomem 15:3

**21:23:** Ais 60:19-20, MAA 21:11, 22:5

**21:23:** Aisaia 60:19-20;

Akar Mogomem 21:11; 22:5

**21:24:** Ais 60:3-5, 66:12

**21:24:**

Aisaia 60:3-5; 66:12



Eghti nguibaba bar dar atriviba uan bizir bar aghuiba inigh an aven izam.

<sup>25</sup> Eghti aruemin, me nguibar ekiar kamın divazimın tiar akaba aseghan kogham. Dimagariba nguibar ekiar kamın puvatigham. Kamaghın amizi tiar akaba kuighiregh mamaghıra ikiam.

<sup>26</sup> Eghti nguibabar atriviba bar men dagiaba ko men bizir digirir aghuiba, me bar ada inigh aven mangam.

<sup>27</sup> Eghti bizir mızırıziba ko gumazamizir arazir kurigha mughazibagh amiba ko, gumazamizir ifavariba, me nguibar ekiar kamın aven mangan kogham. Bar puvatigham, gumazamizir ziaba akınafarir zurara itimın aven itiba, akınafarir kam a Sipsipin Nguzimın akınafarim, merara nguibar ekiar kamın aven mangam.

## 22

*Jon, temer ikirimir zurara itim ko dipar ikirimir zurara itim anidim, aningın gari*

<sup>1</sup> Ezi ensel faner mam nan aka, faner kamın dipam ikirimir zurara itim anidima, an angazangarim glasin mın taghtasi. Faner dipar kam God ko Sipsipin Nguzimın atrivir dabirabimın apengan ikegha ivemara ghua,

---

**21:25:** Sek 14:7, MAA 22:5      **21:25:** Sekaraia 14:7; Akar Mogomem 22:5      **21:25:** Aisaia 60:11      **21:26:** Ais 66:12, MAA 21:24      **21:26:** Aisaia 66:12; Akar Mogomem 21:24      **21:27:** Ais 35:8, 52:1, 60:21, Ese 44:9, Jol 3:17, 1 Ko 6:9-10, Fl 4:3, MAA 13:8, 20:12, 21:8, 22:14-15      **21:27:** Aisaia 35:8; 52:1; 60:21; Esekiel 44:9; Joel 3:17; 1 Korin 6:9-10; Filipai 4:3; Akar Mogomem 13:8; 20:12; 21:8; 22:14-15      **22:1:** Ese 47:1, Sek 14:8      **22:1:** Esekiel 47:1; Sekaraia 14:8

<sup>2</sup> nguibar ekiar kamın tuavir torimın uaghiri. Ezi faner kamın miriamningın temer ikirimirir zurara itim anidiba vong ko vong sara tuivighav iti. Temer kaba 12plan iakinibar azeniba vaghvagha zurara dagheba be. Temer kabar dafariba, kantriba bar dar gumazamizibar amuti me ua ghuamaghegham.

<sup>3</sup> Eghti bizir God bar aghuagha otogheziba uamategh ikian kogham. God ko Sipsipin Nguzimın atrivir dabirabim, nguibar ekiar kamın ikiam. Eghti Godın ingangarir gumazamiziba an ingangarim damuam.

<sup>4</sup> Egh me an guamın gantima, an ziam men guabar ikiam.

<sup>5</sup> God en Ekiam, angazangarim gumazamizibar anıngti, kamaghın dimagarim uam otivan kogham, eghti lam ko aruemin angazangariba ua ingangariba puvatigham. Eghti Godın gumazamiziba, me atrivibar mın zurara iki mamaghıra ikiam.

### *Jesus zuamiram otogham*

<sup>6</sup> Ezi enselin kam kamaghın miğia ghaze, “Akar

---

**22:2:** Stt 2:9, Ese 47:12, Jol 3:18, Sek 14:8, MAA 2:7, 21:24, 22:14, 22:19    **22:2:** Jenesis 2:9; Esekiel 47:12; Joel 3:18; Sekaraia 14:8; Akar Mogomem 2:7; 21:24; 22:14; 22:19    **22:3:** Ese 48:35, Sek 14:11, Stt 3:17, MAA 7:15    **22:3:** Jenesis 3:17; Esekiel 48:35; Sekaraia 14:11; Akar Mogomem 7:15    **22:4:** Sng 42:2, Mt 5:8, 1 Ko 13:12, 1 Jo 3:2, MAA 3:12, 14:1    **22:4:** Onger Akaba 42:2; Matyu 5:8; 1 Korin 13:12; 1 Jon 3:2; Akar Mogomem 3:12; 14:1    **22:5:** Ais 60:19, Dan 7:18, 7:27, 2 Ti 2:12, MAA 5:10, 20:6, 21:23-25    **22:5:** Aisaia 60:19; Daniel 7:18; 7:27; 2 Timoti 2:12; Akar Mogomem 5:10; 20:6; 21:23-25    **22:6:** MAA 1:1, 19:9, 21:5    **22:6:** Akar Mogomem 1:1; 19:9; 21:5

kaba da bar guizbangira, eghti gumazamiziba nighnizir gavgavim dar ikiam. Godin Ekiam, uan Duam an akam inigha izir gumazibagh aningizi, a men navir averiaba fema, me an akam akuri. Egha a uan ensel amadazi, ensel an ingangarir gumazamiziba bizir bar zuamirama otivamiba men akaghasa, izi.”

<sup>7</sup> Ezi Iesus kamaghin migei:

“Ia orakigh.

Ki bar zuamira ia batogham.

Akinafarir kam, a datirighin ko gin otivamin biz-  
ibar gun migeir akaba,

an aven iti.

Eghti gumazamizir akar kabar gin zuiba,  
me bar akongegh!”

<sup>8</sup> Ki Jon, ki bizir kabar gara egha akar kaba barasi. Ki dar ganigha egha da baregha, maghira enselin bizir kaba nan akazimin suemningin tevimning apirigha an ziam fasa.

<sup>9</sup> Ezi a kamaghin na migei, “Ni mamaghin damuan marki! Ki uaghan, ni ko Godin akam inigha izir gumazamiziba, me nin adarasi, e bar ingangarir vamiram ami. Egha gumazamizir akinafarir kamın akabar gin zuiba, ki me ko ingangarir vamiram ami. God uabira, ni an ziam fi!”

<sup>10</sup> Egha a kamaghin na migei, “God bizibar amuamin dughiam a bar roghira ize. Kam-

---

**22:7:** MAA 1:3, 3:11, 22:10-12, 22:20    **22:7:** Akar Mogomem 1:3; 3:11; 22:10-12; 22:20    **22:8:** MAA 19:10    **22:8:** Akar Mogomem 19:10    **22:10:** Dan 8:26, 12:4, 12:9, MAA 1:3, 10:4    **22:10:** Daniel 8:26; 12:4; 12:9; Akar Mogomem 1:3; 10:4

aghin amizi, ni datirighin ko gin otivamin bizibar gun migeir akar akinafarir kamın itim, ni dar ghuangsighan marki.

<sup>11</sup> Gumazamizir arazir kurabagh amiba, me dar amu mangivira iki. Eghti gumazamizir arazir mizirizibagh amiba, me dar amu mangivira iki. Eghti gumazamizir arazir aghuibagh amiba, me arazir aghuibar amu mamaghira iki. Ezi gumazamizir God baghavira itiba, me Godin gumazamizir ikiivira iki.”

<sup>12</sup> Ezi Iesus kamaghin migei, “Ia orakigh, ki bar zuamira ia batogham. Ki ivezir bar ia daningamim inigh izam. Egh gumazamiziba amir araziba bagh, ki vaghvagh iveziba ua me ikarvagh.

<sup>13</sup> Kirara ki bar faraghavira ikia egh abuan ikiivira ikiam. Egha ki biziba bar dar mingarim, egha ingangarir ki amiba ki uaghan bar a da gefi.

<sup>14</sup> “Ezi gumazamizir uan korotiaba ruegha itiba, God ghaze, me temer ikirimirir zurara itim anidir kamın daghebar amiva, uaghan nguibar ekier kamın tiar akabar aven mangam. Kamaghin amizi me bar akongegh.

---

**22:11:** Ese 3:27, Dan 12:10, 2 Ti 3:13    **22:11:** Esekiel 3:27; Daniel 12:10; 2 Timoti 3:13    **22:12:** Sng 28:4, Ais 40:10, 62:11, Jer 17:10, Ro 2:6, 14:12, 2 Ko 11:15, MAA 2:16, 2:23, 20:12    **22:12:** Onger Akaba 28:4; Aisaia 40:10; 62:11; Jeremaia 17:10; Rom 2:6; 14:12; 2 Korin 11:15; Akar Mogomem 2:16; 2:23; 20:12    **22:13:** Ais 44:6, 48:12, MAA 1:8, 1:17, 2:8, 21:6    **22:13:** Aisaia 44:6; 48:12; Akar Mogomem 1:8; 1:17; 2:8; 21:6    **22:14:** Stt 2:9, 3:22, 1 Jo 3:24, MAA 7:14, 21:27, 22:2    **22:14:** Jenesis 2:9; 3:22; Akar Mogomem 7:14; 21:27; 22:2

15 Eghti gumazamizir arazir bar kurar mizirizibagh amiba ko, akuzibagh amua egha imezibagh amir gumaziba ko, gumazamizir uari bakia akuiba ko, gumazamizibav sozi me ariaghirir gumaziba ko, gumazamizir asebar ziaba feba ko, gumazamizir bar ifavarir arazim gifongegha a gamiba, gumazamizir kaba bar moghira Godin nguibar kamın azenan ikiam.

16 “Ki Iesus, ki uan ensel amadazi a ia bagha iza, egha siosba bagha akar kamın gun me mikeme. Ki Atrivim Devitin ovavim. Kirara, ki aminim tiasava amir mikovezir bar puvira isim.”

17 Ezi Godin Duam ko Sipsipin Nguzimin amuim, aning ghaze, “Ekiam Iesus, ni izi!” Eghti gumazamizir uaghan akar kam baraghiziba, me uaghan kamaghin mikimam, “Ni izi!” Eghti gumazitam kuarim an pirti, a izi. Egh a dipam amisi, dipar ikirimirir zurara itim anidir kam puram a inigham, iveziba puvati.

*Jon akar bar gavgavim gumazamizir akinafarir kamın itir akaba baraghizibagh anidi*

18 Ki Jon, ki gumazamizir akinafarir kamın aven itir akam baraghizibav kimasa, akar kam a datirighin ko gin otivamin bizibar eghaghanim.

---

**22:15:** Ga 5:19-21, Fl 3:2, Kl 3:6, MAA 21:8      **22:15:** Galesia 5:19-21; Filipai 3:2; Kolosi 3:6; Akar Mogomem 21:8      **22:16:** Nam 24:17, Ais 11:1, 11:10, Sek 6:12, Ro 1:3, 2 Pi 1:19, MAA 2:28, 5:5

**22:16:** Diboboniba 24:17; Aisaia 11:1, 11:10; Sekaraia 6:12; Rom 1:3; 2 Pita 1:19; Akar Mogomem 2:28; 5:5      **22:17:** Sng 8:14, Ais 55:1, Jo 7:37, MAA 21:2, 21:6, 21:9      **22:17:** Aisaia 55:1; Jon 7:37; Akar Mogomem 21:2; 21:6; 21:9

**22:18:** MAA 15:1, 15:6      **22:18:** Akar Mogomem 15:1; 15:6      **22:18:** Godin Araziba 4:2; 12:32

Ki gumazamizir kaba pamtemin vaghvagha me migei, “Gumazitam akar igharazitam uam akar kam gisin a giviraghti, God a ikarvaghiva, arazir bar kurar akinafarir kamın aven itim, God gumazir kamın ivezir kuram ua dagh iviragham.

<sup>19</sup> Eghti gumazitam datirighin ko gin otivamin bizibar akar akinafarir kamın itibar tam adeghti, God an bizir aghuiba a dama da degham. Eghti a temer ikirimirir zurara itim anidimin daghetam aman kogham, egh God baghavira itir nguibar ekiamın ikian kogham. Nguibar ekiar kam, akinafarir kam an gun migei.”

<sup>20</sup> Ezi Gumazir Bizir Kabar Gun Migeir Kam, datirighin kamaghin migei:

“Bar guizbangira,  
ki zuamira ia batogham.”

Guizbangira! Ekiam Iesus, ni izi!

<sup>21</sup> Eghti Ekiam Iesusın apangkuvim, Godın gumazamiziba bar moghira me ko iki.

Bar guizbangira!

---

**22:19:** Sng 69:28, MAA 13:8, 22:2      **22:19:** Onger Akaba 69:28; Akar Mogomem 13:8; 22:2      **22:20:** Mt 16:27, 1 Ko 16:22, MAA 22:7, 22:12      **22:20:** Matyu 16:27; 1 Korin 16:22; Akar Mogomem 22:7; 22:12      **22:21:** Ro 16:20, 16:24, 2 Te 3:18      **22:21:** Rom 16:20; 2 Tesalonika 3:18

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 28 Dec 2024 from source files dated 29 Jan 2022

8f6beb37-6783-55d5-91ed-8321cc3f5eea